



9

UTL AT DOWNSVIEW



D RANGE BAY SHLF POS ITEM C
39 12 06 12 12 005 6

**PLEASE DO NOT REMOVE
CARDS OR SLIPS FROM THIS POCKET**

UNIVERSITY OF TORONTO LIBRARY

2301

فهرست رساله روضه محاوره

صفحه

روضه اولی عقائد اسلامیه	۰۰۷
مبحث ابتدای خلقت عالم و کیفیت تسلسل بنی آدم	۰۱۰
مبحث اثبات واجب الوجود بالعقل و بیان العقل	۰۱۴
مبحث اثبات الواجب و بیان النقل	۰۲۰
مبحث قضا و قدر و انقسام القضا	۰۲۷
روضه ثانیه اصول و عملیات شرعیه و عبادات	۰۲۹
مبحث سبب ارسال رسل علیهم الصلوٰه والسلام	۰۳۳
مبحث اسماء انبیاء علیهم الصلوٰه والسلام	۰۳۵
مبحث ولادت رسول الله صلی الله علیه وسلم	۰۵۵
مبحث ابتدای نزول آیات قرآنی و رسالت رسول الله صلی الله علیه وسلم	۰۵۷
علیه وسلم	۰۰۰
مبحث معراج النبی صلی الله تعالی علیه وسلم	۰۵۹
مبحث هجرت النبی صلی الله علیه وسلم	۰۶۲
مبحث فتح مکه مکرمه شرفها الله الی یوم القیامه	۰۶۵
مبحث شرف نزول آیات کریمه و بیان عدددها	۰۷۲
مبحث شکر نعم رب غفور و بیان کیفیت شکر	۰۷۶
مبحث عبادات و طاعات و ابداع اذان محمدیه	۰۸۰
مبحث فرائض و ارکان صلوات خمس	۰۸۶
مبحث قیامت و جنت و جهنم و کیفیات سوق اهلها	۰۹۲
مبحث اصحاب کرام و عشره مبشره و مذاهب اربعه	۰۹۵
مبحث ملائکه کرام علیهم السلام	۰۹۶
مبحث ابلیس علیه ما یشق و بیان جان و جن	۱۰۰
مبحث رؤیت رؤیا و کیفیت تعبیرها	۱۰۳
مبحث اصول آداب تربیه و علوم عربیه و شرعیه	۱۰۵
مبحث سلام و آداب طعام و کلام	۱۲۲


لطایف حکیمه	۱۲۹
مبحث اسباب حفظ صحت ابدان و موجب علت انسان	۱۳۳
روضه ثلثه ضروب امثال	۱۳۷
خاتمه وجه تسمیه اسامی شهور عربیه	۱۵۲


Ravza-i muhāvere

(مکتوبی بحریہ اوطہ سی مدیر اولی حسن توفیق)
(افندیك ائیدر)

مطبعه عامره ده طبع اولمشادر

سنه
۱۲۹۶





BP
165
H39
1879

بِسْمِ اللَّهِ الرَّحْمَنِ الرَّحِيمِ

❦ از من فضل ربی ❦

دباجه رسائل مسائل ممدوحه شرعيه . مقدمه كتب خصائل
وشمائى محموده عدليه . مهر سپهر سلطنت علياى آل عثمان . ماه منير
اوج اورنگ خلافت و عرفان . جالس سرر کشور معدلت . لابس
افسر ملك دين و دولت . يكدانه مر و اريد سبحة سلاطين و دودمانى .
وماحى ظلم و اعتساف ممالك و بلدانى . حامى شريعت واقف اسرار
سبع المثانى . (السلطان ابن السلطان ابن السلطان السلطان الغازى
عبد الحميد خان ثانى) ادام الله عمره واجلاله على سرير العثمانى
بحرمة مخاطب كلام قديم ربانى حضرت تارينك سايه معارفوايه
تاجدار يلنده بعون الله الملك العليم بضاعه قليل و عديم اولديغى
حاله اشبو رساله جمع و ترقيم و (روضه محاوره) تسميه و توسيم
و بوئك حاوى اولديغى مسائل و مناقبك كافه سى تفاسير شريفه
و كتب منيفه دن اخذ و استخراج و حتى (نعيم رضى الله عنه) روايتله
رتبه صحت و ثبوت و اصل اولديغى بيان اولنان (من جمع من امتى
اربعين حديثا كتبه الله تعالى فى زمرة العلماء و حشره فى جلة الشهداء)

ودیکر اصحاب ثقه نك روايت كننده (من جمع اربعين حديثا فهو في العفو والغفران) حديث بشارت تحديثه استنادا درونيه بالمناصبه قرقي عدد احاديث صحيحه جمع وادراج وبعده پيشگاه فلكدستاه ملوكانه لرينه عرض وتقديم وفي الاصل عديم الاعتبار سير وتمامايشه غير سزاوار برخرايه زار ايكن نسيم بهارستان عدل ورأفتي دائما وزان وموجود وشائبه زمستان ظلم وجور كليا نابود اولان اول پادشاه دل آگاه نال ما بيمناه افندم نك مشهود چشم عنايتي ومنظور ديده شوكتي اولنجه .

روضه تضحك من فوقها الازهار * وجنة تجرى من تحنها الانهار مداولنجه مدح وستايش ادبايه مظهر وازهار مسائل وعباراتي معطر مشام ابنای بشر واختر شهرت واعتباري واصل منازل شمس وقر وهر بر سطر و شطر نده .

بگفتا من كل ناچيز بودم * ولكن مدني باكل نشستم بيتي بحر اولمش وبونك روايح طيبه فوايدي مشام عمومه منتشر وشامل وكل صديرك اعتباري درجه عال العاله واصل اولق نيت خيريه مفسوره شهر يار يارينه ميني بونك مصارف طبعيه سنك احسانيله طبعه ورثه حاليه احقرانه مك ترفيعه شرف افزاي سنوح اولان اراده مكار معاده حضرت خلافتناهيلاينه امثالا رتبه مذكوره صنف متمايزه ترفيع بيورلمش واشبو رساله دخی طبع وممثيل ومنافع مندرجاني شو صورته تعميم اولنمشدر ومن الله التوفيق .

(عرض كلدسته شكر ومحمت)

افتاب شوكت واجلال خان (عبد الحميد)

قيلدي افانق جهاني برضيا ولعه دار

بويله ذات اقدسه محتاج اولويدر ملك ودين

روح واحيادر وجود دولته اول شهر يار

كلشن الطافنه نسبت انك باغ ارم

كلستان دهر ايچنده كور ينور رخس وخار

اول سلیمان زمانک چشمه احسانه
 روز و شب ایلر تهاجم اصفان و مور و مار
 اعتراف عجز ایدر تقدیر قیمده عقول
 او یله بر کیمیا اولور کیم خاکه اینسه اعتبار
 نشنه دالر اولدی سیراب ذلال شوکتی
 قصر احسانده جاری چون هزاران جویبار
 ظهر بنه بر کور به نک امرار ایدر سه دستی
 هیبت شیر زیان جسمنده اولور اشکار
 ماه بزج سلطنت مهر سپهر وقع و شان
 ماحی ظلم و ستمدر اول شده عالیتبار
 باغ تخت سلطنتده نخل جسم افسدسی
 تا قیام اولسون کال مافیتله بایدار
 دائماً ابتک ترقی نبیتی علم و فنون
 و کتاب تألیف ایدوب تقدیمه و پردی اجتنار
 هر اموری اهلنه نفویض ایدر بالا انتخاب
 اول سیدین بولمه علم و معارف انتشار
 حافظ القرآن خزینهداری اشته از جل
 سو بسو خیره دلالت ائتمده لیل و نهار
 یعنی کیم بهرام آغای گاردان و حق شناس
 دائماً ارباب علم و فضله ایلر اعتبار
 ایلدی اشراف امتدن آتی چون ذوالجلال
 اول سیدیندر مقرب ایلشدر تاجدار
 چشمه آب ذلاله انس و حیوان طو پلنور
 بزم لطفنده اقرار چون هر دم آب خوشکوار
 نشنه آب عنایت اولدم اقدم لبده چاک
 شمدی سیراب ایلدی اول بحر جود و کامکار

اوله شاهنشاه عالمکیم وجودیله انک
 سرنسر اهل معارف ایلر البت افتخار
 عرض کلزار تشکر ایله توفیق صبح وشام
 اول بهار لطفیله چون روضه اولدی بونهار
 پادشاه عالمک همده انک سودکارین
 صحن عالمده همیشه ربم اینسون برقرار
 صرف هنله دلالت ایلیسانلردن همان
 راضی و خوشنود اوله دائم جناب کردگار





بِسْمِ اللَّهِ الرَّحْمَنِ الرَّحِيمِ

ازهار روضهٔ جد و ثنای بیایان اول خالق الاشیاء شباندر که رواج
طبیئهٔ توحید الیه کلزار قلوب موحدینی تعطیر و ابدان و الطافی و احکام
جليلة الهیه سنی پیغمبران عظام و رسل کرام و اسطه زبله قولرینه
تبلیغ و بیان بیور مشدر * انوار مشکوة صلوات لا تحصا فخر کائنات
وسید سادات علیه افضل الصلوات و اکمل التسلیمات افندمزه عرض
واهدا اولثور که موجودات عالم و ابنای ادمک خلق و ابداعنه بادی
و معرفت وحدت واحده مثادی اولوب عالمه رحمت اولدقلزی حالده
بعث بیورلشدر * فوائج سلام بی شمار آل و اصحابنه و اولاد و اتباعنه
ایشار ایدیلور که ائلهک هریری گلستان هدایتک کللری و بیستان کرامتک
بلالریدر (اما بعد) عقاید و عملیات و عبادات اسلامیه دایره و اساس
ادیات و تربیاته و بعض ضروب امثال و عباراته متدار ایشور رساله اوج
روضه و برخاتمه اوزره تنظیم و بوکا (روضهٔ محاوره) تسمیه و توسیم
اولمشدر الله ولی التوفیق و بیده ازمة التحقیق .

روضهٔ اولی عقاید اسلامیه و روضهٔ ثانیه اساس اداب بشریه و روضهٔ
ثالثه ضروب امثال و عبارات سائر و خاتمه دخی شهر عربیه قریه نک
وجه تسمیه لری بیانده در .

❖ روضه اولی عقاید اسلامیہ ❖

(شاگرد)

ای استاد بزرگوایم وای خواجہ عالیبتبارم بر قاج مسئلہ مشکله
او کر تمک ایچون سزی تعجیز ایتک ابستم وائشای محاورده بحسب
البشریه واقع اوله جق قصور و نقصانیتک عقوبتی رجا واسترحام ایلرم
زیرا روضه معارفدن بوی ازهار ادب و عرفانی استشمام ایله مدم
وکلستان معرفته ده کیره مدم .

(استاذ)

ای شاگرد درایتکارم وی طالب مکارمکارم تعجیز ایتک نه دیمکدر
بوولده مرآت تعلدن اراده وایستک یوزی کوستریلور ایسه افتخار
ایدرك بیلدیکیمی افاده و بیان ایتک وایراد اولنه جق سؤاله جواب
ویرمک و سبب تأثیرینی و جلله سنک خزینة حفظه ده ثبات و تقریبینی
جناب حقندن تمنی واستدعا ایتک وظیفه مدر چونکه علوم و فنون بحث
و محاوره ایله و مال و املاک تجارت و زراعت ایله زیاده و موفور و ملک
و بمالک عدالت و سیاست ایله آبادان و معمور اولور حل و کشفی طلب
اولنان مسئله مشکله نه مقوله دندر .

(شاگرد)

زیاده سبله بختیار اولدیفیردن بولندیفیر زمان بر عصر سعیده یعنی
السلطان ابن السلطان الغازی (عبد الحمید) خان ثانی حضر تلیرتک زمان
عدالت افتزان خلافتینا هیلرینه « تصادف ایشدرکه انواع علوم
و فنون قبولری سر تسر کشاده و ارباب هنر و معارف و هر بر معارف
عوارف طعن و تشنیع جهالندن وارسته و ازاده در بنابران هر کس
معرفت و هنر او کر تمک ارزو و سودا سنه دوشدیلر ایشته انلر ایله سعی
واقدام ایتکده و تحصیل علم ایتکده بیم بوانه قدر کوردیکیم و حالا مطالعه
ایتکده بولندیفیر کتب و رسائلده و استماع اولنان مباحثات و مسائلده کره
ارضک هیئت و شکندن و اوزرنده بولنان درلودرلو حیوانات و معدنیات
و نباتاتدن و کره شمس و قمرک و سبعة سیاره و کواکب ثابتنه یعنی
کوک یوزنده کرن بیوک بیوک بلدزلرک حرکتلرندن و بولنرک ارقه لرنده

طولاشان كوچك كوچك يلدزلك عدد ومقدارلندن وبعضيلريك
 يرلنده ثبوت وقرارلندن وكرة شمك كافه سندن برقاچ درجه بيوك
 اولوب كندينه مخصوص اولان محله حركت وجريان ايمسندن وقرلك
 شمسندن نور وضياسنى اقتباس يعنى اخذ ايمسندن وكرة ارضك كال
 سمرعته دور وسير ايمسى جهته اوزرنده بولنان اشيايه قطعا ضرر
 وزيان طارى اولماسندن وقرابله شمك ارسنه كره ارض حلول
 ايدوب قمر شمسندن ضياى اله مديغى اجلدن خسوف قمر وشمس ايله كره
 ارضك ارسنه كره قمر حائل اولوب درحال كسوف شمس واقع
 اولسندن وبونلك تماميله حلول ايتلى خسوف وكسوف كللى وبرد
 مقدار حيلولات ايتلى خسوف وكسوف جزئى وقوعته باعث وبادى
 اولسندن وسائر اجرام سمواتك احوال وحركاتندن بحث وبيان
 اولمقده وديكر فنون وصنابعه متعلق نيجه سوزلر سويلمكده در عتلك
 ايرديكى وحوصله مك قبول ايدى بيلديكى درجه اكلا بورم وبومثلاو
 معلومات نافعه يي نشر وبيان ايدن ارباب همنه عرض تشكر وبويله
 معارف وصنابعك استحصاال اولمى نه درجه فائده وشرفلى اولديغى
 وبونلرى عمومه شرح وبيان ايتلك نه بيوك خدمت مقفردن معادود
 بولنديغى تفكر ايدى بورم لكن ذكر اولنان كرهلر اسكيدن وارميدى
 بوخسه بونلر صكره دنى ياپلديلر اشته مسائل مشكله نك بزي بوماده در

(استاذ)

تعداد وبيان اولنان كرهلك ودينساده كوزيشان شيلرك هيچ بريسي
 بوغيدى بونلك كافه سى صكره دن خلق وایجاد وابداع اولمشدر .

(شاگرد)

بونلر كندى كنديلرينه يي پيدا وظاهر اولديلر يوقسه بريايچيسي
 وارميدر .

(استاذ)

خلق وایجاد تعبيرندن فهم وادراك ايدى مديكزى وبوقدرشي
 ادنا تفكر ايدرك بيله مديكزى برشي بوغيكى كندى كندينه وجود

بولورمی نه سویلیورسکز جو چقمیسکز بو کوردیکمن یرلی واوزنده
بولان طاغیری وایچندن اقان صوری ووستمزه کورینان کوکاری
وتون عالی ضیادار بدن ویکجهری دنیای تنوبرایلان کوفش وای
ویلزلری وانواع حیوانات ونباتات ومعدنیات ووحوش واجناس
طیور وقوشلری اول واخلری اولیان وذاتنده وصفاتنده وافعالنده
شریک ونظیری بولنمان وعالمدن مستغنی وبری اولان جناب باری
وقاطر وخالق وقادر راتمشدر وانک اراده سی اولینجه برشیتک وجوده
کلسی وسیر وحرکت ایتمی ممکن اولدیفنی بیلتمشدر اوله طبیعت پیار
دیدکاری کلامک بطلانی ظاهر در زیر کافه طبایع اشیائی واشیاده
اولان تأثیراتی یعنی بالده کی طائلیلی و صبرده کی اجلیلی وامثالنی
جناب حق خلق بیورمش اولدیفنی اجلدن مخلوقه یعنی مفعوله
نصل فاعل اطلاق اولنه بیلور که شی واحدک هم فاعل هم مفعول
اولسی ممکن دکلدر .

(شاگرد)

بوعالمک یوغیکن صکره دن خلق اولدیفنه علامت ندر .

(استاذ)

دنیا حادث اولدیفنه علامت هر برشیتک تغیر وتبدل ایتمسیدر حتی
اشرف مخلوقات وافضل موجودات اولان انسان بیه از زمانده فنایه
وار بیور ویوز سنه دن زیاده معمر بولنان نادر بولنه بیلور .

(شاگرد)

بودنیانک ابتدای و انتهای نوقتندر .

(استاذ)

اگرچه بودنیا حادثدر یعنی صکره احداث وایجاد اولتمشدر اما انک
ابتدای حدوثی مجهول اولدیفنی کی انتهای دخی معلوم دکلدر
قیامت واقع اوله حق و بو بر تبدیل ایده جک وجناب حقن غیری
کیسه قالمه جقدر فقط وقت وزماننی صانع تعالی بیلور که علم الهی
قعر وکناری اولیان بر بحر محیطدر .

(شاگرد)

بویله وجود واجزاسی اولیان ارض وسمایی ومافیهایی یعنی هوا
ومایی ابتدا فصل وارایش و نصورتله یرائمشدر بر واسطه سی
وارمیدی یوخسه واسطه سزمی یراندی .

(استاذ)

جناب قادر قیوم « لاتاخذہ سنۃ ولانوم » حضرت تبری هر شیئہ قادر در
برشیک وجودینی ویا عدمی مراد بیوردیغی انده اول شیئہ « کن »
یعنی « اول » امرینی ویرر واول شیء در حال هر نه ایهه مرادی اوزره
اولور اکاکوره کوجلاک یوقدر آن غیر متقسمه ده عالمی ایجاد واعدام
ایده بیلور واسطه ایلہ وواسطه سزمی یبار فاعل مطلقدر و مرید
مختار اودر ایستدبکی ومراد ایلدبکی وجهله ایشار کیسه اکا مداخله
ومعارضه ایده مری و هیچ برشیدن سؤال ایلہه مری .

✽ بحث ابتدای خلقت عالم ✽

اول خلاق عالم اولایدی فات یرر وکوکرا اغرلقنده بریا قوت برادوب
مذکور باقوته هیئت نظریله نظر بیورمسيله در آن اول باقوت صو
اولوب واولصویه بر حرارت و یروب غلیانندن حصوله کلان کوپو کندن
یرری واوزرنده حاصل اولان دومانندن کوکاری وبتون دار دنیایی
یرائمشدر والتش اوچبیک سنه دنصکره دار اخرتی خلق بیورمشدر
دار اخرتک خلقتی دنیادن مؤخر اولسیله دار اخرت اطلاق اولمشدر
وصکره عناصر اربعه دن نار وهوادن مرکب جان قومنی وبونلرک
خلقتلرندن التمش بیک سنه مریور ایلد کدنصکره قوری با لحدن
« آدم » علیه السلامی وانک صول قبورغه سنک اکه کو کندن
حضرت « حوا » علیها السلامی یرائمش وانلردن بنی آدم تسلسل
ایتشدر اول ابوالبشر یعنی « آدم » علیه السلام یدیوز بیک لغت
ولسان اوزره تکلم ایدرلردی بولغات والسنه نک هریری اولادندن
برطائفه به انتقال ایلدبکی وکافه سی بکرمی سکر حرقی شامل اولدیغی
کتاب التجاتده مسطوردر .

(شاگرد)

(شاگرد)

ابتدای بشرك كيفيت تسلسل وخلقى توجهله در .

(استاذ)

« اولاً » ارکک ایله عورتک نطفه لری یعنی منیلری رجه ده برلشور
 ویرمدت اوراده طورر « ثانیاً » اویوشیق غلیظ برقان اولور « ثالثاً »
 اولقان برقطعه لحمه یعنی ات پاره سنه منقلب « رابعاً » اول کوشت
 پاره سندن کیکلر حاصل وظاهر اولور واول کیکلری لحم احاطه
 واستیعاب ایدوب دروننده طمرل و سکرلر پیدا واعضائک باشلری
 اولان صورت ودل و دماغ وجکر اشکار وهویدا اولور « خامساً »
 باش اموزدن وایکی باز والریله پهلودن وایکی اویلق دیزلی
 وایاقلری شکمدن آیریلور وهر بر عضو بر برندن متمیز اولوب
 یوزیکری کونده هیئت حسنۀ انسانیه تشکیل ایدر وروح حیوانیه
 قبولنه مستعد اولدوقده باذن الله تعالی روح ویریلوب ارکک اولور
 ایسه اوچ آی تمامنده وقیر اولور ایسه درت ماه ختامنده بطن
 مادرده حرکت ایلر بعده مدت حمل تمام اولدیغی انده اول ولد
 پانهاده کهواره شهود اولور « فتبارک الله احسن الخالقین »

(شاگرد)

اول خلاق عالم بو عالمی قاج کونده براتمشدر .

(استاذ)

اول جناب فاطر برانده بتون جهانی یوقدن وار ایمکه قادردن ولکن
 قوللری بودقیقهیه واقف اولوبده کوردکلری ایشلرده عجله ایتمالربنه
 تنبیه و اشارت ایچون الی کون مدته خلق وایجاد بیور مشدر « العجلة
 من الشیطان والتسانی من الرحمن » حدیث شریفی بومعنايه دالدر
 « یوم الاحد » یعنی بازارو « یوم الاثنين » یعنی بازار ایرتمی کونلری بتون برلری
 وایچنده اولنلری و « یوم الثلاثاء » یعنی صالی کونی طاغلی ودریوننده
 یولنانلری و « یوم الاربعاء » یعنی چهارشنبه کونی صولری و اعاجلری وجیع
 نباتلری و « یوم الخمیس » یعنی پنجشنبه کونی کولری وعرشی وکرسی
 وجهه کونک اولندن اوچنجی ساعتنه قدر شمس وقیر وبلدیزلی

(حدیث شریف)

۱

(ولسکاری)

و ملکی خلق و ایجاد بیورمش دردنجی و بشنجی ساعتده برشی
برائیموب النجی ساعتدن نهایتنه قدر مؤخرای یعنی علی روایه
بوز یکر می اوجبیک سنه صکره .

« آدم علیه السلام » حضرت تریقی برائمش و « یوم السبت » یعنی جمعه
ایرتسی کونی خلقت عالم تمام اولمسيله یوم مذکورده برشی خلق
بیورما مشدر « لقد خلقنا السموات والارض وما بینهما فی ستة ایام
وما مننا من لغوب » آیه کریمه سی بوکا دلالت ایدر یعنی واجب الوجود
بیورر که « بز کوکری و پرری و بونلرده بولنان شیلری الی کونده براندق
وزه بوندن قطعاً یورلمق و عجز و کلال عارض اولمادی » بوآیت
جلیله دن « بدنجی کونی راحت ایلوب دکلندی » دیوسو یلنان کلامک
بطلانی ظاهر اولمشدر زیرا بومقوله شایبه عجز و احتیاج اولان اشیا
واحوال دن جناب خالق الاشیا منبری و مزهدر .

(شاگرد)

شمس یزادلزدن اول کونلری تعیین ایدن ندر :

(استاذ)

فی الواقع ظهور و تعیین ایام شمک وجودینه موقوف اولوب یعنی
یوم شمک زمان طلوعندن وقت غروبته قدر اولان مدته اطلاق
اولتور ایهده « فی ستة ایام » نظم جلیلنده واقع اولان « ایام » اوقات
مناسنه محمول اولدیغی و یاخود ارض و سموات الی کون مقداری
مدت ایچنده خلق اولندیغی بیان اولمش و حتی « خلق الارض
فی یومین » آیت کریمه سنده واقع « یومین » لفظ شریفی دخی ایکی کون
مقداری مدت و یاخود ایکی نوبت ایله تفسیر بیورلمش و شی اولی شی
ثانیك تعیین ایدجکی امور بدیهیه دن بولمش ولیکن قمرک تعیین لیل
و نهاره قطعاً مدخلی اولیوب بونکله انجق سنه لر معلوم اولمشدر .

(شاگرد)

بوعالی واوزرنده بولنان بنی آدمی برائمتدن حکمت باری ندر .

(استاذ)

کندوسی بیلدرمک و بیلوب توحید ایلنری و طرفندن کلان کتب
و بیسمبرلی تصدیق ایلینلری ایکی جهانده حال سعادته ابر کورمکدر
بو نعمت نامتناهی و الطاف الهیه نیک شکرندن انسان هر حالده عاجز
و قاصر در که ترتب ایدن منافع و فوائدینه انسانه عائددر کندوسی
بر شسته محتاج دکدر بلیکی عالم اکا محتاجدرل مقتضای ربوبیت
واو اهیت بودر « الحمد لله علی دین الاسلام و علی توفیق الایمان
و علی هدایة الرحمن »

(شاگرد)

جناب باری بو عالمک ایچنده میدر .

(استاذ)

یوق یوق جناب باری بتون عالمدن مستغنی و پریدر بو عالم بوغیکن
نصل وار ایدیه ینه اویله وارددر مکاندن وزماندن و تغیردن
و تبدلدن والوان و اشکالدن متزهددر اکامکان اثبات اولنهمن زبرا
بر مکانه تمکن ایتمسی فرض اولنسه اول مکانه احتیاجی لازم کلور
حالوکه کندوسی محتاج دکدر ربو بیتده احتیاج یوقدر هر زمان
حاضر و ناظر در زمان و مکان انسانه کوره در حدیث شریفده واقع
اولشددر که « لیس عندر بی مساء و لاصباح » یعنی ربمک عننده صباح
واخشام یوقدر بو مقوله احوالدن مبرادر .

(شاگرد)

جناب باری تعالی نصلدر و ذاتی بیلن وار میدر .

(استاذ)

صوص اویله شیء سؤال ایتمه و بوقدر درینه کیتنه .

(علی رضی الله عنه)

(الجوز عن درک الادراک ادراک * والبعث عن سر ذات السرائر)
مدلوله جناب حقک ذاتی دوشتمک و بحث و خیال ایتمک شرکدر
ذاتنی انجق کندی ذاتی بیلور انک ذاتی هر نصورتله خاطره کلور ایسه
انک دخی خلافتده در یعنی خاطره خطور ایلدیکی کبی دکدر واتی
اویله بتمک لازمدر وارددر و بر در و مثالی یوقدر .

(بحث)

(حدیث شریف)

﴿ محث اثبات واجب الوجود بالعقل ﴾

(شاگرد)

جناب رب مستعانك وارلغی و برلکی و مثالی اولدیغی فصل معلوم اولمشدر .

(استاذ)

اللهك وارلغی و برلکی ایکی وجهله معلوم اولمشدر که برینه عقل و دیگرینه نقل تعبیر اولنور .

(شاگرد)

عقل ندر و عقل واسطه سیله وحدانیق فصل بیلنمشدر .

(استاذ)

عقل مبرزدر ابو ایله فنایی واکری ایله طوغری یی بر بندن فرق و تمیز ایدیچیدر مثلاً علم ایودر و جهل کوتودر دیو حکم ایدر بوسیدن برشیء اکلار ایسه « عقل » واکلامغه قابلیت و استعدادی واریسه « ذهن » و بونله مالک و صاحب اولنه « نفس » تعبیر اولنور و اول نفسه « انسان » دیو اشارت ایدیلور چونکه اصل فاعل نفسدر یعنی انساندر کاتبك قلم اچقده قلمتاش آلتی اولدیغی کبی عقل دخی نفسك آلتی مشابه سنده در بواعتبار یله فعل نفسه اسناد اولنورده نفس یاپدی دینور و گاه عقل نفسك آلتی منزله سنده اولدیغی جهنله فعل عقله اسناد اولنورده عقل ایشلدی دینور .

(شاگرد)

عقل واسطه سیله انسان نینگ ویدی فرق و تمیز ایدر لیکن حق تعالی حضرتتاریق فصل بیلور که کورلك ممکن اوله میور .

(استاذ)

معمولات و مصنوعات یعنی یاپیش اولان برشیئه کمال دقنله نظر اولنور و ادنا تفکر ایدیلور ایسه اول شیئك البته بریاپیچیسی واردر دیو عقل حکم و جزم ایدر مثلاً یازیلان یازی لا جرم آنی یازانی و یاپیلان یایی آنی یاپانی اثبات ایلر ایشته بو عالم ایله خلاق عالمك وارلغی و برلکی اثبات و استدلال اولنور حتی .

« ابراهیم علیه السلام » حد بلوغه ابرمز دن اول پرورش یاب اولدیغی
 محلدن وهله اولیده شمس ایله قرك طلوع وغروبى وعلى الدوام
 بوخذ متی ایفا ایلدکلرینی کورنجه و بونلری میزان عقلنه اورنجه درآن
 بونلری وار ایدن یرادان واردر دیوعقلی واسطه سیله بیلشدر
 ونظام وانتظام عالمک بوزلمدیغی کورمسیله اول یرادانک شریکی
 ونظیری اولمدیغی اثبات واقرار ایلشدر واصحاب کهف ایله بنام
 اولان « یلیخا . مکملینا . مثلینا . مرنوش . دبرنوش . شاذنوش .
 کشفط یوش » دخی داقیانوس نام بر ملک جبارک ایقاد ایلدیکی
 آتش ظلم وشرکندن فرار و ترك دار و دیار واختیار مشاق بی شمار
 ایدرک « و بزم ربمز یرلک و کورلک ربیسی اولان الله ذوالجلالدر
 اندن غیری اله یوقدر » دهرک و کیده کیده بولده بر جویان بونلره
 او یوب و اول جویانک کلپی بوانان « قطمیر » دخی ارقه لرینه دوشوب
 وکلپی طرد ایتشدر ایسه ده کلب « باذن رب قدیر » اسانه کلوب
 « بن اللهک دوستلرینی سورم و سزى اثنای خواب وراخته بکلم »
 مضموننده ایراد مقال ایلهرک واره واره بر غاره داخل وهراسان
 واوراده چشم عالمدن مستور و پنهان اولدقلری و قطمیر دخی مذکور
 غارک اوکنده مقاوله سی وجهله برای محارسه اوطور دیغی حالده
 بونلرک کافه سنه برنوم غلبه ایدوب مدت مدیده اوراده ایکی طرفه
 دونه دونه او یورلر ایدی مشهوردر . اشته بونلر دخی دعوت اولندقلری
 حالده مصنوعات ایله صانع تعالی حضرتلرینی توجید ایلدیلر بودنیانک
 بر اسمیده عالمدر که بو عالم ایله یرادیمجیسی معلوم اولشدر کورلک
 بخشه کلنجه بودنیادن جناب حق کورلمسی ممکن دکادر حتی .
 « موسی علیه السلام » طور سبندان اثنای کلامده « یان بنی سنی کوره یم »
 دینجه نورندن ذره مقدار بنی طاغله تجلی ایلد یکنی کوسر دیده
 طاغله محمل اوله میوب حرکت ایلدی و کندوسی بیتاب و قدرت
 اولوب باییلدی قالدی بعده افاقت بولدقده بومثللو محال
 اولان شیء طلب و نیاز ایلد یکنه توبه واستغفار ایلدی لیکن

دارچناندن حقك جلال باكالانی كورمك ممكندر بناء علی هذا اُردہ
واقع اولمشدركه اهل جنتہ دنیا حرامدر و اهل جلالہ دنیا
وجنت دخی حرامدر جلال الہی كورمكه كسب استعداد ایدن كوزلر
دنیا وعقبایہ امالہ نظر اعتبار ایتمز وغیرینی اصلاً كورمز .

✽ بحث عقل وانقسامہ ✽

(شاگرد)

عقل برمیدر یاخود برقسم دیگرى وارمیدر .

(استاذ)

اصل عقل ابكى قسم اولوب برینه عقل غریزى دیگرینه عقل تجربى دیرلر .

(شاگرد)

عقل غریزى نه دیمكدر .

(استاذ)

عقل غریزى عقل صرفدر هنوز تولد ایدن جوجقارلك عقلی كبی كه
وهله اولی ده نيك و بدى ادراك ایدمز و كندولرینى ضرر و زیان
و ریجى شیلردن محافظه ایلیمز و حتی پدر و مادرلرینى بیله
بیله مزلر مثلاً شكرلك اكل و تناول اولمقدقبجه طاتلى اولدیغنى
اكلا به مزلر بوكا «عقل هیولى» دخی دیرلر كه مجرد استعداددن عبارتدر
شكرى تناول ایلدكده طاتلى اولدیغنى فهم و ادراك ایتمكه مستعد و قابلددر

(شاگرد)

عقل تجربى ندر .

(استاذ)

عقل تجربى شول عقلدركه « التجربة مرأت العقل » مفادى اوزره
انسان تدریجى بیودیكه و تاریخ گابلرینى او قودقبجه وقایع ماضیه
بیلک و علم و هنرى تحصیل ایلیمرك بعض شیلرى تجربه ایدہ ایدہ
و طریق استحصال معارفده كیده كیده نيك و بدى فرق ایتمكه قدرت
و لیاقت كسب ایتمك و شكرى تناول ایدوب طاتلى اولدیغنى و تحصیل علم
ایلدكده جهلك فنا بولمقدیغنى اكلا مقدر بو عقل دائماً تار و بوكار (عقل

بالمملکه) دخی دیرلکه کورینان و سائر حواس ایلله حس و ادراک اولنان
شیلری اخضار ایدر .

(بشاکرد)

بر کیمسه ده عقل برکال اولدیغنه علامت و نشان ندر .

(استاذ)

عقلی اولان انسان هر آن وزمان کندوسنی رسوای عالم ایدن و اقرا
وامثال ایچنده قدر و اعتبارینی خاک مذلتیه دوشورن افعال و اقوال
و حر کاندن اجتناب فراوان ایلر و کوزل خویله و معرفت و هنر
او کورنمکه وارباب علم و ادب ایلله کورشمکه میل و هوس ایدر * دیشلرکه
عقل اقلیم وجود بنی آدمک تخت و سریر دماغنده جالس و افسر
عدل و حقانیتی لابس و تیجه مطیعده سنی حامی و حارس و عادل
بر سلطان نامعادلدر خصائل محموده و شمائل مسعوده یعنی کوزل
خویله انک سپاه و رعایا سیدر بو خصائل بمدوحه یه مالک اولوب قیامه
اقتداری اولز ایسه رعایا ستمه ملل و اختلال عارض اولورده عاقبت
ملاک وجود الدن کبدر و نفس اماره نک دست ظلم و جورینه گیر ایشته
بو عقل نقله تطبیق اولنورده هر بر امور و معاملات و سائر مصالح
و خصوصاتک رؤیت و تسویه سنه مبادرت اولندیغنی حالده لاجرم
کوریلان ایشلرک کافه سی محسور لایقنده جریان ایدر و عقل ایلله
هر شیء متانت و رصانت بولور * اهل معارف دیشلرکه انسانه حیات
و یرن روحدر و روحه دیرنلک و یرن ذکر در و قلبه حیات و یرن عقلدر
و عقله قوت و متانت اعطا ایدن علم و کمالدر و علمه قدرت و قوت و یرن
بحث و دوامدر و بحث و دوامدخی ارباب علم و کمال و اصحاب خبرت
و افضال ایلله کورشمک و دأما انلر ایلله الفت و انسیت ایتمکله و بیلدیکنی
عار ایتیوب سؤال ایلمکله حاصل اولور زیرا کبر و عظمت مانع
اکساب معارف و فضیلت وادی از دیادیء ذل و حقارتدر * دیشلرکه
عقل زوج و نفس زوج و جسم انسان بیت کبیدر اگر عقل زوجیه سی
اولان نفس اوزرینه غالب اولور ایسه اولزمان نفس بیت جسمک

ایشلرینی مریادی اوزره تسویه ایدر زوجه مطیعه اولک امورینی درست کوردیکی کبی جله ایشلردخی غایت کوزل اولور واکر نفس زوجی بولان عقله غالب اولور ایسه کوریلان ایشلرک کافه سی عاقل و فاسد و بازار رواج و امتزاج کلیا باطل و کاسد اولور بنابران نفس اماره نیک اطاعتدن اجتناب و سلطان عقلک امر نیک امتثالنه شتاب اولملیدر .

(شاگرد)

عقل انسانک زه سنده در .

(استاذ)

عقلک شرف و فضیلتنه دلالت و شهادت ایدر ابات کریمه واحادیث شریفه واردر ابتدا بو عقل خلق اولنوب وارد اولان خطاب رب الانامه مناسب و طوغری جواب و یرمسيله مناط تکلیف الهیه و مظهر الطاق غیر متناهیه اولمشدر بو رضیا و شعله و برنجی جوهر اولوب انسانک دماغنه وضع اولمش و بونک نور و ضیاسی بتون اقلیم قلبه یاییلوب بعض وسائط و محسوسات و مشاهدات ایله معلومات و ادراکات تحصیل اولمقده بولمشدر حتی عقل دماغده اولدیغی اجلدن انسانک باشی سائر اعضا سنک افضل و اشرفی اولمسيله حیوانات سائرهنک خلاف و عکسنه اوله رق ایکی ال و بلیکه دیگر اعضا بر باشه خدمت ایتکده در مثلا حیوان باشی اشاغی ایندیروب یر و ایچر و انسان الاریله الوب اکل و شرب ایدر عقلک محل اقامتی قلب اولدیغی بعض ذوات اولی الالبابدن روایت اولمش ایسده دینه قول اول مری جم و مختاردر حقیقتنی عالم السر و الخفیات بیلور .

(شاگرد)

یالکیز عقل واسطه سيله ایش کورلمزی و مضال و مقاصد بونکله حاصل اولمزی زیرا عقلک بو قدر فضائل و شرائفنی بحث و بیان ایدیور سکر .

(استاذ)

(استاذ)

خير عقل ايله نقله رعایت واعتبار اولمليدیر چونکه حیوانه را کب و مر کز
مرامه وصالی طالب اولان کیمسه دیزکینک برطرفنی چکر و دیگر
طرفنی ترک ایدر کیدر ایسه شبهه سز بولندیقی یعنی حیوانه را کب
اولدیغی نقطه ده طولاشور قالور وانواع زحمت و مشقته دوچار
اولور خارجه حقیقه من و جانب مقصوده کیده من لیکن دیزکینک
ایکی طرفنی محکم طوتار و بالموازنه قولانور ایسه کمال اساس
و راحته سوی مطلوبنه کیدر و منزل مقصودینه ایرر و هر بر مرامنه
نائل و مدنیت میداننده هر کسه مسابقت ایدوب انواع شرف
و مزیتیه واصل و از هر جهت فائق اتراب و امثال اولور .

(شاگرد)

عقل نقله نصل تطبیق اولنور و بینهماده موازنت نوجهله بولنور

(استاذ)

(حدیث شریف)

میلان شراب ایچمک و شارب بوکا مائل و مقیس مذموم و کوثو شیرلی
ایشلمک نقللا و شرعا حرامدر زیر « لاتشرب الخمر فانها مفتاح
کل شر » یعنی « شرابی ایچمه زیرا شراب هر بر شرک مفتاحیدر »
حدیث شریفی حکم جلیلی اوزره انسان سرخوشلق حالنده نقدر
مقدوح و منفور شیر و ارایسه جمله سنی ایشلمکه جسارت ایدر یعنی آدم
اولدور زنا ایلر و سرقت ایدر و قار اوینار و بالان سویلر و خلقی غیبت
و مذمت ایدر و انا و بایاسته عاصی اولور بالاخره بو فناءقلر کندوستنه
راجع اولوب ارتکاب ایلدیکی جرم و قباحته کوره ترتیب مجازات
و توبیخ و اقران و امثالی پاننده وقع و حیثیتی قالمز هر مجلس معارف
و هر محفل عوارفده اتی ذم و تقییح ایدرلر عاقبت انواع بلارہ دوچار
واجناس دردله گرفتار اولور ایشته بور زالت و رسوا یلق و قوع و لمامق
و بغیر حق اجدهما آخره ظلم و جفا ایتمک و اشایش و استراحات عمومیه
بر کمال اولق ایچون بو شراب حرام اولدیغندن بو مثللو فصاحت
و قحیات و فحشیاتک ارتکاب و قبول اولمسنه و عامه خلق ایچنده

انواع فسادات ظهور ایمنه شرع شریف راضی اولمیدنی کبی
عقل دخی روی رضا و صورت موافقت و روا کوسترمز و صاحبی
بولان انسانى درلودرلو جفازه دوشورمز بوشرباك استعمال
اولنامسنده عقل و نقل اتفاق واتحاد ایدرلرده میخانهك جوارندن
دخی پکمز و اوپله سكر و پرچی شیلرك برینی ایچمز سائر کوتو
شیلردخی بوکا قیاسله معلوم اولور ایسته عقل ایله نقلك صورت
تطبیقی بووجهله در چونكه شراب ام الخبائثدر یعنی خبیث و مذموم
اولان شیلرك اناسیدر هربر او یغونسز ولا یفسز شیلر اندن تولد ایدر
راقی دخی بونك کبی حرامدر شرابك ویردیکی سكری راقی دخی
ویرر شراب سكری ویردیکی سبیدن حرام قلندیفی جهته بوکا قیاسا
مسكرات سائره دخی حرامدر باخصوص راقی مسكراتك الاشنع
واخبثیدر كه فی زماننا هذا انواع فسادات اندن تولد و نشئات ایدیور
ام الخبائث اطلاقه اوده شایسته کورینور زیرا « اجنبوا كل مسكر »
وامثالی حدیث شریفلر ایله هربر مسكرك حرمتی ثابتدر .

(حدیث شریف)

۴

(شاگرد)

جناب رب مناك وارلخی ویرلکی عقل واسطه سیله ثابت و معلوم
اولسنده ذره قدر ریب و اشتباهم قالمدی فقط ذکر اولنان نقل ایله
وحدت باری فصل بیلنشدیر واصل نقل ندن عبارتدر .

(استاذ)

اصل نقل « رسول اکرم ونبی محترم صلی الله علیه وسلم » افندمز
حضرتلرینه « جبرائیل علیه السلام » واسطه سیله نازل اولان کلام
قدیم وقم سعادت جناب رسالتپناهیدن شرفصادر اولان احادیث
شریفه در بونلردن چیقاریلان نیجه اوامر و حکملر ایچنده جناب
واجب الوجودك وجودینه ویرلکنه دلالت ایدر آیات کریمه واحادیث
منیفه واردر از انجمله شوآیت کریمه ایله وحدت جناب واحدشوت
بولشدیر بوکا برهان تمناع دیرلر « لوكان فیهما الهة الا الله لفسدنا »
یعنی (اگر برده و کوکده بر قاج عدد اله اولیدی البته عالم بالکلیه

فاسد و خراب اولور ایدی) بو حالده عالمک عدم اضمحلال و فساد
وحدانیت بارینک ثبوتنه باعث و بادی اولدی ذکر جزوه اراده کل
طریقله برله کونک ذکر اولوب بتون عالم مراد اولمشدر « کان »
فعلنک دلالت ایلدیکی زمان ماضیده فسادک وقوع بولماسی زمان
و حال واستقباله شاملدر .

(شاکرد)

تعدد الهک مستلزم اولدیغی فساد نوجهله واقع اوله یلور .

(استاذ)

حاشا الله ایکی اولیدی بری برآنده زبدک حرکتی و دیگری آنک
سکونی و یا خود بری برآنده شیء واحدک بیاض و دیگری آنک سیاه
اولسنی مراد ایتکله میانه لرنده تمناع و تنازع وقوع بولورده عالم موجود
اوله من و بونظام و انتظام اوزره بولنه مرایدی بوکا تعاوق تعبیر اولور .

(شاکرد)

اگر تعاوق اراده اولسه نه لازم کلور .

(استاذ)

امور ثلثه آتیه لازم کلورکه اوجیده امور مستحیله دندر « اولاً »
هر برینک مراد لرینک حاصل اولماید یعنی زبد برآنده هم متحرک و هم
ساکن یا خود برشیء برآنده هم بیاض و هم سیاه اولمقدرکه محالدر
« ثانیاً » هر برینک مراد لرینک حاصل اولماید بوده عجز لرینی
مستلزمدرکه بوده محالدر زیرا الله تعالی هیچ برشیده عاجز اولوب
جیع جهات و اوصافدن کامل و کافی و عجز ایسه الوهیته کلیاتنی
و مایندر « ثالثاً » برینک مرادی حاصل اولق و دیگری مرادی
حاصل اولمقدر بونکلده بری نافذ و قادر و دیگری عاجز
و قاصر اولورکه محالدر زیرا عاجزده فرض اولسان قدرت تامه
بولنه میه جغندن میانه لرنده تمناع و تنازع واقع اولوب تعدد اله
از هر جهت محال و عالم فاسد اولوب موجود و برکال اولسیله جناب
واجب الوجودک وحدانیتی ثابت اولور .

(شاگرد)

برهان نه دیمکدر .

(استاذ)

برهان بر دعوانك صدقني اثبات ايتك همچون اراد اولنان شيدر
 بوکا دليل دخی دیرلر بوده ايکی درلو در اردن مؤثره انتقال اولنور
 ايسه « برهان انی » تعبير اولنور مشاهده اولنان دوماندن مؤثری
 بولنان آتشك وجودی اثبات اولنديغی کبی زیرا اتشسز دومان اوله من
 واکر مؤثردن اثره انتقال اولنور ايسه « برهانی لمی » تعبير اولنور
 مؤثر اولان آتشك مشاهده سیله دومانك وجودی اثبات اولنديغی کبی
 زیرا دومانسز آتش اوله من ايشته اثرصانع تعالی اولان عالم ایله
 مؤثر حقیقی اولان جناب خالق الاشیاءك وجودی وفردانیتی ثابت
 اولمشدر انسان اولانی یالکیز سوره اخلاص ورطه شك
 واشباهدن خلاص ایلر دیگر دلیل و برهانك اقامه سنه حاجت برافز
 اما عنادکار اولنلره چاره یوقدر زیرا بونلره معجزه باهره انبیا
 وکرامات ظاهره اولیاء بیله تأثیر ایتمز جناب واجب الوجودی توحید
 و پیغمبران عظام و رسل کرامی ومن عندالله کتوردکری شیلری
 تصدیق ایدنلره اهل ایمان دینور .

(شاگرد)

ایمان نه دیمکدر و ایمانك تعریفی ندر .

(استاذ)

ایمان « تصدیق بالجنان و اقرار باللسان » قلب ایله اینانق و لسان
 ایله اقرار و سؤیلکدر .

(شاگرد)

ایمان حقدنمیدر یوخسه قولدنمیدر .

(استاذ)

ایمان اختیار بدر یعنی قولك اختیار و ایستکی ایله حاصل اولور
 جناب حق زور ایله برینی اسلام و دیگرینی کافر ایتمز لیکن اراده سنی

ایمان طرفه صرف ایدن کمسنه به توفیق و نصرت و پرر و اسباب
سهولتی خلق ایدر حتی جله خلق یرادیشلنده یعنی یرولدک
تولنده درونلنده عقل غریزی اولدیغی کی ایمان فطری
و خلقیلر دخی واردن تکم عالم ارواحده عموم روحلره « الست یربکم »
خطابنده « قالوا بلی » یعنی « بن سزک ربکز دکلیم » خطاب
جناب رب الاربابده هر بر روح « اوت ربمزین » دیدیلر و اشبو ایمان
فطری و اختیاری ایله بو عالم وجود و شهوده کلدیلر بو عالمده دخی
اول ایمان فطریلرینی نقض و تبدیل ایتیموب توحید حضرت باری
و تصدیق جناب پیغمبری ایدنلر دأره مأثره اسلامیه به داخل
« وان الدین عند الله الاسلام » آیت کریمه سنک مفهوم شریفی
شرافته نائل اولوب قالدیلر بو عالمده اولئان ایمانه ایمان کسی
دیرلکه انسان محضی کندی اراده و کسی ایله قزانمشدر و عالم ارواحده
اولئان ایمان دخی زور ایله وقوع و بولوب کافه ارواحک اراده
و اختیار لیه وقوع و بولش ایهده اول عالم ارواحه نسبتله اوراده کی
ایمانه ایمان فطری تعبیر اولمشدر .

(شاگرد)

ایمان قاج وجه اوزره در .

(استاذ)

ایمان بش وجه اوزره در « وجه اول » ایمان مطلوبدر ملائکه کرام
علیه السلامک ایمانلری کی « وجه ثانی » ایمان مقبولدر انبیای عظام
علیهم الصلوٰه والسلامک ایمانلری کی « وجه ثالث » ایمان معصومدر
مؤمنلرک ایمانلری کی « وجه رابع » ایمان موقوفدر مبتدعلرک یعنی
اصحاب بدعتک ایمانلری کی « وجه خامس » ایمان مردوددر
منافقلرک ایمانلری کی .

(شاگرد)

ارواحک عالم ارواحده ایلدکلری ایمان خاطرلندن چیقیمی .

(استاذ)

اوت خاطر لرندن چيقد يني اجلدن بونلرك خاطر لرينه كتورمك
واصل وظيفه عبوديتلريني خبر ويرمك واحكام الهييه يني تبليغ ايلك
وعبادي طريق حقه دعوت ايتك ايچون پيغمبرلر بعث اولندي
ويدلرينه كابلر و برلدي بونلرك واسطه ليله فطرت اصليله لري اوزره
اولان ايماني يعني اولزمان اولنان عهد و پيماني بو عالمده نقص ايتيانلر
واخبار پيغمبراني و كابلرك احكام مندرجه سني قبول و تصديق ايدنلر
اهل ايمان و اسلام اولديلر و اولزمان اولنان عهد و پيماني بو عالمده
نقص ايدنلر بالاختيار اهل كفر و ضلالت اولديلر .

(شاگرد)

اسلام اولنك شرطي قاجدر .

(استاذ)

اسلام اولنك ايكي شرطي واردد بري بالغ اولوب صبي اولماق و بري
عاقل اولوب مجنون اولماق قدر .

(شاگرد)

اسلامك شرطي قاجدر .

(استاذ)

اسلامك التي بيوك شرطي واردد يعني بوالتي شيئه اينانق كر كدر كه
انلرك بري انكار اولنسه اساس اسلاميت منهدم اولور بونلره قلب ايله
اينانق و اسان ايله سويلك شرطدر « شرط اول » الله جل جلاله
حضرتاريتك وار لغنه و برلكنه و اول و آخري و ذاتنده و صفاتنده
و افعالنده شريك و نظيري اولديغنه اينانمقدر « شرط ثاني » ملكرينه
وانلرك جسم لطيف اولوب هر بر شكله كيره بيلدكلرينه و انلرده
ار كلك و ديشلاك و يمك و ايچمك اولديغنه و اصلا عصيان ايتيوب
جناب حقك احري هر نه ايسه ترك و تكامل ايتيمرك اسر بني يرينه
كتورمكده اولدقلرينه و ملكرك افضل « جبرائيل . ميكائيل . اسرافيل .
عزرائيل عليهم السلام » اولدقلرينه اينانمقدر « شرط ثالث »

(طرف)

طرف حقیدن ازال بیورلمش اولان بوز درت کُابه و بونلرک دردی
 بیوک و یوزی صحف اولدیغنه و بو بوز صحفدن اون عددی « آدم
 علیه السلام » و اوتوز عددی « ادریس علیه السلام » و الی
 عددی « شیت علیه السلام » و اون عددی « ابراهیم علیه السلام »
 کوندرلدیکنه و دیگر درت عدد بیوک کُابدن زبور « داود
 علیه السلام » تورات « موسی علیه السلام » و انجیل « عیسی
 علیه السلام » نازل اولدیغنه و قرآن عظیم الشان « محمد مصطفی
 صلی الله علیه و سلم » افتدمن حضرت لرینه من طرف الله نازل اولوب
 بونک حکمی قیامته قدر باقی اولدیغنه ایناقدرد « شرط رابع »
 احکام الهیهی قوللره تبلیغ و توصیل ایتک ایچون مرسل و مبعوث
 اولان رسوللره و کافه پیغمبرلره ایناقدرد « شرط خامس » دار اخرته
 یعنی دار دنیان ارنحال و انتقال اولنان دار بقایه « شرط سادس »
 خیر و شر فائده و ضرر و قضا و قدر جناب حقیدن اولدیغنه
 و بعد الوفات دیرلک حق و جنت و جهنم و میزان و صراط و سؤال
 و عذاب دخی کرچک اولدیغنه ایناقدرد بونلره ایمان تفصیلی
 اطلاق اولور .

(شاکرد)

ایمان اجالی نذر .

(استاذ)

ایمان اجالی « لاله الا الله محمد رسول الله » کله طیبه سیندر بوکا کله
 توحید حقیقی دخی اطلاق اولور که نفی و اثباتی جامعدر و انواع
 علوم و معارفی حاویدر کله الاخلاص . و کله الاسلام . و کله القرب .
 و کله التقوی . و کله النجاة . و کله العلیا . و کله الشفاء . و کله التجدید .
 بودر جنتک مفتاحی و انس و جنک باعث فوز و فلاحی بوکله طیبه دز .

(شاکرد)

اجال نه دیمکدر .

(استاذ)

امور متعدده احتمالی اولان کلامی ابراد ایتکه اجمال دینور و اول

احتمالك بعضی سنی یا خود جله سنی تعداد و بیان آنکه تفصیل
ذیل :

(شاگرد)

خیر و شر فائده و ضرر و قضا و قدر حقمن اولیجه قول نیچون
مسؤل طوتیلور یعنی قول ابولاک ایدر ایسه نیچون مکافات و کوتولک
ایلر ایسه نیچون مجازات اولنور .

(استاذ)

خیر و شری فائده و ضرری حق تعالی یرادوب قول ایشلشدر یعنی
بر انسان خیر ایشلر ایسه عادت اللهک جربائی اقتضا سنجه جناب
باری اسبابی یرادر و شر ایشلر ایسه انکده اسبابی یرادر لکن اولکنه
رضاسی وار و دیگرینه رضاسی یوقدر یراندیغیچون خیر و شر حقمن
اولیور و قول کندی اراده و اختیار یله یایدیغیچون و کندی کسب
یدی اولدیغیچون مسؤل طوتیلور بناء علیه شرعا امر اولنان شیرک
اجراسنه ونهی ایدیلان افعال و اقوالک ایفا و ارتکاب اولنماسنه
اهتمام و دقت اولملیدر .

(شاگرد)

بعد الوقات انسان فصل حیات تازه بولور :

(استاذ)

بوندن اقدام اجراسی و اثری اولیان عالمی و کافه بنی آدمی ایجاد
و خلق ایدن جناب قادر قیومک دفعه ثانیه ده بنه حیات تازه ویرمه
قدرت تامه سی واردر اکاکوره قطعاً کوجلاک یوقدر .

(شاگرد)

اجل نه دیمکدر :

(استاذ)

اجل بر شیتک کافه مدتته و اول مدتک وقت موده منقضى و منقرض
اولان اخیرته و شو وجود بنیه سنک انقضا و فسادینه اطلاق اولنور
ازلده تقدیر و تعیین اولنان مدت تمام اولدیقه یعنی بر شخصه

(وریلان)

ویریلان مدت و انقاس حیات ختام بولمقجه اول شخصه اصلا موت
طاری اولمز و وقت معینه سندن اول یاخود صکره ارتحال داربقا اینمز
بواجل بر در رکیمسه یغهورکی باغان قورشون وکله قارشوسنده
بولنسه یاخود دریاه دوشمش اولسه بنه کندی اجیل موعودی
کلدیکی حالده انک جام موتدن شربت فنا ایچمسی ممکن و متصور
دکلدر .

(شاکرد)

قضا و قدر ندر .

(استاذ)

قضا و قدر اسرار الهیة دن برسر عظیم اولوب بوکا اینانقی و ذاتا
روی رضا کوسترمک شعایر اسلامیتندر بو قضا و قدر دایره سنده
بنی آدمک جله سی داخل و مریوطدر بونک خازجنده هیچ رحال
و حرکت بشر یوقدر قدر قضایه و قضا ارادته و ارادت قدرته
و قدرت مشیت و مشیت علم خدایه ناظر در بویله بر برینی کوزه درلر
یعنی کافه احکام و احوال انام قهر و کناری اولیان و هریر اشیایی
یعنی کلیات و جزئیاتی و عامه موجودات و مکنوناتی محیط و شامل اولان
دریای دم الهیدن مشیت خدایه و مشیتندن قدرته و قدرتندن ارادته
و ارادتندن دخی قضایه نقل و ایصال اوانوب قضانک حکمی ایله
مراد الله اوزره قدر دایره سندن ظهور ایدر مثلا برانسانک پادشاه
عالمه وزیر اعظم اولسی علم حقه اولوب و اتندن لوح محفوظه نقل
اولنوب یازلمش ایسه اویله اورادن اورایه نقل ایدرک شیوه قدردن
بهمه حال انک وزارتی ظاهر اولور بو قضانک رد و ارجاعی قطعا
ممکن اولمه زرا بوکا قضای مبرم اطلاق اولنور .

(شاکرد)

قضا ایله قدر ییتنده برفق و تفاوت وارمیدر یوخسه ایکسی برمیدر .

(استاذ)

اوت فرق واردز چونکه قضا جمیع موجوداتک صرر اجالیه سنک
لوح محفوظه موجود اولمقدن عبارتدر لیکن قدر اول قضانک مواد

خارجیه ده ایجاد ایله برربر تفصیل اولمقدر یا خود قضا ترتیب خاص
اوزره موجوداتک نظام وانتظامیچون اراده ازیله وعنایت الهیه
لم یزلیه دن عبارت اولوب فقط قسدر اوقات مخصوصه سنده اشیا
وموجوداته اراده نک تعلق ایتسیدر (سید سادات علیه اکل التحیات)
افندمز سقوط وانهدامه مائل بر غارک او کسندن اثنای مرور لرنده
مشی وحر کتلرنده مسارعت ایدرک یکج کلرنده اوراده بولسان
اصحابی طرفندن « یارسول الله قضاء الهیدن فراری بیور بیور سکر »
مضموننده صادر اولان استفسار واستفهامه جوابا « افر من قضاءه
الی قدره » یعنی (اللهم قضاء سندن قدرینه فرار ایدیورم) بیور مشلدر
افعالک کافه سی جناب رب منانک قضا وقدریله عباددن صادره
اولوب فقط عباد ایچون اختیار ثابت اولدیغی اجلدن جناب رب
قدیر بر شیء تقدیر وعبد دخی بالاختیار کسب ایدر بوحالده افعال
من وجه جناب حقندن ومن وجه عباددن صادر اولور .

(شاگرد)

قضاء الله قاج قسمدر .

(استاذ)

قضاء الهی درت قسم اوزره منقسمدر قضای طاعت . قضای
معصیت . قضای نعمت . وقضای شدتدر . اما عبده قضای طاعت
وعبادت حکم و ترتب ایلدیکی وقت عبدانی جهد و اخلاص ایله
استقبال ایتلیدر که من طرف الله توفیق و هدایتله اکرام واحسان
اولسون (والذین جاهدوا فینا لنهیدنهم سبلنا) نظم جلیلی ناطق
اولدیغی اوزره جناب باری (دین و طاعتده جهد و سعی ایدنلره
البتہ توفیق و هدایتله اکرام ایدرین) بیورر قضای معصیت انسانه
ترتب ایلدیکی حالده انسان اول قضای توبه واستغفار ایله استقبال
ایتلیدر که (ان الله یحب التوابین و یحب المنتظرین) نظم کریمی
مضمونجه مظهر لطف وعنایت اولسون (تحقیقا الله توبه واستغفار
وتطهر ایدنلری سور) دیمکدر قضای نعمت ایله متعم و سرافراز

اولان انسان اول نعمتی شکر و محبت و اتفاق و سخاوت ایله استقبال
ایملیدر که اول عبد متشکره ازدیاد نعمت ایله اکرام و انعام اولسون
(ائن شکرتم لازیدنکم) . یعنی (سز نعمته مقابل شکر ایدر ایسکز قسم
ایدر مکه سزه نعمتی زیاده ایدرم) بیورلشدر قضای شدت ترتب
ایلدیکی زمان انسان اول قضایه صبر و رضا ایله استقبال ایملیدر که
آخرته کرامت و نعمت فراوان احسان و اعطا بیورلسون (انما یوفی
الصابرین اجرهم بغير حساب) یعنی (بلایه صبر ایدنلره حسا بسز
اجر ویزیلور) .

(شاگرد)

بوندن بشقه قضا وارمیدر .

(استاذ)

اوت برده قضای معلق واردر که بونک ظهوری بر سیه تعلیق
اولمشدر مثلا فلان کیمسه اگر تزوج ایدر ایسه اولادی ظهور ایدر
و تزوج ایتمز ایسه بلا ولد قالور یا خود فلان طفل مکتبه کیدر و درسنه
دوام ایلر و عمرینی بیهوده ضایع ایتمز ایسه عالم و فاضل اولور
و بونک خلافنده بوانور ایسه جاهل قالور دیمکدر بو قضای دفع
و ازجای و هر حالده بونک اندفاعی حیز امکانه در یعنی بوندن
احتراز و اجتناب ممکن اوله بیلور .

❦ روضه ثانیه اصول و عملیات شرعیه و عبادات اسلامیہ ❦

(شاگرد)

بر انسان بر فعلک اجر اسنده خطا ایتمک و جناب پروردگار عاصی
و عذاب شدیدینه مستحق و لایق اولماق ایچون زویه مراجهت
وزره دن اخذ و مساعدده و رخصت ایده جکدر .

(استاذ)

بنیان شریعت احدییه اوتاد اربعه اوزره قورلشدر بر فعلک اجر اسنده
مبادرت و نیت اولندیخی زمان در حال اول در ایوان شریعت
مطهره به مراجهت اولنوب تشبث و ابتداء اولنان امرک اجر اسنده
روی جواز و مساعدده کوسترلدیکی حالده اول امرک ایفا سنده مباشرت

و شتاب و عکسی ظهورنده در عقب اندن کفید اجتناب اولمقی
اقتضا ایدر بین الناس معاملات مقتضیه نك كافه سی اوراده موجود
و مصر حدر و اوراده مبهم بر ماده یوقدر موادك كافه سی شرح
و بیان و تفصیل و عیان بیورلمشدر هیچ بر مسئله مشکله یوقدر که
شرع شریف انك حلندن عجز بینی اعتراف ایتسون .

(شاگرد)

ذکر اولئان اوناد و اصول اربعه نك بر برز تعداد ویرانی و یکان یکان
توضیح و عیانی رجا اولئور که اکلاشلدینه کوره اول ارکان اربعه یی
مشتمل بولئان دائره عظیمه نك خلاف و خارجنده قطعا معامله
و حرکت اولئه میه جقدر .

(استاذ)

اول ارکان عظیمه درت یعنی « کُتاب و سنت و اجماع امت و قیاس
فقها » دن عبارتدر اما کُتاب ایله سنت انفابیان اولئدیغی و جهله
قرآن کریم و حدیث شریفدر یونلره ادله اربعه دیرلر .

(شاگرد)

حدیث نه دیمکدر .

(استاذ)

حدیث شریف « فخر عالم صلی الله علیه وسلم » افند مزك فم
سعادتلرندن شرفصادر اولان کلام حکمت انبامدر بوده ایکی
درلودر « برنجی » لفظ ایله معناسی « علیه الصلوٰه والسلام »
افندمز دن صادر اولان کلامه حدیث نبی دیرلر (اطلبوا العلم ولو
بالصین) کبی یعنی (علم حالک او کرمنسی طلب ایلدیکز اول علم چین
مملکتی قدر اوزاق اولسه ده) یاخود (طلب علم ایلدیکز کنجک زما
یکوب پیرلک و شیخوخت کلسه ده) « ایکنجی » یالکز معناسی الهام
ویاخود رؤیا و منام ایله طرف حقندن « مفخر موجودات علیه افضل
الحیات » افندمزك مبارک قلب انورلرینه القاء و افاضه اولنوب
اورادن لفظی شرفصادر اولان کلام شریفه حدیث قدسی دیرلر

(حدیث شریف)

۵

« انا عند ظن عبدی » کی یعنی « بن قولک ظنی عندندہ ہم » (قول بنی هر نوجهله ظن واعتقاد ایدر ايسه اويله ہم) اگر علم و کمال ويرر ديه ظن و يقين ايدويده جالشور و بوکا مانع اولنلری ترك ايدرك اوغراشور ايسه البته ويرر اللهک ويرر ديكنی کيمسه الله عز و ويرر ديكنی کيمسه ويرر عز و قال ديرد يغنی کيمسه يبقا عز و يبقد يغنی کيمسه قالديره عز (الحکم لله الواحد) .

(شاگرد)

اجماع نه ديمکذر :

(استاذ)

اجماع امت « سيدکائنات عليه افضل الصلوات » افنديمن حضرتلرينک کاشنسرای بقيه انتقال بيورد قدن صکره بر قول وسنده اسناد واعتقاد ايدرك امتندن مجتهدلرک بر زمان وعصرده بر امر شرعی اوزرينه ايلدکلری اتفاق واتحاده اطلاق اولنور مثلا (احل الله البيع و حرم الربوا) آيت کریمه سنه استنادا اخذ واعطا و بيع و شرانک حلال وربانک حرام اولديغنه اتفاق واتحادلری کی بو حالده « لا تجتمع امتی علی الضلالة » یعنی « بنم اتم ضلالت اوزره اجتماع اینز » حديث شریفی شرفصادر اولمشدر البش و بریش حلال وفائض و ربا حرام اولور .

(شاگرد)

اصل ربا وفائض نصورتله واقع اوله بيلور .

(استاذ)

ربا قرضا و بریلان برالتون و ياخود سار اشیا ایچون کسندی جنسندن اوله رقی مقدار و یا عددلرندن اخذ اولنان زیاده در ايشته بو زیاده حرامدر .

(شاگرد)

مذکور ادله اربعه دن معذور اولان قیاس ندر :

(استاذ)

قیاس بر شئی دیگر بر شئیه اولیوب اویدر مقدر اما شرعده فرعی اصله
یعنی حقیقه آیت منیفه و یا خود احادیث شریفه اولان بر امره
و بر مادهیه اکا منفرع و متعلق اولان دیگر بر امری الحاق و قیاس
ایتمکدر مثلاً پدر و مادرك موافق شرع شریف اولدیغی حالده
و پر مش اولدقلمری امر لریك انفاذنده یا خود سائر بر خصوصده
کو جنوبیده انلره « اوف » دیماک امری اوزرینه « ضرب »
قیاس اولنوب حرام اولمشدر بناء علیه پدر و مادره دائماً حرمت
ورعایت ایتک و امر لرندن قطعاً خارجیه چقیمبوب بد معامله ایتماک
و ضرب ایتک شویله طورسون « اوف » دخی دیماک مشر و عددر
زیرا حقوق پدر و مادر تفکر اولنور ایسه درجه سی ظاهر و باهر
اولور حین ولادتدن الی آخر العمر والد و والده اولادینه خدمت
ایدرلر حتی پدر و مادرك اموال و اشیا سیدخی خدمت ایدر اولسبیدن
اولاده مخدوم تعبیر اولمقده در « الجنة تحت اقدام الامهات »
حدیث شریفی حکمی جلیله جنت پدر و مادرك رضالری التنده در .

(حدیث شریف)

۷

(شاکرد)

اشبو قیاس قاچ درلودر .

(استاذ)

قیاس مذکور یدی قسم اوزره منقسم و مضطوزدر « قسم اول » قیاس
جلیدر که اوف ماده سنده توضیح و بیان اولندیکه اصل اولان
« اوف » اوزرینه فرعی بولسان « ضرب » ماده سی قیاس
اولمشدر « قسم ثانی » قیاس واضحدر بوراده فرعه اولان
حکمک ثبوتی حرام اولمقده اصله مساوی اولمقدر مال یتیمک اسراف
و صورت آخرله اتلافی مال یتیمک اکلنه قیاس ایتکدر زیرایتیم
مالنی بغير حق اکل و تناول ایتک حرام اولدیغی کبی سائر صورته
اتلاف و اهلاک ایتک دخی اکا قیاسا حرامدر بو اموال ایتامدن غایت
احتراز اقتضا ایدر « قسم ثالث » قیاس خفیدر بوده زیاده المانی

(وسائر)

وسائر میوه بی بغدایه قیاس ایتکدر « قسم رابع » قیاس
 عکسدر بوده فرعه اصل حکم نقیضینی اثبات ایتکدر نذرایله
 اعتکافده طوتیلان اوروجک عکسنه اولهرق نذر سز نمازک واجب
 اولمسیدر بوراده صلات اصل وصیام فرعدر « قسم خامس » قیاس
 حلتندر که شرابک حرام اولسنه سبب اولان سکری خرما دن
 چیقاریلان نبذ تمر دیدکاری شراب دخی ووردیکی اجلدن اول نبذ
 تمر دخی اکا قیاسا حرام اولمشدر سائر مسکراتدخی بوقیاس اوزره
 حرامدر هله راقینک حرمیتی بطریق الاولی ثابتدر اصلا تاویل
 قبول ایتمز « قسم سادس » قیاس دلالتدر ملازم علت و سبب
 اولان رایحه قویه نک یعنی شرابده بولنان و سکره دلالت ایدن
 اغر و سکر رایحه نک خرما شرابنده دخی بولنمیدر « قسم سابع »
 قیاس هر کبدر که فرعه اولان حکم اصلده دخی متفق علیه
 اولقدر بالغ اولان کیمسه نک اوزرینه زکاتک حلال اولمی وصی
 اوزرینه زکاتک واجب اولماسنک یعنی حلال اولسنک قیاس اولمی کی
 ایشته بیان اولنان ویر نبذه معلومات ویریلان وادله اربعه دن
 عبارت اولان شریعت غرایه هر اجعت اولنمیدر چونکه مغایر
 شرع شریف اولان معاملات و حرکاتک کافه سی یوم قیامتده
 مجازات شدیدنه نک ترتب ایتمسنه باعث و موجب اولور .

✽ بحث سبب ارسال رسل علیهم الصلوٰۃ والسلام ✽

(شاگرد)

رسوللرک کوندلرملرنده سبب وحکمت نه ایدی .

(استاذ)

وقتکه جناب رب غنی بوجهانی وایچنده بولنان انسانی یرتدی کال
 راحته یشاملرینه بر طاقم سیلر و واسطه لر ووردی مثلاً یمک و کیمک
 ویر رده یاقوب قالمق کی که بولنر انسانک اسباب حیاتیه سیدر
 ایشته بو سیلری تحصیل و تدارک ایتکه انسان مجبور اولدیغندن
 و کندوسنه تقدیر و احسان اولنان ارزاقه قانع اولیوب غایتله ادخار
 امواله حریص و طمعکار بولندیغندن مال و اشیایسنی و منان و املاکی

چو غالتق و راحت و اسایشی زیاده ایتک و اقرا ن و امثالہ مالا تفوق
 ایتک ارزوسیلہ اسباب و ذرایعہ تشبی حالتہ بر بر لیتہ اطالہ دست
 تعدی و ظلم ایدرک زور ایلہ غالب مغلوبک و ظالم مظلومک و اکبر
 اصغرک و اقوی اضعفک مالی و اشیا سنی غصب و غارات ایدہ جکاری
 و اوتہ کی بریکنک مالی چالہ جفی و کشدی منفعتی دیگرک مضرتندن
 آرایہ جفی و بر بر لینی بغیر حق قتل و اعدام ایلہ جکاری و بویله
 بویله کیدہ کیدہ انواع فساداتک و وقوعیلہ نظام و انتظام عالم
 و شیرازہ رسائل انضباط بنی آدم بوزیلوب عہد قریبہ خراب
 و بیاب و بو صورتلہ حقوق عباد پریشان و باعمال اولہ جفی درکار
 اولسیلہ بومقوله شر و شورک ظهورہ کلامسیچون و حقوق عبادک
 محافظہ اولسیچون رسوللر بعث و اسرا و نیچہ احکام شرعیہ بی
 جامع دلیلہ بر کتاب اعطا یورلمشدر ایشته شمدی بوکتاب کلام قدیم
 و قرآن کریمدر و رسولده آخر زمان پیغمبری و سائر پیغمبرلرک سروری
 « محمد المصطفی علیہ الصلاۃ والسلام » افتدمنزدر بوندن اقدم
 بعث اولنان و نازل اولان کتابلر یعنی « تورات و زبور و انجیل »
 شریفلر بیان اولنان مقصدہ مبنی نازل اولمشدر لکن بونلرک
 احکامی منسوخ اولدیقندن بونلر الہ عمل ایتک جائز دکلددر فقط
 ایتامنی شرطدر قرآن کریمک احکامیلہ الی یوم القیام عمل ایتک
 امر یورلمشدر کہ بونک حکمی قیامتہ قدر باقیدر .

(شاگرد)

رسول ایلہ نبی بیندہ فرق ندر .

(استاذ)

رسول انساندر احکام الہیہ بی قوللرہ تبلیغ ایتک ایچون بعث
 یورلمشدر یئندہ کتابی اولانہ ہم رسول و ہمدہ نبی دینور فقط کتابی
 اولیانہ نبی دینور و بونیلرک مقدار و عددلری معلوم دکلددر لکن
 قرآن کریمہ یکر می سکز عددینک اسامی شریفلری مذکور
 و مستوردر بونلرک کافہ سنہ ایتامق شرطدر اگر بردانہ سی انکار
 اولنور ایسہ اساس اسلامیتہ خلل کلور یعنی انکار ایدن کافر اولور

(قرآن)

قرآن عظیم الشانہ مذکور واسم شریفی مسطور اولان پیغمبر
بونلدر .

﴿ بحث اسماء انبیا علیہم الصلوٰۃ والسلام ﴾

« آدم علیہ السلام » جملہ انسانک اولیدر صلی اللہ و ابو البشر در
بابا و اناسی اولوب و طور اقدن برادیلوب التمش ارشون بونی و اریدی
و فرق ییل قوری قالب طور دقدن صکرہ کندولرینہ جان ویرلش
و بیک سنہ معمر اولوب نبوت و سلطنت بوندہ اجتماع التمش و اولاد
و احفادندن قرق بیک کیمسه بی کورمشدر زمان انتقالرینہ قریب
اوغلی « شیت » علیہ السلامی حفظ امور دین ایچون کندولرینہ
ولی عهد « وکیومرث » امور دنیا و مملکتی تودیع ایتمکله « شیت »
علیہ السلام وارث نبوت « وکیومرث » مالک اراضی و مملکت
اولشلردر کندولرینہ اون صحف « و شیت » علیہ السلامه الی
صحف نازل اولمشدر .

(شاکرد)

« آدم علیہ السلام » زده خلق اولندی و جنت اعلاہ زده
داخل اولدی .

(استاذ)

« آدم صلی اللہ » کعبه مکرمه قوری و باش و قره و بیاض و صاری
و طوزلی و طاطلی طور اقدن خلق اولوب و جسد عالیجی اوراده
قرق ییل یاتوب و بعدہ روح ویرلوب تعظیم قصدیلہ ملائکہ کرام
سجدہ ایلدیلر رشتہ طلاق ایادی رجالده بولنق حکمتنه مبنی
« حوا » دخی صول اکه کوکنندن برادیلوب صکرہ اورادن ایکیسی
برابر جمعه کونی دارجنانه دخول وینہ اولکون ایکنندی وقتی جستن
چیقوب « آدم » هندستانده جبل سرندیبه « حوا » جدیه هبوط
و نزول ایلدیلر بعدہ جناب منان « بیت المعموری » خلق ایدرک انک
زیارتنه امر و فرمان بیورمش « و حوا » دخی عرفاتده ملاقی اولمسیله
انی الوب سرندیبه کتورمش و قرق سنہ بهر سنہ حج ایدوب عودت
ایتمکده بولمشیدی .

« ادریس » علیه السلام اصل اسم شریفعلی اخنوخ اولوب
درسه زیاده سبله اشتغال ودفتری اولدیغی جهنله مؤخرا « ادریس »
تسمیه اولمش وابتدا قلم ایله یازی یازان وشیاب دبکن و دیکلمش
البسه تلبس ایدن وسلاح قوشانان وکفار ایله جنگ و قتال ایلیان
و علم نجوم و حسابیه نظر ایدن اودر و کندورلیته اوتوز صحف
ویرلمش و اوچبوز الی و بر روایتده درتیبوز التمش بش یاشنده
اولدقلری حالده آسمانه رفع اولوب الان دارجنسانده بر حیات
بولمشدر .

« نوح » علیه السلام آدم علیه السلامک ارتحانندن سکر یوز
یکرمی البی سنه صکره مبعوث اولدیغی قومی طقوز یوز الی سنه
دین حقسه دعوت ایدوب ذکور وانات یتش سکر کیمسه دن
ماعداسی اسلامیتی قبول ایتیه رک طغیان وجفا ایلدکلرندن طولابی
وقوعبولان طوفانده تیوز یاشنده اولدقلری حالده امر جناب ایزد
و پروردکار ایله انشا اولنان سفینه یه ذکر اولنان یتش سکر کیمسه
ایله برابر راکب اولوب ویوز الی کون صو اوزرنده کشت و کذار
ایلیوب (جودی) نام برجزیره نک جبلنده قرار ایدرک محرمک
اونچی کونی ساحل سلامتیه چیقمش و بیک سنه معمر اولمشلردر
طوفانده سلاله آدم کلیا منقطع اولمشله بعد الطوفان « نوح »
علیه السلامک اولادندن « سام و یافث » نام ذاتلردن انسان تسلسل
ونشأت ایتش اولدیغی اجلدن « نوح » علیه السلامه (اب ثانی)
اطلاق اولمش .

(شاگرد)

« نوح » علیه السلامک قاج اولادی وار ایدی .

(استاذ)

فی الاصل خانه سعادتلی کوفنده اولوب درت اولادی وار ایدی
بونلردن (کنعان) والده سیله حال کفرده قالهرق غرق اولدی
فقط (سام . حام . یافث) مسلمان اولدقلرندن برابر سفینه یه

(کیره شلر)

کیرمشلر ایدی مرویدر که آق بوزلو و کوزل خویلو بولنلر و انبیا
 و اولیا و علما و حکما و بولنله ممائل اولنلر (سام) و زنکیلر و هندیلر و قره لر
 و شفقتی اولیانلر (حام) نسلندن و تاتار و چغتای و صقلاب
 و یاجوج و ماجوج و بولنله مشابه نقدر طائفه وار ایسه کافه سی
 (یافت) نسلندن حاصل اولمشدر زمان طوفان تقرب ایدوب ایکی
 سنه ظرفنده امر انشایی ختامبولان و طولی اوجیوز و عرضی الی
 و عمقی اونوز ذراعدن عبارت اولان اوج قات سفینه یه جله
 مسلمانلر و حیوانلر راکب اولدقده کیرمکده بطائنی مشاهده اولنان
 مر کبه «نوح» علیه السلام طرفندن (کیر یاملعون) دیو صادر
 اولان امر اوزرینه بیچاره مر کبک قویروغنه مربوط بولنان
 (شیطان) دخی برار کیرمشدر حیوانانک ترسندن سفینه ده حاصل
 و پیدا اولان عفونات مضره نک ازاله سی ارزوسیه «نوح» علیه
 السلام قبلک ارقه سنی صیغایوب انک دبرندن چیقان (خنزیر)
 مذکور ترسلری اکل و تناول ایدنجه شیطان دخی دو کوزک ارقه سنی
 صیغایوب انک بورنندن دوشن (فاره) خلقک ارزاق واثوا بنی
 اکل و ضایع ایتسی اوزرینه «نوح» علیه السلام دخی ارسلانک
 ظهیرینی صیغابوب انک بورنندن چیقان (کدی) فاره لری قیرمش
 و بو صورتله سفینه یه کیرن حیوانلردن اشبو اوج نوع حیوان
 زیاده چیمشددر .

«هود» علیه السلام جناب رب متعال بونی عاد اولی نام قومی
 توحیده دعوت ایتکه ارسال بیوروب و انلر بونی تکذیب ایلایوب
 کفر و عنادلرنده مصر اولدقلرندن جناب کبریا انلری ریج صرصر
 ایله اهلاک و افنا و برسیاه قوش واسطه سیله جله سنی القای دریا
 بیورمش و کندوسی یوز الی یاشنده مکده ارتحال ایتشلردر .

«صالح» علیه السلام جناب رب ذوالجلال ثمود قومنک توحیده
 دعوتنه بعث و ارسال بیوروب بونلرک اکثریسی قبول ایتدیکندن
 و قومک اشرا سندن طقوز کیمسه آریلوب اوزرینه خروج و هجوم

ایلدکلرندن سما جانبدن بر صیحه دهشت افزا پیدا و ظاهر اولوب
کافه سی هلاک اولمش و کندوسی تصدیق ایلدنلرایله مکّه مکرمه یه
کلوب اوراده ایکیوز سکسان یاشنده اولدقلری حالده رحلت
داربقا بیورمش وقومک طالب ایتسی اوزرینه صحرا اره سنده بولنان
قبایلچندن ظهور ایدن دیشی دوه انک معجزات باهره سندن
بولمشدر .

« ابراهیم » علیه السلام برکون الوهیت دعواسنده بولنان نمرودک
کلیسا سنده اولان پتلی قیروب بالطهینی بیوک پتک بوینه تعلیق
بیورمسی اوزرینه القا ایلدکلری آتش قطعا تأثیر ایتیوب وعادتا
اوراسی برکستان اولوب کندولری متشکرا شامه و مصره عزیمت
واوراده اوچ ماه ارام واقامت وبعده ینه شامه رجعت وعودت
وامر جناب مستعان ایله کعبه علیانی بنا بیوردیلر خلقه ضیافت ایلدیکی
زمان (جبرائیل) علیه السلام جنت اعلادن بر مقدار کافور کتوروب
واولدنخی جبل ابنی قیس اوستنه چیقوب اطرافه نشر ونثر بیورملریله
جناب رب کریم انک ذریاتی جمیع اقطار جهانه ایصال واکثار
اول کافوردن طوز برادوب اطعمه نک بتون لذتی انکله بسیار
بیوردی حضرت ابراهیم علیه السلام اوغلی اسحق علیه السلامی
یدی کونلک سنت ایلدکلرندن طائفه یهود اکا اتباع ایتمش
واسماعیل علیه السلامی اون اوچ یاشنده سنت ایتلرندن عرب اکا اتباعا
عجل ایتلرندر یوز یتمش یاشنده اولدقلری حالده ارتحال کلزار بقا
بیورمش ونفش سعادتلی قدس شریف قربنده خلیل الرحمن نام
موضعه دفن اولمشدر .

(شاگرد)

ملت اسلامیه اره سنده مرعی الاجرا بولنان امر ختان فصل مسنون
اولمشدر .

(استاذ)

بر مقتضای حکمت جناب رب عزت الان اجرا قلنان اشوسنت

(ابراهیم)

« ابراهیم » علیه السلامدن نشئت ایتمشدن چونکه « ابراهیم »
 علیه السلام بابل ولایتده آتش نمروددن نجات بولدقد نصکره
 برادر زاده سی « لوط » علیه السلام ایله عمی زاده سی و زوجه
 محترمه سی اولان جناب (ساره) بی آلوب و پدر و مادرینک وطن
 اصلسی بولتان (مصره) عزیمت ایتک اوزره (فلسطین) ناحیه سنه
 واروب و (لوط) اوراده قالوب کندولرینک مصره وصوللرند
 ملکک جاریه لرندن (ساره) یه ویرمش اولدیغی جناب (هاجر)
 ایله اورادن تکرار ناحیه مذکوره قریب و (سبع) نامنده تنها و غریب
 برخلده آرام و قرار و اوراسنی زیاده سیله اعمار و مواشی و اموال و ارزاقی
 اکثرا ایدوب لکن خلق اوراده تجمع واسکان و بعض مرتبه تصدیع
 و ازاجه جرأت و شتابان ایلدکلرندن اورادن دخی (قسط) نام
 موقعه نفل متاع بیتوت ایدرک اوراده اولقدر مالدار اولدیکه نعمت
 و ضیافتیه متعم و داسیر اولدق کیمسه قالمدی و « لوط » علیه السلام
 دخی کندولرینی زیارت ایدر ایدی لکن اوغلی اولدیغی جهته
 (ساره) نك مساعده سیله استفراش ایلدیکی (هاجر) دن
 « اسماعیل » علیه السلام تولد ایتسیله (ساره) رخصت و مساعده
 سندن اولقدر نادم و پشیمان اولدیکه ارتق صبر و محالی قالیوب
 غوغا و زاعه باشلیوب حتی برکون اوفکه اره سنده هاجر خطایا
 (یا هاجر بواشی اوستمه سن ایتدک واللہ یاسنی اولدوررم و یا خود
 بریرینی سقط ایلرم) دیدیکنه دخی نادم اولدیسهده یعنی برینه کلک
 و برکیمه ظاهرده کورمامک ایچون طوتوب هاجرک جبرا عضو
 مستورینک بر مقدارینی قطع ایتسنی متعاقب جناب رب مستعان
 اشبوختانک اجراسنی « ساره » و ابراهیم « علیه السلامه امر و فرمان
 یورمسيله درآن ساعت (هاجر) یتیم یاشنده کی (ساره) بی
 و سکسان یاشنده اولدقلری حالده « ابراهیم خلیل الله » دخی
 کندوسنی بالطه ایله سنت ایلش و بر مناسب آلت تدارک ایتوبده اذا
 وجفا ویرن بالطه ایله سنت اولستک سببی سؤال اولدقد اراده

الهيتهك تعلقيه اجراسي اره سنده زمان مرور ايتماك ايچون
در حال زندنه بولتان بالطه بي استعمال ايلدكلري جوابي و ير مش
وايشته بواير مسنون ختان اول زماندن بوانه قدر بين الاسلام مرعي
الاجرا بولنش وبعده جناب (ساره) دن « اسحاق » عليه السلام
قدم نهاده كهواره عالم اولمشدرلر .

« لوط عليه السلام » حضرت ابراهيم عليه السلام برادر زاده سي
اولوب برابر ارض بابلدن ديار شام و مصره عزيمت واورادن
عود تارنده كندوسي (حص) جوارنده (سدوم) نام موقعه
اسكان واقامت واولحوالي خلقني توحيدده دعوت بيورمش اولدقلرندن
واكثريسي پند و نصيحتني قبول ايتيوب حتى بعض ييعار فعل شنيع
اجراسته اجتناسار واصرار ايلدكلرندن جناب حق انلرك اوزرلرینه
طاشلر ياغدير مش و موخر ا بولندقلري مملكتي حاوي اولديغي
يدي قضاياله برابر سمای دنياه يقين چيقاروب « جبرائيل » عليه السلام
التي اوست و اوستني الت ايتمشدر و بعد خراب البلاد كندولري
حضرت « ابراهيم » عليه السلام بولندقلري موضعي تشریف بيوروب
اوراده اميرار وقت وزمان بيورمشلردر .

« اسماعيل عليه السلام » حضرت ابراهيم عليه السلام اوغليدر
والده محترمه لري حضرت « هاجر » در اون ياشنده اولدقلري حالده
رتبه جليلة نبوتي حائز اولمشدر پدر معالي قدرلري اوچ دفعه علي التوالي
كورديكي رويا و شرف صادر اولان امر و فرمان جناب كبريا اوزرینه
قربان ايتك اوزره صحرايه كوتوروب واني حسن رضا سيله ياني
اوزره يانبروب بتمش كره اميرار ايديلان پيچاق قطع ايتديكندن
پدري اول پيچاغي حدتله ياننده بي طاشه چالمسيله در حال مذكور
طاش ايكي پارچه اولديغي انده جناب رب لايزال اكابدل « جبرائيل »
عليه السلام واسطه سيله برقوچ فدا وارسال بيوروب « جبرائيل »
عليه السلام قرباني اندر ركن (الله اكبر الله اكبر) ديمسي اوزرینه
در حال « اسماعيل » عليه السلام دخی (لا اله الا الله والله اكبر) ديمسيله

ابراهيم عليه السلام دخی (الله اکبر ولله الحمد) ديه رك ذبح قربان
بيورمش وایام مذکورہ نك اولی کونہ (یوم ترویہ) وایکجی
کونہ (عرفہ) و اوچنجی کونہ (یوم عید) دیرل زمزم شریف
انک آثار مہجراتندن اولوب کندولری یوز اوتوز یاشنده اولدقلری
حالدہ لابس لباس عید جنت اولمشلردر .

« اسحق علیه السلام » حضرت ابراهيم عليه السلام اوغلیدر والدہ
محترمه لری حضرت سارہدر جناب رب لایزال شامده بولنان
سکنہ نك دائرہ توحید و ایمانہ داخل اولملریچون بعث وارسال
بیوروب یوز یکر می یاشنده بولندقلری خالدہ عزم کلزار جنان
بیورمش ونعش سعادتلری قصبة خلیل الرحمن نام موضعه دفن
اولمشلدر .

« یعقوب علیه السلام » حضرت اسحق عليه السلام اوغلیدر
جناب رب غنی انی بنی کنعانی شرف توحید و ایمانله مشرف اولملرینه
دعوت ایچون رتبه سنیہ نبوتی اعطا وانلره بعث و اسرا بیورمشلدر
حضرت یوسف علیه السلامی برادرلری کوزندن غیب و پنہان
ایلدکلرندن یکر می ایکی سنہ بیت الحزن فرقتده زار و فغان
ایلدیکندن صکره عاقبت انک مصرده اولدیغنی خبر الوب بالمخبره
اورایه عزیمت و ملاقات ایدوب سن سعادتلری یوز فرق بدی
راده لریته رسیدہ اولدقدہ عزم کلشن سرای جنت اولمش ونعش
سعادتلری قصبة خلیل الرحمانه ایصال و دفن اولمشلدر .

« یوسف علیه السلام » حضرت یعقوب عليه السلام اوغلیدر
پدر مکرملری نك درجه محبتلری غایتله زیاده اولسندن دیگر
برادرلری حسد بلیه منه دوشوب و بونک دیدہ پدرندن جدا و دور
اولسنی دوشوب پردیسسه ایله جوار کنعانده برقیویه القا
ایللر بنی متعاقبا برکار بان قیودن چقاردقد نصکره مصرده فرعونک
وزیری بولنان قطفیرہ ییم و فروخت ایلمش وانک حسن و آن
بی پایاننه فرق یاشنده اولدیغنی خالدہ حضرت زلیخا نك عشق

و محبتی درجه نهاییه و مرتبه غایبه واصل اولمش و کندوری
بوسیدن زندانه گرفتار و انواع محنت و مشقته دروچا اولوب عاقبت
مصره سلطان اولمسیله دعاسی برکاتیه مشارالیهما زلیخا اون سکر
باشنده بر دختر پری پیکر هیئته کبروب کندوری تزوج ایدرک امرار
وقت وزمان و سال میامن فال سعادتلری یوز یکریمی به رسیده اولدیغی
حاله ارتحال زهتسرای جنان بیورمش و نهش مبارکلی پدر
مکرملری یانته ایصال و دفن اولمشدر .

« ایوب علیه السلام » شام جوارنده بنیه نام شهرده ارام و اقامت
ایدرک خلقی دینه دعوت ایتکه مبعوث و مأمور و کندورلنک اولاد
واغننام واملاتی غایله کثیر و موفور اولوب لحکمه برای امتحان
اولاد و اغنام و دودلری برقاج کون ظرفنده دفعه آفت عظیمیه
دوچار اولوب کافهسی محو و هلاک اولدقلربی متعاقب وجود
مبارکربی کاملاً چبان احاطه ایدرک صبر و تحمل اولمز درجه
درد دشواره دوچار اولمسیله ذره قدر عبادات و طاعتنه کسالت
و بطائت و برمیوب اون سکر ییل بوکا تحمل و صابر و دائماً جناب
رب شکوری شاگرد و ذاکر اولدقلری حالدیه النهایه قوردر وجود
مبارکرنده برارچه ات برافدقلرندن و ایچلرندن بری قلب سعادتلرینه
و دیگرکی لسان حکمتیانلرینه میل و هجوم ایتلرندن و بو ایکی عضو
عالیبری مفقود اولدیغی صورته ذکر و فکر خدای متعالدن دور
اوله جقلری خاطر عاظرلرینه خطور ایلدیکندن همان « ربانی
مسنی الضر وانت ارحم الراحمین » آیت کریمه سی مضمونجه
« یاربی تحقیقا بنی ضرر مس ایتدی یعنی شمعی ضرر ایرشدی سن
میرحت ایدنلرندن زیاده ارحسین » دیو استرحام و تضرعات و مناجاتی
عرض جناب رب انام بیورمسیله درحال کسب صحت و برمدتد نصکره
طقسان اوچ یاشنده اوله رق عزم گلستان جنت بیورمشلردر .

« شعیب علیه السلام » کیمار انبیای ذیشانلدر اصحاب (مدین)
ایله اصحاب (ایکه) تعبیر بیوریلان ایکی قومی دین حقه دعوته

مأمور اولوب بونلر اولئان پند ونصیحتنی وجناب بارینک وحدانیتنی
 وکندولرینک نبوتنی تصدیق وقبول ایتمک لردن اوزرلرینه آتش
 یاغوب کافه سی هلاک اوله رق مستحق عذاب الیم ولایق نارجمیم
 اولدیلر . ذات سعادت ایاتلری اورادن مکة مکرمه نی بالتشریف
 ایکی یوز یکرمی یاشنده اولدقلری حالده ارتحال دار نعیم وذات
 معارف سمات سنه لری کمال وفضل وبلاغت وانواع علم وفصاحتله
 موصوف اولدقلردن حضرت (فخر الانبیاء علیه افضل التحایا)
 افندمز کندولرینه « خطیب الانبیاء » تعبیر وتوسیم بیورمشلردر .
 « موسی علیه السلام » عمرانک اوعلیدر و(هرون) علیه السلام
 انک اوزوبالام برادریدر وقتاکه مصرملکی بولئان فرعون برولدک بدله
 غریق بحر هلاک اوله جفنی استخبار ایلدی برسنه بتون جو جقلری
 قتل واعدام وبرسنه فراغت وارام ایدر ایلدی (هرون) علیه السلام
 قتلاک نوبتی اولیان سنه پانهاده مهد وجود و(موسی) علیه السلام
 زمان قتلاک متصادف اولدیغی ییل قدم نهاده کهواره شهود
 اولوب والده سی خوف قتلدن طولایی صندوقه سلامتیه وضعیله
 دریایه ارسال والقا وامواج دریا دخی او صندوقه بی فرعونک سرای
 پیشکاهنده براغاجه ابصال واتکا ایلدیکنی حضرت (آسیه) کورمسیله
 درحال اورادن چیقاروب کندولرینه ولد معنوی ایدرک اولزمان فرعونجه
 صویه « مو » واغاجه « سی » تعبیر اولندیغی وبوده صو واسطه سیله
 اغاجه واصل اولوب اورادن چیقارلدیغی اجلدن کندولرینه
 (موسی) نسمیه اولنش ومؤخرأ بیودکجه وبعض مرتبه اماره
 رسالت وعلامت کوکب نبوتک ناصیه حال وقلانده لمعانی کوردکجه
 فرعونه عارض وطاری اولان وسوسه وانیدیشه واهامندن طولایی
 حقنده اعدام ایتمک ماده سی تصمیم ایلدیکنی (موسی) علیه السلام
 درک واذعان بیورمسیله مصردن قیام وحرکت ومدین نام شهره
 مواصلت واوراده حضرت (شعیب) علیه السلامک کریمه محترمه لری
 صفورایی تزوج ایدرک اون سنه ارام واقامت وعصای شریف لرینی

اوراده الوب تکرار مصره عودت وبالخاصه فرعون ايله قومنى برادر وهم وزیرلى حضرت (هرون) عليه السلام ايله برابر دين حقه دعوت بيورمى اوزرينه بولرك خياوسى دين حقى قبول ايلوب لكن فرعون داخل دائره توحيد اولمديقدن وحضرت (موسى) عليه السلامك برقاچ يك بنى اسرائيل ايله شاهه عزيمت ايتك اوزره اورادن چيقدقلربنى فرعون خبر الديقندن درآن على الصباح لشكر بد اختربله انلرى تعقيب ايلديكنى (موسى) عليه السلام بحر فلزم ساحلندن كورمىيله درحال يالرنده بولان عصايى دكره اوردقده باذن خدا دكرده اون ايكنى يول آچيلوب درت ساعت ظرفده جله قارشو طرفه كچدكلربنى متعاقب فرعون دخى حشرات موجوده سيله اچيلان بولله اوغرا دقده مقدا اچيلان طالفهلر بر لرينه متصل اولمىيله كافه سى غريبى لجه عدم اولديلر .
تورات شريف كندولرينه نازل اولوب طور سيناده شرف مكالمه جناب رب الانام ايله مشرف اولدقلربدن « كلم الله » اطلاق وتسميه اولمشدر كندولرى يوزيكرمى و برادرلى (هرون) عليه السلام يوزيكرمى بدى ياشلرنده اولدقلربى حالده تبه نام موقعده ترك جامه حيات مستعار واكتساي لباس دار القرار بيورمشلردر تفصيلاتى تفاسير شريفه وتواريح مشيفده مندر جدر .

« هرون عليه السلام » حضرت « موسى » عليه السلام افندمرك برادر شقيقى و خلعت فاخره نبوتى متلبس اولدقد نصكره وزير و رفيق ابدى حضرت (موسى) عليه السلام مديندن مصره كلور ايكن جبل طورده كسوه كريمه رسالتله متلبس و مسرور و فرعون و قومى دين حقه دعوت مأمور اولدقده دركاه الوهيته وقوعبولان نيازى اوزرينه حضرت (هرون) عليه السلام افندمزه خدمت مقفخره دعوتده برابر بولنقى اوزره مرتبه جليله نبوت و منصب جليل وزارت احسان بيورلش ومؤخرأ مصرده برلشوب ايكنى برادر سعادت برابر بالاتفاق فرعونى وانك قومى دين حقه

دعوت وبعده بنی اسرائیل ایلہ مصر دن چقبوب حین وفاتہ قدر
 مراقت ایدرک اول حضرت کلیم اللہدن مفارقت انعامشدر
 حضرت (موسی) علیہ السلام جبل طورہ مناجاتہ وبالایجاب سار
 محلاتہ کتدکجہ (هرون) علیہ السلام افندمزی قوکیل و حین
 ارتحالرنده مصالح امت وامور خلافت اولاد (هرون) علیہ السلامہ
 تفویض اولتی اوزره وصایای لازمه اجرا بیورمشلریدی برکون
 حضرت (موسی) و هرون علیهما السلام جملہ متعلقاتیلہ برابر
 برجبلہ کشت و کذار ایدر ایکن تصادق ایلدکلری بر مغارہ دروننده
 بولتان برسریک کینارنده « برسریک طولی هر کیمک قامتہ موافق
 کلور ايسه انک ایچون حاضرلنشدردیو محرر اولدیغنی کورملری
 اوزرنه حضرت (هرون) علیہ السلام مذکور تخت اوستنه چقبوب
 اوزاندقده تمام قد سعادترینه مطابق اولدیغنی متعاقب حضرت
 (عزرائیل) علیہ السلام درحال روح سعادترینی قبض بیوردیلر
 بنی اسرائیل بو کیفیت متالمه دن خبردار اولدقده کمال محبتلرندن
 طولانی « یاموسی هرونی سن قتل ایلدک » دیو افزا ایلدکلرندن
 و حضرت « موسی » علیہ السلام « حاشا برادرم هرون کندی اجل
 موعودیلہ وفات ایتشدردیو ایراد بیوردیغنی کلمات صادقلرینه
 بردرلو قائمدقلرندن جناب حق اول کلیم جلیلی تصدیق ایچون
 اراده حکمتعاده الهیه موجبجه ملائکه کرام اول سربر حضرت
 (هرون) علیہ السلامی اولدیغنی ردن خالدیروب و بین الارض
 و السماء طوتوب « یابنی اسرائیل حضرت موسی علیہ السلامه افزا
 ایتمین اوکندی حلول اجلیلہ عزیم راحتسرای اخرت ایتشدردیو لولو
 صادر اولان ندا اوزرنه بنی اسرائیلہ قناعت وامنیت کلش
 ولکن آتش مفارقتله کافهسی اوتوز کون لباس ماتم تلبس ایدرک
 نفسلرینی حظوظات روز مره لردن محروم ایتشدردیو اقدججه
 وقوعبولان امر وصیت اوزره نفس سعادتری جبل احد اتکنده
 دفین خاک راحت ایلدش ومدت عمر سامیلری بر روایتده یوز یگرمی

ایکی سنہ اولوب اولاد کرامتدن زهد و صلاح و آثار فوز و فلاح
مثلاً ووصاف و اخلاق جلیلہ ایلہ متصف اولان جناب «عیدار»
تسویہ مهام خلافت ضمنده پدر جنت مقرینه خلف و نسل
شریفندن بعض انبیای ذیشان حضراتی زینت بخشای مهساد
مجد و شرف اولشدر .

«الیاس علیه السلام» اراضی مصر و شامده بولنان ملوک و اسباط
بنی اسرائیل تورات شریفک احکام عادلہ سنی ترک و تعطیل و عبادت
اوٹان و اصنام ایلہ بالاشتغال شهره استقامتی تغیر و تضلیل ابلکہده
وحتی بعلبک پادشاهنک یاپدیرمش اولدیغی برحسنا خاتونک صورتنه
کنندوسیلہ قومی پرستش ایتمکده اولد قلرندن بونلری دین حقہ
دعوت ایتمکہ مأمور بیورلمش اولوب لیکن قبول دین و ایمان
ایتمدکلرندن (الیاس علیه السلام) ایچلرندن چقبوب و محل اخره
نقل ورحلت بیوروب بتکرار اول قوم ایلہ بر زمان اوغراشمش
ایسهده کفرلنده مصر اولدقلرندن کندیلری امر عظیم خلافتی
حضرت (الیسع) علیه السلامه بالئودیع اورادن چشم عالمدن غائب
و نابید اولمشدر حضرت (حضر) علیه السلام ایلہ هر سنده
برکره قربان بیراملرنده مناده و یاخود مدینه منورهده کائن مسجد قباده
ملاقات ایده کلدکاری و بر دفعه دخی حضرت فخر الانبیا علیه
اکمل التحایا افندمرن حضرتلرینک شرف ملاقات سنیه لیلہ مشرف
اولدقلری روات ثقاتدن مرویدر .

«الیسع علیه السلام» حضرت الیاس علیه السلامک هر بار رفیق
پرشقیلری اولوب امر خلافت عظیمای درعهده ایدرک بنی اسرائیل
قومی دین حقہ و شریعت (موسی) علیه السلامه دعوت و نیجه
کره اظهار معجزات ایلہ بونلرک خیلوسی فضیلت شرف ایمان ایلہ
اکتساب شرافت ایتمش و مؤخر قوم مذکور طریق ناصواب طفیان
و عصیان طومش اولملرندن خاطر انورلری و مرآت دل پر نورلری
مغیر اولسیلہ دران امر خلافت عظیمه بی حضرت (ذوالکفل) علیه

السلامه تودیع و تفویض بیوروب کندولری عازم سوی دار جننان اولمشدر .

« ذوالکفل علیه السلام » طرف اشرف حضرت پر وزدکاردن رتبه جلیله نبوت اعطا و بنی اسرائیل ملکرندن ملک کنعانه بعث واسرا بیوریلوب انی ایمانه دعوت ایدرک انک جننه دخولنی یاخود قوم بنی اسرائیلک اداره واعاشه لرینی تکفل بیورمش اولدقلرندن ذات سعادتلرینه ذوالکفل تسمیه اولمش و حضرت (الیسع) علیه السلام عمی زاده لری و یاخود حضرت (زکریا) علیه السلام ایله ذوالکفل ایکسی برذاتدن عبارت بولمش اولدقلری مرویدر .

« داود علیه السلام » اولزمانک پادشاهی بولنان « طالوت » کریمه محترمه لرینی داود علیه السلام تزویج ایلمسبله بعد وفاته امر عظیم سلطنت ذات سعادتلرینه بالانتقال نبوت کبری و سلطنت عظمای کندولرنده دخی اجتماع ایش و بوزاللی سوره جلیله دن عبارت اولان کتب شریف « زبور » نازل اولمشدر زیورده حرام و حلاله و شریعتده متعلق احکام سائرده دن برشی اولمدیغندن عملیائنده دائما احکام جلیله تورات شریف ایله عمل و حرکت بیوررلر ایدی و مالک اولدقلری صوت حسن و صدای مستحسن ایله تورات شریفینی تلاوت بیوردقلری زمان صحرا ده و حوش و طیور طائر و حیوانات سائر مدهوش و لایعقل اوله رق استماع ایدرلر ایدی « خلیفه الله » لقب مبارکیله ملقب اولوب یوز سنه دن زیاده معمر اولدقلری حالده ترک تاج سلطنتله فردوس اعلایه عزیمت بیورمشلردر اراده و قدرت خدای متعال ایله بیورید سعادتلرنده موم کبی یومشاق اولوب وابتدا اعدادن محافظه سی ضمنتده بیور زرهی اعمال و اکتسا ایلیان حضرت « داود » علیه السلام افندمزدر والله اعلم بالصواب .

« سلیمان علیه السلام » حضرت داود علیه السلام اوغلیدر (وورث سلیمان داود) قول کریمی عدل و انصاف وراثت کمالیه تامه ایله سریر خلافت عظمایه شرف افزای جالس و تاج سلطنت کبرایی

لابس اولوب شرقا و غربا بتون جهانه و كافه انس و جانہ بر سلطان
 عدالتشعار و مراد ایلدیکی زمان اریکه سبله برابر سوار روزگار
 اولدیغی حالده ایکی ایلق بعد مسافه سی بولنان یرلی جو هوادن
 کیدرک یکریمی درت ساعت ظرفنده کشت و گذار و دوران و گفتار
 مرغانی فهم و ادراک و اذعان ایدر و طوائف عساریت و جنیان
 حکم جلیل فرمانبرینه انقیاد و اطاعت ایدرلر ایدی و كافه مخلوقات
 خاتم سلیمان مسخر و منقاد ایدیلر و آصف بن برخیا انک وزیر
 عدالتسمیری اولوب سباه اقلیمک ملکه سی بولنان « بلقیس » نام
 دختر پری صورت حضور لامع النورلرینه کلوب عرض کالای انقیاد
 و محبت ایتش ایسه ده امر ازدواجلرنده اختلاف واقع اولمشدر
 ذکر اولنان سر یرک طول و عرضی ایکیوز بیک ارشون اولدیغی
 وابتدا دکردن انجو چیقارلق و الماس ایله تزین اولنق اولزمان
 ظهور ایلدیکی طبریده مذکوردر مطبخلرنده هرکون اون ایکی بیک
 اغنام و بقر ذبح اولنور و اون ایکی بیک طبخ طبخ طعام و اخضار
 نان و انعام اطعام عامه عالمیان و انام ایدیلور ایدی بو حالده
 ذات مکرملری عبادات و طاعات جناب رب معبود ایله اشتغال
 و کوندزلی صباحدن او یله یه قدر امور و مصالح عبادی رؤیت
 و اکمال و کیمجه لری قائم و کوندزلی صائم اولوب ید سعادتلری ایله
 اعمال و نسج بیوز مش اولدقلری زنبیلی بیع و فروخت ایدرک
 انک پاره سیله مباحعه و اشترا ایلدکلری ارپه اککی الوب کورستانده
 بر مسکین ایله برابر افطار ایتک معتادلری ایدی نبوت و سلطنت
 ذات خلافتیناهیلرنده دخی اجتماع ایتش و سن سعادتلری اللی ایکی یه
 واصل اولدیغی حالده ترک اورنک سلطنت و عزم سرای جنت
 بیور مشلر در .

« حضرت لقمان الحکیم » حضرت داود علیه السلام بعثت
 سعادتلرندن اول مقتضای شعار فضیلت و فطانتلری اوزره خلقک
 فصل ورؤیت دعاوی و محاکمه لری امرنده عصر ینک غایتله

موثوق الکلام مفتی وقاضیسی اولوب بیک و بر روایتده اوج بیک
 ید بیوز سنه قدر معبر اولدقلری مرویدر نبوتلرنده اختلاف واقع
 اولمش و بیک قدر پیغمبر ذیشانندن تلمذ و تعلم ایتمش و بعثت و نبوتلرندن
 مقدم بیک قدر انبیاء عظامه تدریس و تعلیم بیورمشلر در •
 « یونس علیه السلام » موصل قرینده واقع (نینوا) شهرینک
 خلقنی دین حقده دعوت ایتمک اوزره خلعت فاخره نبوتله وجود
 وقامت سعادتتری تزیین بیور بلوب و علی التوالی اوتوز اوج سنه
 دعوت بیوردقلری قومدن انجیق ابکی کیمسه قبول ایمان ایدوب
 دیکلری حقلرنده عهد قرینده عذاب شدیدک ظهور ایده جکی انلره
 تبلیغ ایدرک کندوری اولخوالیده بر جیلده پنهان اولملرینی متعاقبا
 فی الواقع جانب سمدن ظهور ایدن علامات قهر و هلاک و امارات
 عقاب هولناکدن غایتله خوف و اندیشه ایدوب و (یونس)
 علیه السلامی ارابوب بوله مدقلرندن بونلرک کافهسی ملکلرینک
 امر یله مقدما تبلیغ و تکلیف اولنان اصول اوزره قبول ایمان
 و توبه و استغفار دوام و شتابان ایتلری اوزرینه نزولی مقرر
 و مشهود اولان عذاب الیم علامتلی زائل اولدقدنصرکه (یونس)
 علیه السلام بعض قیل و قالک و قوعی ملاحظه سیله شهره عودت
 ایتموب و خفیا اورادن انشکاک ایدرک ساحل دریاه واروب راکب
 اولدقلری سفینه بر قاج میل کتدکدن صکره قطعا حرکت ایتمدیکی
 جهته قیودانک (بوسفینه ده بر فراری اولملرکه حرکت ایتمور
 دفعاتله مجربه اولمشدر) ذیمسی اوزریده (یونس) علیه السلام
 (ایشته فراری بنم) بیورمسیله و اوچ دفعه اجرا و کشیده قلنان
 قرعه نام نامی سامیلرینه اصابت ایتمسیله در حال وجود پاکنی
 دریاه القا بیوردقلری انده اول در یکتایی بر عظیم بالی التفام
 و سفینه صر قومه نک ارقه سندن ایرلیه رق برابر حرکت دوام
 و درت کوندن صکره یولجیلر ایله انیدخی ساحل سلامت ایتصال
 ایتمش و (یونس) علیه السلام بطن حوتده (لاله الانت سبحانک

انی کنت من الظالمین) کلمات مبارکه سنی ورد و تلاوت بیورمشلر بعده
اوراده جناب خیر الحافظین وجود سعادتلربی حرارت شمسدن
وساثره دن محافظه سیچون قباق اغاجنی خلق و ایجاد و بیاباندن
مملری سودلی جیلانلری فرستاد ایله اندفاع جوعی ضمنده اعانه
و تعین بیورمش (وینوا) خلقی فوج فوج اورایه کلوب و بعدالزیاره
انواع اعزاز و احترام ایله شهره کوئوروب اهالی به شعار شریفه
دین و شریعتی تعلیم و اشعار و مؤخراترک دار و دیار و کلیا خلقدن
انقطاعیله کوشه وحدت و انزوایی اختیار ایلش اولدقلری روایت
و حکایت اولمشدر والله اعلم بالصواب .

« عزیز علیه السلام » وحی جلیل رب عباد ایله بخت انصرتک خراب
و پریشان ایلدیکی قدس شریفه واصل اولوب اوراسنی کلیا خراب
و بیاب اولش اولدیغنی کورمسيله « بوشهر نصل معمر و آبادان »
اولور دیو مخیر اولدیغی حالد اویقویه واروب و اویقوسی بقدرته
تعالی حال موته تبدل ایدوب جسم و بدن سعادتلری نظر خلقدن
مستور و پنهان اولش و بعده برپادشاه اوراسنی غایتله اعمار
و اشجار و اثمارینی اکثار ایتش ایدی یوز سنه اوراده باتدقنصکره
کندولرینی لباس حیاتی اکتسابه مظهر و اطراف و انحصایه اصرار نظر
ایتمسی اوزرینه هاتقدن « یا عزیز بقدر اویودک » ندا و سؤالی وارد
اولدقده « برکون و یاز یاده اویودم » جسوایی و پرمسيله « بلیکه
یوز ییل اویودک حارکه و طعام و شرابکه نظر ایله » دینلده و نظر
ابتدکده فی الواقع قبل الوفات اکل و تناول بیورمش اولدقلری
تازه اینجیر و اوزوم و شیره بقیه سنه اصلا تغیر کلمدیکی و کلیا چورمش
و خاکيله یکسان اولش هر کینک کوزی اوکنده دیولدیکی کور
دکدنصکره اول صرکه سوار اولدق اورداده بولنان خانه سنه واصل
و مقدمای بخت النصر موجود اولان تورات شریفک کافه نسخه لرینی
احراق بالنار ایدوب بر نسخه سی قالماسن اواد یقندن حفظ و از برندن
بر نسخه تورات شریفی یازدیرمش و مؤخراترک جلب اولسان دیگر

نسخه سنده بالمقابله موافق اولدیغی اکلاشلش اولمسیله اولوقت یهود
طائفه سی حاشا (عزیر) علیه السلام اللهک اوغلیدر دیدیلر ایشته
باباسی قرق واوغلی یوز یکر می یاشنده (عزیر) علیه السلامدر وجناب
رب المستعانک بر نبی ذیشانیدر والله اعلم بالصواب .

« ذوالقرنین علیه السلام » بمن دیارنده (حیر) قبيله سندن (اذوا)
تعبیر اولتان ملوکدن بر پادشاهدر اسم عالیتری (صعب) ولقب
شریفتری (ذوالقرنین) در نسب والاری (نوح) علیه السلام
افندمهز منتهی اولور (اسکندر) یونانیکه رومی دخی دیرلرندن
بیک طقوز یوز الی سنه متأخر در یونک پدری مقدونیا پادشاهی
بولتان فیلبوسدر اکا ایو ادم معناسنه اولان (اسکندر) ویاخود
میتلا اولدیغی علت صار مساق ایله زائل اولمسیله (اسکندروس)
تسمیه اولمش وبعده (اسکندر) ایله اشتهار ایشدیر (ارسطونک)
شاگردی جمهور فلاسفه دن اولوب بعد زمان وارث تخت یونان
اولدقده اوز برادری بولتان (دارانی) قتل واهدام واستاذی
(ارسطونک) ارشاد یله مملکتی طوائف ملوک تقسیم واکرام ایشدیر
فقط حضرت (ذوالقرنین) (حضر) علیه السلام ایله ملاقی اولوب
برابر شرق و غرب خلقی ایمانه دعوت ایدرک سیر وسفر ونیجه اثار
عظیمه نک وضع وایجادینه کندولرینی مظهر ایشدیر حتی روم وفارسه
مالک وسطان ویاخود شرق و غرب منقاد فرمان ویاایام حکمرانی
وسلطنتده ناسدن ایکی قرن منقرض وپریشان ویاخود اموزلرنده
ویا تاجنده ایکی قرن نمایان اولدیغی جهته کندولرینه (ذوالقرنین)
لقی ویرلش (و ابراهیم) علیه السلام ایله کوریشوب انک دین
وشریعتده ثابتقدم بولمشدر نبوتلرنده بالاتفاق اختلاف واقع
اولمشدر شمک غروب ایلدیکی محله واصل اولوب اوراده لباسلری
حیوانلرک پوست ودریلرندن معمول و طعاملری دکر واسطه سیله
ساحله موصول اولان قومک ایمانه دعوت وارشاد وتعلیم احکام
شریعت وقبول ایمانلره عذاب شدت ایتکده تحسیر اولدیغی حالده

(قلنا ياذا القرنين) آيت كريمه سنده واقع اولان ندا كندولرى نبي
ايسه وحى جناب رب الانام واکر نبي دکل ايسه الهام اوله بيلور بعده
شرقده شمسك طلوع ايلديكي محله واصل اولوب اوراده دخي بتون
بتون عريان اولدقلرى حالده كورمش اولديغي برفومك امر دعوت
وعذا بلرنده مخير اولهرق مرتبه ثالثه ده شرق وغربه مغاير ومباين
ومعارض اولان شمال طرفنه كيديوب واصل اولديغي ايكي جبل
اره سنده بولنان ديكر برفومك (قالوا ياذا القرنين ان يا جوج وما جوج
مفسدون في الارض) آيت كريمه سي مضمونجه « ياذا القرنين بوراده
يا جوج وما جوج تيمير اولنور ايكي قبيله واردر كه بونلر برلرمز ده
فساد وقتل ويهار وقتي خروج ايدوب مزروعاتيزي وقتندن اول
اكل ايدرلر معاوتنمزه ميانمزه برسد محافظه انشاوانسه ديوقوعبولان
مراجعت واسترحاملرينه مبنى مذکور ايكي جبلك اره سنده يردن
تا زروبورينه قدر عرضي الى ارشون وارتفاعي ايكوز ذراع وطولي
يوز فرسخ اولهرق « برفرسخ اون ايكي بيك خطوه در » بر عظيم سدي
بنا ايتشدركه ذكر اولنان ايكي قبيله اورادن خروج ايتكه قطعاً بر يول
بوله مامشلد ز بوسد تيمور پارچه لردن ياييلوب هر طرفي اذابه اولنان
نحاس ايله تحكيم ايدلشدر بوز لرك الى يوم القيام اورادن خروج
ايدمه جهكلى و كندولرينك ايكي بيك سنه ميمر اولدقلرى تفسير
بيضاويده وترجه اوقيانوسده مذکوردر والله اعلم بالصواب .
« ذكر يا عليه السلام » جناب كردگار (موسى) عليه السلامك
شريعتي تأييد وذات وحدانيتي توحيد ايتك ايچون بني اسرائيل
قومنه بعث وتسيار بيوروب كندوليله حرم عصمت توأملرى غايله
مسن واختيار اولدقلرى حالده وقوعبولان دعا ونيازی اوزرينه
حضرت (يحيى) عليه السلامك ولادتيه مبشر ودل مسار اولمسيه
مؤخرأ حضرت (يحيى) عليه السلام قدمنهاده مهد جهان
اولدبغندن يهود طائفه سي بومثللو وقتسز يعني پدر ومادرنده
استعداد وقدرت اولديغي صورتده جوجفك تولدنده برطاقم افك

وافتزایه جسارت ایدوب وحضرت (زکریا) علیه السلام بونلرک کید و مکرلرینی وذات سعادتلرینک قتل و اعدامنه قیام و جرأت ایده جکرلرینی فهم و اذعان بیورمسایله در حال ایچلرندن انفکاک ایدرک اثنای راهده براغاچک دروننه کیروب کندولرینی اخفا و پنهان بیورد قیلرینی قوم مر قوم مذموم خبر الهرق اورایه هجوم برله اوله بر نی ذیشان افاچک ایچنده دستره ایله ایکی بیجوب شهید ایلدیلر مدت عمر شریفلری یوز سنه یه قریب اولوب تربت شریفه لری حایده جامع کبیر دروننده زیارتگاه اهل ایماندر .

« بحی علیه السلام » حضرت (زکریا) علیه السلام اوغلی و حضرت (عیسی) علیه السلام تنزه زاده سیدر بنی اسرائیل اوزرینه والی و انواع فسق و فجور ارتکابنده لایالی بولان (حردوس) نام شخص ائیم اوز برادری قزینک سودای خامنه دوشوب کندوسنه عقد و نکاح ایلمسی حقنده طاب و اصرار ایلدیکی فتوایی (یحیی) علیه السلام غیر مشروع و ممنوع اوراق حسبیله ویره مدیکندن والده سی مکاره قزینی بحاس عیش و عشرتنده ساقیلک ایتک نیت فاسده سنه مبنی شخص مر قومک عشرتخانه سنه کوتورد کده و کندوسی وصالنه طاب اولدقده مزبوره دختر بد اختر زمان وصالی حضرت (یحیی) علیه السلام نوش شربت شهادتلرینه حصر و تعلیق ایتمسی اوزرینه در حال جلادل واروب ورأس سعادت مقرلرینی جسم پاکندن ایروب حضور خیانت موفورلرینه ایصال ایلدکلرنده مبارک اسان صدق بیانلرندن « ینه بو قزی سکا نکاح ایتک شرعا حرامدر » مضمونی شرفصادر اولوردی و بنابران طائفه یهوددن یتش بیک کشی قتل و اعدام اولندقجه دم سعادتلری منقطع اولدی مبارک رأس سعادتلری شامده جامع امویه داخلنده وید مبارکلری بیرونده جامع کبیر دروننده مدفون و محترم اولدیغی هر ویدر .

« عیسی علیه السلام » والده محترمه لری حضرت (مریم) علیها السلامدر (حنه) نام خاتون حامله اولدیغی زمان زوجی

اولان عمران فوت اولمسیله بطئنه بولنان جوجنک بیت المقدس خدمته ویره چکنی ندر ایتشیندی وقتا که طوغورمش اولدیفنی جوجق قیز ظهور ایلدی ارکک قیز **ککی** اولمیدقندن بو قزک نذری وجهله قبولی جناب حقندن تمنی واسترحام و بونک قبولنه سزاوار وشیان اولدیفنی استبشار واستفهام اتمسی اوزرینه دران اورایه کوندروب خاله سنک زوج مکرمی بولنان حضرت (زکریا) علیه السلامه تودیع وتسليم واولدخی اول دختر پاک کوهره بر حجره تعین وتخصیص بیوروب اوراده حضرت (مریم) عبادت وطاعات ذوالجلال ایلله مشغول وسنی هنوز اون اوجه موصول اولدیفنی حالده جناب قادر قیومک امر وفرمانیله (جبرائیل) علیه السلام حجره مزبوره داخل اولوب حضرت (مریم) مبارک اغرنندن اوفلیوب درحال حامله اولمسیله اورایه قریب بیت لحم نام موقعده فرداسی کون یاخود مدت جل تمام اولدیفنی زمان حضرت (عیسی) علیه السلام بانهاده مهد جهان اولدیلر حضرت (مریم) علیها السلامک بوصورتله پدرسز جوجق طوغورمسنی بتون خلق طعن وتشنیع ایلدیلر ايسه ده حضرت (عیسی) علیه السلام بقدرته تعالی نطقه کلوب (قال انی عبدالله اتانی الکتاب وجعلنی نبیا) آیت کریمسی مضمونجه « بن اللهک قولیم والله بکا کتب احسان بیوردی وبنی پیغمبر ایلدی » مقالنی ابراد بیورملری اوزرینه خلق سنک طعن وتشنیع ایتکدن کفید ایتدیلر حضرت (عیسی) علیه السلام صبی اولدیفنی حالده اوچ دفعه تکلم بیورمشلردر و اوتوز اوچ سنه برابر مصر وشامده ارام واقامت بیوروب بعده برکون یهودیلر طویلانوب تحری ایدر ایکن ایچلرندن بری بولوب کوسترمک وکندوسنه وعد اولنان اوتوز درهمی المی اوزره حضرت (عیسی) علیه السلامک سعادت خانه لرینه واردیفنی زماندن ایکی اوچ ساعت اقدم جناب رافع السموات بقیه عمد (عیسی) علیه السلامی سمایه رفع بیورمش و آتی تحری ایدن یهودی بی جناب مسیح صورتنده کوسترمش

اولسبله اگر چه کندوسی (عیسی) اولدیفنی اکلامق ایچون خیلی
 فغان و فریاد اتمش ایسه ده بلا فرق کسب مشابعت ایلدیکندن
 سوزینه حواله سمع اعتبار اولمیهرق شدیداً ضرب و ببحاره
 یهودینک باشندن قانلری روان ایدرک اللربنی محکم باغلا یوب
 وانواع حقارت و ذلندن صکره حالاً قدس شریفده مشهور اولان
 میدان سیاسته کتوروب داراغاخنه صلب ایلدیلر (و ماقتلوه
 و ماصلبوه ولیکن شهبهلم) نظم جلیلی بومعنا و بو حکایه بی اثبات
 ایدر طائفه یهودک (اناقتلنا المسیح) قولیله زعم ایتدکری کی
 (و ماقتلوه یقیناً) قتل ایتدیلر (بل رفیه الله الیه) بلیکی الله انی
 سوی سمایه رفع بیوردی بعده ملائکه کرامک قنادرینه اوطوروب
 وروی زمین ایتدوروب والدلری (مریم) علیها السلام دفع الام
 فرقت ایلد کدنصرکینه سوی سمایه رفع بیورمش والان دردنجی
 قات کوکده برحیات اولوب (جبرائیل) علیه السلام افاضه
 روحیه وجوده کلدکلرندن « روح الله » و لا بقسر شیلردن پالک
 و مطهر و یاخود مبارک ایاقلربنک الی دوز اولوب یری مسح
 ایلدکلرندن و یاچوق سیاحت ایتدکلرندن مبارک معناسنه اولان
 « مشیح » کله سندن معرب بولنان مسیح تسمیه اولمشدر .
 (انجیل) شریف کندولربنه نازل اولمش و اخرالزمانده (کل نفس
 ذائقة الموت) حکم جلیلی ماصدقبنه لذت موتی طامق و یاخود
 واقع اولان دعاسی اوزربنه خیرالام بولنان امة مرحومه محمدیه دن
 معدود اولاق اوزره سمادن روی زمین نزول و نقل و دجالی هلاک
 و قتل ایدر و اول زمان ملت اسلامیه دن غیری کیمسه نک بولمیه جنی
 و بولنان اهل کتابک جمله سی اهل ایمان و سلطان اوله جقلری و قرق
 سنه برپوزنده عکث و قرار و بعده ارتحال دارالقرار ایده چکلری روایت
 اولمشدر والله اعلم بالصواب .

✽ بحث ولادت رسول الله صلی الله تعالی علیه وسلم ✽
 « حبیب حضرت کبریا وخاتم الانبیا محمد المصطفی علیه افضل

الصلوات واکمل النکاحا » افندمزنک پدر عالیقدر لری (عبدالله) بن
 (عبدالمطلب) بن (هاشمدر) والدہ محترمہ لری (آمنہ) بنت
 ابن منافدر حضرت (آدم) علیہ السلامک هبوطندن التی بیک
 یوز الشمس اوچنجی سنہ سی وشہر رجب شریفک ایلاک جمعہ کیجہ سی
 نور جہان ارالی رحم مادر ی تنویر وربیع الاولک اون ایکنجی
 بازار ایرتسی کیجہ سی وقوع ولادت سنہ لریلہ افتدہ موحیدین
 ومصدقینی تسریر بیوردیلر قبل الولادة قبیلہ قریشک حیوانلری اسانہ
 کلوب « قدح رسول الله صلى الله عليه وسلم » یعنی (رسول الله جل
 اولندی) دیدک لری کبی ارض وسمواتدن دخی ندالر استماع اولندی که
 « ابی القاسم میونا ومبارکا روی زمین واسمانہ شرف ویرہ جکی زمان
 قریب اولدی » مثلاً ونجہ دلالات سعادت آیات ظهورہ کلدیکی کبی
 انشای ولادت سنہ رسالتنہا ہیئرندہ دخی وقوعہ کلان انواع علامات
 وکراماتک حد وپایانی یوقدر حتی اول لیلہ مبارکدہ حضرت
 (آمنہ) نک خانہ سنہ برجوق ملائکہ کرام نازل ومولد النبی رسالہ
 شریفہ سندہ « یاربیلوب دیوار چقدی ناکهان • کلدی اوچ حوری
 بکا اولدی عیان » بیتی مدلولنجہ انلرہ ایما وشارت اولندیغی وجهلہ
 اوچ حوریدن بری « حوا » ودیکر « آسیہ » وبریدیخی « مریم »
 حضراتی اولوب اول شب خدمت مقنجرہ فخرالانام شرفنہ نائل
 اولدیلر پدر لری (عبدالله) ارتحال دار بقا ایلدک لرنده بونک
 پدری وحضرت رسول اکرمک جد بزرگوار لری (عبدالمطلب)
 حضرت تلوینک اغوش شفق تیلرنده پر وشیب اولمشلردر نزول آیت
 کریمہ قدر نجہ خارق العادہ علامت لظهور ایلدیکی مثلاً نزول
 وحی ونبوت وآیت کریمہ نک تقریبی زمانلرنده دخی درلو کرامت لظهور
 ایشمدر مثلاً بالکن بولہ حقیقہ وبعض صحراہ بولتسلر « یا محمد »
 ندای فرح افزاسی سمع سامیلر بنہ واصل اولسی اوزر بنہ اطرافدہ
 کیجہ سی کورہ منک لری اجلدن سرعتلہ خانہ سعادت لری بنہ عودت
 وآین مذموم کفاری من القدم قطعاً سومدک لری جهت لہ اکثریا

خلقدن انقطاعه مکة مکرمه و واقع جبل حراده که جبل نور
اطلاق اولنور برغارده اختیار عزت و وحدت و اوراده جناب حق
عبادت و طاعتله امرار وقت و اندنصکره انواع علامات و عجایبائی
مشاهده و رؤیت بیوررز و ذات علیاری (ابراهیم) علیه السلام
افندمزك دین و شریعتی الیه متدین و متشرع اولدقلرندن قبائل
اره سنده کند و قبیله جلیله لرینه (ابراهیمون) تعمیر اولنور ایدی
سن سعادتلی قره رسیده اولنجیه قدر کندولرندن عقلا و شرعا
اصلا برامر قبیح واقع اولدنیغندن و خلق امانت و صداقتی اعتقاد
ایلدکلرندن « محمد امین » دیرل ایدی غار مذکورلی خلوت اتخاذ
بیورروب عبادت خدای متعال الیه مشغول اولدقلرندن حقلرنده
اذکیای عرب « الان محمد اعشق ربه » یعنی « اکاه اولک تحقیقا
محمد ربیسته عاشق اولدی » دیرل ایدی .

﴿ محبت ابتدای نزول آیات قرآنیہ ﴾

شهر رمضان شریفک اون یدنجی کونی بر معناد غار مذکورده
ایکن حضرت (جبرائیل) علیه السلام افسان صورتنده حضور
سعادتلیرینه کلوب و طرف حقندن رتبه عالیة نبوت و رسالتی تبلیغ و تسلیم
واوچ دفعه وجود رحمت آلودلرینی شد تلججه صیقه رق قوجا قلیوب
« اقرایا محمد » یعنی اوقو دیدکده افندمز « ما انابقارئ » یعنی اوقومش
دکلم بیورمسبله حضرت (جبرائیل) « اقرأ باسم ربك الذی خلق
خلق الانسان من علق » سورة جلیله سنی صوت حسن الیه اول
احسن مخلوقاته تلقین و تفهیم و ابدهست الوب نماز قیللق اصول
حسنه سنی دخی ارأیه و تعلیم بیوردقلرندن زیاده سبله قورقوب
وجود نور اولدرینه رعشه عارض اولدنیفی حالده اقد مجه
زوج بیورمش اولدقلری حضرت (خدیجه) بنت (خویلد)
رضی الله عنها خانة اسمان پابه لرینی تشریف « وزملونی زملون »
یعنی « اوزریمی اوزریم اوزریم اوزریم » دیو امر و فرمان بیورروب
والبسده شریفقلری اوزرینه تلبس بیوردقلری دثار سعفا دتلیرینه

بوزنوب یاتدقلری حالده (جبرائیل) علیه السلام « یاایها المدثر قم
 فانذر ربك فكبر وثيابك فطهر » سورة جليله سنی كتور مسيله یعنی
 (ای دثار و قفطان سعادتترینه ملفوف و عززل قیام ایدوب خلقي
 انذار و تخويف و ربکی تكبير و ثيابکی تطهير ايله) مثلاًو فرمان
 جناب رب منان مصادر اولمسيله همان ناسی دائرة توحيد بارییه
 و تصديق نبوتترینه دعوتیه قیام و مبادرت و تبلیغ احکام الهیهیه
 دوام و مباشرت پیوردیلر نبوت و رسالت سعادتترینی رجالدن
 ابتدا « ابوبکر الصديق » رضی الله عنه و نسواندن « حديجة كبرى »
 رضی الله عنها و صبیانندن « علی » کرم الله وجهه و قولردن
 « بلال حبشی » رضی الله عنه و ازادلولردن « زيد بن حارث »
 رضی الله عنه تصديق ایدرك دولت و سعادت دارین اولان شرف
 ایمان ايله مشرف اولشلردن تاج اسلام ايله سرافراز و نائل الطاف جناب
 بی انباز اولان اصحاب کرام رضی الله عنهم حضراتک قرقنجیسی
 حضرت « عمر الفاروق » رضی الله عنه افندمن ابو جهلک بعض شیار
 و عدیله صاحب شریعت افندمنک علیهنه بالقیام و برای اصرار
 و اعدام قهورانه کیدر ایکن یولده همشیره محترمدلریله یونک زوج
 مکرملرینک خفیا ایمان ایلدکلرینی استخبار ایدنجه اولانلری قتل
 و اعدام و ثابیا اول حضرته اصرار ایتکه عزم و قیام ایتک اوزره
 خانهلرینه اوغرا یوب وائلرک قرائت ایتکه اولدقلری قرأنی
 طیشاریدن استماع ایلوب طلب ایلسنه مبنی اولزمان هنوز زول
 ایدوب صحابه کرامدن « ارث » رضی الله عنه حضرتلردن تسلیم
 ایتکه اولدقلری سورة جليله « طه » اولدیغندن و ابدستی اولیان
 کیمسنگ دسنه قرآن کرم ویرلک شرعا ممنوع اولدیغنی بیان
 و تفهیم ایلدکلرنده واقع اولان اصراری اوزرینه باشند تلاوته
 آغاز و ابتداء ایدرك (الله لا اله الا هو له الاسماء الحسنی) نظم جلیانه
 کلدکلرنده حضرت « عمر الفاروق » رضی الله عنه افندمن ازله
 ایلدیکی ایمانی درحال اوراده قول عظیم (لا اله الا الله محمد رسول

(حدیث شریف)

۸

الله (ایله تجدد برله اورادن بالذات حضرت رسالتپناه افندمزنك حضور لامع النور لینه بوزینی وکوزینی سوروب وهمان اصحاب کوزینی استصحاب ایدرك وکعبه علیاه کیدرك اوراده اولادان اوقوتد بروب اعلاى کلمه الله امر عظیمه موفق ومظهر اولمشدر حدیث شریفده واقع اولمشدرکه « عمر معی وانا مع عمر والحق مع عمر حیث کان » یعنی (عمر بمنله برابردر بن عمر ایله برابرم وحق دخی هر جهته عمر ایله برابردر) بومثلاو حق عالیارنده نیجه احادیث شریفه شرفوارد اولمشدر رضی الله عنه .

(شاگرد)

تعداد و بیان اولئان انبیای عظام علی نبینا وعلیهم صلوات الله العلام حضرت اتندن الان برحیات اولئر وارمیدر .

(استاذ)

اوت درت پیغمبر عالیمات الحاله هذه برحیات اولوب بونلردن (عیسی و ادیس) علیهما السلام اسمانده و (الیاس) روی زمین دنیا و (حضر) علیهما السلام روی دریاده درلر بوایکسی هر کیجه سد ذوالقرنیده وهرسنه عرفاته اجتماع ایدرلر لکن کیسه کوره من .

﴿ مجت معراج النبی صلی الله علیه وسلم ﴾

(شاگرد)

معراج شریف حقنده برنبذه معلومات ویرمکری ارزو ایدرم .

(استاذ)

اول مخاطب خطاب (وما ارسلناک) ونائل سراسرار (اولاک لولاک) وعارف حکمت (لما خلقت الافلاک) وسید ولد آدم و باعث خلقت عالم (صلی الله تعالی علیه وسلم) افندمزن حضرتلرینک مکة مکرمه دن مدینه منوره به شرف افزای هجرت بیورد قلردن برسنه مقدم اول حبیب جناب کردگار شهر رجب شریفک یکر می یدنجی کیجه سی وقو عبولان دعوت جناب قادر مطلق اوزرینه مکة مکرمه ده

وخانه عرش پايه جناب امهانيده بعد العشاء بخت اعلا ده دیدار
 شريفلرينه مشتاق اولان و قرق بيك سنه مترقب بولنان و يوزى
 انسان يوزى كې غايت كوزل وايكي قنادلى اوله رق حضرت
 (جبرائيل) عليه السلام كتور مش اولدقلى براقه مسجد
 حرامدن راكب و سوار و (جبرائيل) عليه السلام ذات
 رسالتنا هيلرينه دليل و يار اولديغي حاليه طى مراحل و قطع منازل
 ايدرك حضرت (موسى) كليم اللهك كلام ايلديكي طور سينايه
 و اورادن حضرت (عيسى) روح اللهك تولد ايلديكي بيت (لحم)
 نام منزل مباركرينه اوغرايوب و ايكي شمر ركعت نماز قلوب قرق
 كيجهلك بعد مسافهسى و حضرت (يعقوب) عليه السلام احيا
 كردهسى اولان مسجد اقصايه واصل و اوراده براقدن نازل و درون
 مسجد شريفه داخل و اوراده منتظر و مهيا بولنان كافه ارواح
 انبيا فضل و شرف ملاقات سنيهلرينه نائل اولوب اول « امام القبلتين
 و نور الكونين » افندمن انده ايكي ركعت نمازى ادا و ديكرلى اكا
 اقتدا و امت مر حومهلرينه دعا و ارواح موجوده انبيا دست
 برداشته نياز خدا بيوردقدنصكره ملائكه كرام عليهم السلام
 نزول و عروجلرينه مخصوص و آراسته و برطرفى بيت المقدسه و طرف
 ديكرى آسمانه موصول و پيوسته اولان قدمه قدمه سلم و معراج شريفه
 قدم سعادتلرينى وضع و عروج و خرق و التيام قبول ايتن ديدكلرى
 سمايه بوصورتله عروج ايدرك برر بر يدى قات كوكلى و ايجلرنده
 بولنان و انواع تحميدات و تمجيدات و طرف طرف تكبيرات و تهليلات
 و سائر تسبيحات اليه مشغول اولان بحساب ملكلى و پرنده كهبه عليا
 ياپلوب سمايه رفع بيوريلان (بيت المعمورى) زيارت و تماشا بيوروب
 سدره منتهايه شرف ارأى وصوللرنده حضرت (جبرائيل)
 عليه السلام بحسب المقام اوراده توقف و ارام بيورمسيه اول مظهر
 سر (فتلى فكان قاب قوسين او ادنى) افندمنك اورادن قيام
 و حر كنه ايلروده واصل اولدقلى عظيم و منور پر پرده اره سندن

(الله اكبر) ديهرك بر ملك النى چيقاروب وسلطان الانبيا افندمزي
 بر اريكه رسالت اوزرينه اجلاس ايتسيه نيجه حجب و پرده لرى
 مرور ايله تقابل وسلام ورن ورفرف تعبير اولنان بشيل و غايله
 منورونى مثيل برسريعالى اوزرينه جالس اولدقلرى حالده كيده
 كيده و غرايات و عجايبات و صنع و قدرت خالق السمواتى سيرايدى
 ايدى عرش اعلايه اثنائى تقر بلرنده عرشدن اسان معجز بيان
 سعادتلرينه ساقط اولان غايله حلو واذند برقطره اوزرينه زبان
 حكمت عيان رسالتناهيلىدن « التحيات لله والصلوات والطيبات »
 كلمات شريفه سى شرفصادر اولسيله (جناب رافع السموات) طرفندن
 دخى « السلام عليك ايها النبي ورحمة الله وبركاته » كلمات مباركه سى
 شرفوارد اولسى اوزرينه (حبيب اكرم ونبي محترم) صلى الله عليه
 وسلم افندمزيك في شريفانندن دخى درحال « السلام علينا وعلى
 عباد الله الصالحين » كلمات لطيفه سى شرفصدور بيوردقد نصكره
 عرش وكرسى ولوح وقللى وسكز جنت و بدى جهنمى كشت و كذار
 وينده سدره متهايه رجعت ومؤخر حضرت (موسى) عليه
 السلامك اخطاريله فرض قلنان الى وقت نمازك بش وقته تنزيل
 بيورلسنه دفعاتله مراجعت باب نياز اولهرق جناب ارحم الراحمين
 طرفندن اخذ مساعده و رخصت واول شبينه معيت سعادتلرنده
 حضرت (جبريل) امين موجود و دليل اولديغى حالده خانه سدره
 پايه لرينه عودت بيوردقلرى حديث شريفه ثابت و مبرهنه در اول
 واقف اسرار « سبحان الذي اسرى » و عارف انوار « وما ينطق
 عن الهوى » افندمزي حضرت تليزنيك بر تفصيل نقل و حكايه بيورمش
 اولدقلرى قصه شريفه معراجى استماع واستغراب ايدن رجالك
 حضرت (ابوبكر) رضى الله عنه افندمزه مراجعتله ايراد ايلدكلارى
 سؤالرينه جواب اولهرق حضرت صديق اكبر « مادامكه بوقصه
 شريفه صاحب شريعت افندمزي حضرت تليزندن روايت بيورلشدر
 بونده شائبه كذب و دروغ اولقى محال اولديغندن بهمه حال

انی وبلکہ انک دہا غرب وابعہنی تصدیق ایدرم » بیور مسیلہ
کنڈولرینہ اولزمان (صدیق) تسمیہ بیوراش و عندہ قریش مذکور
قصہ شریفہنی تکذیب ایلدکارندن جناب رب لایزال اول اصدق
القائلین افندمرنی برای تصدیق وایحال « سبحان الذی اسری
بصدہ لیلان من المسجد الحرام الی المسجد الاقصی الذی بارکنا حوالہ
لغیہ من آیاتانہ ہوا المسموع العظیم » آیت کریمہ سنی انزال بیورمشدر
مسجد حرامدن مسجد اقصایہ شرفواقع اولان اسری اشبو آیت
کریمہ ایلہ ثابت اولدیننی اجلدن بونی انکار ایدن کافر اولور .

✽ بحجت ہجرت النبی صلی اللہ علیہ وسلم ✽

(شاگرد)

خورشید جہانگیر رسالت و آفتاب عالم ارای سعادت علیہ افضل
الصلوات والتخیات افندمرنی حضرتلرینک مدینہ منورہ بہ پرتو انداز
ہجرت بیورملرینہ سبب نذر .

(استاذ)

اول زبده کائنات و خلاصه موجودات علیہ الصلوات والتسلیمات
افندمرنی حضرتلرینک موسم حج شریفہ زیارت کعبہ علیہا ایچون
اورایہ کنلری عرض جمال باکمالہ دین اسلامہ دعوت بیورمق
معتادلری اولدیفندن نبوت ورسالت سنیلرینک اون اوچنچی سال
میان قالندہ مدینہ منورہ نیک اشرافندن رجال ونسواندن مکہ
مکرمہ علیہ کلان بیت الہی زیارت ایدن ذوات رجالدن یتیم
ونسادن ایکی ذات مستجاب الدعوات بیرامک ایکنچی کیچہ سندہ
حضرت پیغمبر آخرالزمانک حضورلرینہ رخسودہ بیعت اولدقلری
واهل اسلامک مدینہ منورہ اہالیسیلہ ربط جبل المتین الفت
ومناسبت ایلدکلرینی قریش قبیلہ خذلہ سی خبر الدقلرینہ و بو
صورتلہ دائرہ اسلامیت توسیع ایدہ جکنی اکلا دقلرینہ مبنی انواع
ظلم و تعذباتک انبان تشدیدینہ جسارت ایلدیلر بونلرک شر و شورلرندن
صحابہ کرام حضراتی راحت ایدہ میہ نجکلرینی درک وایقان

(ایلدکارندن)

ایلد کلرندن اول « نور مجسم صلی الله علیه وسلم » افندمز دن
 شرفصادر اولان مساعده ورخصت اوزرینه مدت قلیله
 ظرفنده (ابوبکر الصدیق ایله علی المرتضی رضی الله عنهما)
 افندیلمز دن غیر کافه سی مدینه منوره هجرت بیوردیلر ایدی
 قریشک رؤسای اشقیاسندن (ابو جهل و ابولهب) و سائر بر طاق
 بی ادب دائم مشورت ایتمکده اولد قلیری (دارالندوه) نام موقعده
 بالاجتماع « حبیب اکرم صلی الله تعالی علیه وسلم » افندمز ک
 بتون عالمه ضیا ورن والان پرتوافشان جهان اولان نور وجودلرینک
 وفانوس نبوتلرینک اطفاسنه قرار و یرد کلری کجه (والله متم
 نوره) مضمو نجه صاحب شریعت افندمز خوابکاهلرند یاتیموب
 فرداسی کونی مدینه منوره هجرته ابتدار و مسارعت بیورلمسی
 فرمان خدای تعالی ایله حضرت « جبرائیل » علیه السلام
 اخطار بیور مسیله اول شب « اسد الله الغالب علی بن ابی طالب
 کرم الله وجهه » برده سعادتلرینه صار یله رق یاند قلیری
 و بیورلده فدای جسم و جان بیورمسی جهته حضرت « جبرائیل »
 و « میکائیل » علیهما السلام انی محافظه بیورد قلیری حالد صاحب
 شریعت افندمز خانه سعادتلرینک بابی کشاده و کندولری بیرونده
 استاده اولوب و رای تحری اورایه کلان اعدائک باشلرینه رواج
 طیراق صاحب کوزلری کورمیه رک اعدا خانه سعادتلرینه داخل
 اولوب مبارک بتاقلرنده اول شیر خدا منظور چشم نابنای اعدا اولنجه
 واقع اولان سؤاللرینه حضرت حیدر کرار « سز بنی حضرت
 پیغمبرک محافظه سنه موکل ایندی بکمز حالد نیچون بدن سؤال
 ایدرسکمز » جوابک اعطاسنه ابتدار ایتمسی اوزرینه انلرک کافه سی
 اورادن چکیلوب و اطراف و اکثافه آدملر کوندروب تحری ایتمکه
 قیام و اهتمام ایلدیلر اول (سید الثقلین و امام القبلتین) صلی الله علیه
 وسلم افندمز حضرت (ابوبکر) الصدیق رضی الله عنه افندمز له برابر
 جبل (ثور) ده واقع (غار) شریفه داخل اولد قلیری انده بر خار

مغیلا نك اوزانوب اطراف غاری احاطه ایلدیکنی متعاقب دیدوز سنه
 اقدم حضرت « ابراهیم علیه السلام » افندمز به بیت شریفك
 طوفانده غائب اولان محلی لعابله بر دأره چوروب کوستردیکندن
 اولزمان پرده دار رسول جناب کردکار اوله جنی موعود اولسمله
 اوراده مترقب بولنان عنکبوت غار شریفك قبوسنی کوزجه نسج
 واخفا ایدر وایکی دانه کو کرچین دخی اشیکنده برلانه یاپوب
 ویمورطه چیقاروب اوزرینه اوتورر اوارالق لشکر بد اختر اعدا غار
 مذکوره تقرب ایلدیکندن طیشا روده ظاهر اولان صدا غارده
 رفیق « ابوبکر الصدیق » رضی الله عنه افندمزك سمع عالیبرنه واصل
 اولدینی جهته زیاده سیمه محزون اولدینی اول سلطان دین مین
 کورمسیمه (لا تحزن ان الله معنا) یعنی « محزون اوله تحقیقا الله
 بزمه برادر » مضمون شریفله دران تسلیت بخش سلامت وامن
 اولورلی اول قوم پرلوم قریش درون غارده کسنه نك اولدینی
 کور دکاری علامتدن وبرجلدن استماع ایلدکاری « بوراده کیمسه
 یوقدر دیگر غارکرده تحری ایدیکز » یولو صوتدن حس وادراک
 ایدرک اورادن رجعت ایدرلر بعده اوج کون غار مذکورده ارام
 واقامت پیوروب دردنجی کونی حضرت (صدیق) اکبرك سفر
 ایچون بالمباغه مکة مکرمه ده ترک ایدرک دردنجی کونی ذکر اولنان
 غار شریفك اوکنه کتورملرینی تنبیه پیورمش اولدقلری ایکی رأس
 دوی (عامر بن فھر و عبدالله بن اریقظ دوئی) اورایه کتوروب
 انلره سوار و قطع منازل وطی مراحل ایلدیرك (فجعه) نام موقعه
 شرف افزای مواصلت وقرار اولدیلر اوراده « خواجه عالم صلی الله
 علیه وسلم » افندمزك خاطر عاطر سعادتلرینه محبت وطن خطور
 ایدوب بر اه دلسوز ظهور ایتسیمله درحال اول پیک جناب رب الانام
 (جبرائیل) علیه السلام بعد تبلیغ السلام « ان الذی فرض علیک
 القرآن لادک الی معاد » آیت کریمه سنی کتوروب مکة مکرمه نك قیچی
 تبشیر و مبارک خاطر رسالتناهیملرینی تسریر و بکام پیوردی اوراندخی

قیام و حرکت و مدینه منوره نك جوارینه وصلت بیوردقلربی برای
استقبال عبون تحسیر و اشتیاقه منتظر بولنان كافه مهاجرین و انصار
ایله برار درون مدینه منوره به داخل واولا (ابا ایوب الانصاری)
رضی عنه الباری افندمرنك خانه سنه شرف افزای نازل و هرکس
حضور انورلربنه رخسوده شرفنه نازل اولورلر و متعاقباً « علی
المرتضی » رضی الله عنه افندمرنك دخی مدینه منوره به هجرت بیوررلر
و مؤخر (زید بن حارث و ابو رافع) رضی الله عنهما مکه مکرمه به
کوندر یلوب اوراده بولنان افندمرنك کریمه محترمه لری (فاطمه
الزها و ام کلثوم) رضی الله عنهما ایله ازواج مطهره لربی دخی
جلب و احضار واول « امام القبلتین صلی الله علیه وسلم » افندمرنك
یدی ماه قدر ذکر اولنان خانه حضرت خالده قرار بیوروب بعده
انشا بیورمش اولدقلری مسجد النبی اتصاننده خانه سعادتلربنه
نقل مر حله نبوت و استراحت و اورا دن نشر انواز مهر رسالت
و توسیع دائره اسلامیت و مکه مکرمه نك قحی اسبابك استحصانه
مبادرت بیورمشلردر .

﴿ بحث قح مکه مکرمه شرفها لله الی یوم القیامه ﴾

(شاگرد)

مکه مکرمه شرفها لله الی یوم القیامه نك قحی نوجهله میسر
اولشدر .

(استاذ)

هجرت سنیه نك التجی سنه سی فی القعه سنه « اشرف كافه بنی آدم
و رحمت جله عالم صلی الله علیه وسلم » بر کیمه عالم منامده بیت الله
الحرامه داخل اولوب مفتاحنی اخذ ابدرك طواف کعبه شریفه
ایله وقفه عرفاتی ادا بیورمش اولدقلربی اصحاب کرامه نقل ایله
بومقصوده وصول بوسنه مبارکده میسر اولق و دشمن ایله محاربه
اولیوب یانکر زیارت ایتك قصد و نیت سنه سیله بر قلیج قوشاش
اولدقلری حالده مهاجرین و انصار دن یک دریوز قدر ذوات

کرام ایلله مدینه منوره دن توجیه قافله حرکت وائشای راهده
 (عسفان) نام محله شرف افزای نزول ومواصلت بیورلدقه
 بر قاج کون اقدم احوال وحرکات قریشی اوکرنک اوزره کوندرمش
 اولان « بشر بن سفیان » اورایه عودت ایدرک طائفه باغیه قریشک
 مدینه منوره دن حرکت وقیام حضرت خیر الانامی خبر الماری
 اوزرینه عسکر اسلامی مکه مکرمه اداخل ایتمک ایچون برچوق
 لشکر « طوی » نام موقعه کوندرمش اولدقلرینی عرض وافاده ایتمسه
 وبوسنه زیارت کعبه مکرمه به محاسنت ایده جکاری اکلا شلمسه
 مبنی مکه مکرمه به طقوز میل قدر بغداد مسافه سی بولتان « حدیبیه »
 نام موضعهک نهایشده واقع برقیو کنارنده نصب خیام ارام
 بیورلشیدی بوسنه محضا زیارت ایچون اورایه کلنه جکنی طائفه
 قریشه بیلدرمک اوزره مکه مکرمه به ارسال بیوریلان حضرت
 « عثمان » رضی الله عنه اقدمز عودت بیورمدیقندن ومؤخر رخست
 الوب اورایه کیدن مهاجرین وانصاردن اون نفر دخی اوراده
 قالدیقندن وبونلرک قتل واعدام اولدقلرینه دایر برشایعه ظهور
 ایلدیکندن همان « رسول اکرم ونبی محترم صلی الله علیه وسلم »
 ظهر سعادت مقرلرینی براغاجه وبروب کفار ایلله صدق وشجاعت
 وقطعا دشمندن فرار وهی اجمعت ایتمه رک ثبات ومثانت اوزره جنکه
 مبادرت اولمسه دایر بیعت اجرا بیوردیلر وبوکا « بیعت الرضوان »
 دیدیلر (لقد رضی الله عن المؤمنین اذ بایعونک تحت الشجرة)
 آیت کریمه سی بومعنائی ایما وایشارت ایدر وحضرت « عثمان »
 رضی الله عنه بوراده بولمقدقلرندن اول حضرت مبارک صول الله
 اشارتله « بوعثمان البدر » بیوروب ومبارک صاغ الی اوستنه قویوب
 انی دخی شرف وفضیلت بیعتدن محروم بیورمدیلر اشبو یعنی قریش
 قبیله فساد سی استماع ایلدکلری الله قلیلرینه زیاده سیله خوف
 وخشیت دوشلر بیکندن انندای مصالحه ضمنده کوندرمش
 اولدقلری (سهل بن عمرو) حضور حکمت موفور حضرت پیغمبره

کلوب اقدیمجه عسکر نصرت اثر اسلامی کوزتمک اوزره قریش
 جانبندن کوندریلان الی کیمسه دن اسیر اوله رق مقید زنجیر اسارت
 اولان الی کیمسه بی طلب ایتمسینه اول سپهسالار انبیا « حضرت عثمان
 اون نفر ایله برابر بورایه کلد کجه بونلرک اطلاق حیز امکانه دکلدر »
 یوللو اراده وفرمان بیورمسی اوزرینه در حال بر کیمسه مکّه مکرمه یه
 ارسال وقبيله قریشه بیان حال اولندقدّه حضرت « عثمان » اون
 نفر ایله مجلس ملائک انیس حضرتّه وارد و داخل اولدقاری انده
 سهلاک استمداء ایلدیکی الی کیمسه دخی اطلاق بیورلدی اوراده
 (سهل بن عمرو) ایله بوسندلک جنود موحیدین مکّه مکرمه یه
 دخولدن صرف نظرله کله جک سنه اصحاب کرام استدکری کبی
 کلوب کتلیرچون اوچ کون مکّه مکرمه یی تخلیه ایده جکارینه واون سنه
 علی الدوام محاربه اولنمسنه وایکی طرفک زیر جایه زنده بولنان
 قبيله نجساروزی حرکتده بولنمالمیرینه دائر وشروط سائر یه متدائر
 صورت مصالحه قرارشدیریلوب عهدنامه لر یازلش واورادن کمال
 حزن والم ایله مدینه منوره یه متوجه حرکت وعودت اثناسنده
 (کراع الفهیم) نام عجلده سوره جلیله فتح مکّه شرفنازل اولمسیله
 انواع محزونیت متبدل مسروریت و بشارت اوله رق مدینه منوره یه
 حل راحله عودت بیورلشیدی بعده مدینه منوره ایله شام شریف
 اره سنده واقع قلاع وحصاری حاوی وجامع بر بیوک ولایتدن
 و سکنه سی یهود طائفه سندن عبارت اولان (خیبر) نام بلده
 عظیمه یی فتح و تسخیر بیوردقدنصکره مکّه مکرمه ده زیر جناب
 رسالتیناهیلرنده بولنان (خزاعه) قبيله مطیع سنه قریش جایه سنده
 بولنان (بنی بکر) قبيله سی طرفندن مداخله وقریش جانبندن دخی
 خفیا اعانه وامداد اولنه رق وقوع بولان مقاله ده (خزاعه) قبيله
 سندن خلاق مشاهده و مغایر مقاوله اوله رق بر قاج کیمسه قتل
 واعدام اولنمشیدی وقوعات مزبور دن اوچ کون صکره « امام
 القبلین ورسول الثقلین صلی الله علیه وسلم » صباح نمازینی بعدالاداء

مسجد شریفه مشغول دعا ایکن در حال (عمرو بن سالم خزاعی)
 قرق قدر آدم ایله کریان ونالان اولدقلری حالده حضور حضرت
 پیغمبره رومال اولوب مکهدده بنی بکر خذله سیله قریش غدارلرندن
 کوردکاری ظلم وغدری برقصیده بلیغه ایله عرض وافاده ایتملریله
 عهد قریبه اخذ انتقام بیوره جقلربی ایما و اشارت ودل مجروحلرینه
 مرمهم تسلیمت عنایت بیوردیلر بویایده نقض معاهده ویمان
 ایلدکلرندن قبیله قریش زیاده خوف واندیشهیه دوشدکلرندن
 بورالربی قطعاً قاله المیدرق ایچکلرندن (ابو سفیان) همان مکهد
 مکرمه دن ناقه سوار حرکت ومدینه منوره ده کریمه مکرمه لری
 وصاحب شریعت افندمک زوجه مطهره لری « ام حبیبه »
 رضی الله عنهانک خانه سعادتلرینه مواصلت ایدوب اوراده « مفخر
 عالم صلی الله علیه وسلم » ک فراش سعادتلرینه اوطورمق اوزره میل
 ونیت ایتمسילה در عقب فراش سعادت اولدیغی یردن قالدیرلقدده
 ابوسفیان (قرم بنی بتاقدنمی بتاغی بندنمی صاقدنک) دیو استفسار
 ایتمسילה « ام حبیبه » رضی الله عنها بو اوطورمق استدکک فراش
 « اشرف مخلوقات وسید کائنات علیه افضل الصلوات افندمک
 فراشیدر سن شمعدی مشرک اولدیغکلر فراشی سندن صاقدنم »
 جواب صوابی اعطا بیورمسی اوزرینه ابوسفیان (بزدن مفارقت
 ایده لیدنبرو تبدیل اخلاق ایتمش وغایت بد زبان اولمشسن) دیسمسילה
 « ام حبیبه » رضی الله عنها (بویه دکلدر بلکه اول هادی مضلین
 هدا یته شرفیاب ایمان اولدم سن حالا مصنوع بشر وغیر واقف
 خیر وشر اولان طاش و اجاج پارجه لرینه طپار طوررسن) بیورمسילה
 ابوسفیان (یا ام حبیبه یابام ودهم دیننی فصل ترک ایده یلورم)
 دیهرک کمال غضب وحسدت ایله اورادن چیقوب اول حضرت
 فخر الانبیا علیه اکمل التحایا افندمک حضور سعادت موفورلرینه
 واردقدده واندن سبب ورودینی سؤال بیوردقلرنده (ابوسفیان
 حدیبیه مصالحه سنده بولمیدیفندن ومدت مصالحه پک از تعین اولمش

اولد یفتدن اول معاهده بی تجدید و راز دها تمدیده کلدیم (دیمسیله
اول حضرت « خیر بونده بشقه برشی اولبدیر بورایه کلکزه سبب
یالکز ضلح ماده سی دکادر » بیورملری اوزرینه ابوسفیان حضرتک
کیفیات واقعه دن خبردار اولدقلرینی اذنان ایتسیله اورادن
قالقوب و چهار یار کرین رضوان الله علیهم اجمعین حضراتک
خانلرینی برر برر طولاشوب ینه حضرت « علی » کرم الله وجهه
افندمزک حضورلرینه کلوب (یا ابالحسن بکا امانک الله برهکان
تعین و افراز ومدت مصالحه نک تمید بی نیاز ایله) دیورجا ایلد کده
اول امام علی « یا اباسفیان بواشک وقت وزمانی یکدی شمدی
واروب مجمع اصحابه یامعشر الناس ایکی طرف رجالی کهف امانه
الدم دیو اعلان ایتلسین » بیور مسیله ابوسفیان کمال حیرتندن
مسجد سعادت و واروب بلند آواز ایله (یا ایها الناس ایکی طرف
آدملرینی دخی جوار و امام الله الدم) دیو فریاد ایلد کدنصکره همان
مکه مکرمه جانبته متوجه حرکت ایتش و کافه اصحاب بونک حالته
کولشلا ایدی « فخر الغزاة علیه افضل الصلوات » افندمز هجرت
سنیه لرینک سکرنجی سنه سی شهر رمضان شریفک اون سکرنجی
کونی قتح مکه مکرمه نیت سنیه سیله مدینه منوره دن اون بیک
قدر مسکر ظفر پیکر ایله تحریک اوای نصرت و مکه مکرمه قریب
(مرالظهران) نام محله نصب خیم و صلات بیوردیلر ابوسفیان
(حجه) نام منزله ساکن غم بزرگوار خیر الناس حضرت
« عباس » رضی الله عنه افندمز یلواروب برابر اردوی همایوندن
بکر و حضور حضرت پیغمبره کیدر ایکن حضرت « عمر الفاروق »
رضی الله عنه درحال انک اوراده قتل و اعدامنه رخصت المی اوزره
سیفنی چقاروب ویرندن صحرا یوب طرف ذی شرف حضرت
پیغمبره « صلی الله علیه وسلم » کیمکه سرعت ایدر ایسه ده انلر راز
اولجه وارد قلنده اراده حکمت عاده سنیه ایله اول شب عودت
ایدوب فرداسی کونی کلدکلرنده اول « پیغمبر ذیشان و نبی انس

و جان صلی الله علیه وسلم « در افشان کلام اولوب « یا اباسفیان
 الهی توحید و پیغمبری تصدیق ایتک زمانک دها کلدیمی » سؤال
 لطف اشتهالی ایراد بیورد قدّه ابوسفیان (بلی بیلورم انام بابام سکا
 فدا اولسون صحرا ده قوملردن زیاده اذا وجفا ایتش ایکن بویله بر
 فرصت زماننده بومثلاو محامله رفیقده اطفیه اجرا بیورر سکن)
 دیدکده ویر طاقم صدرینه شفا و بر میه جک صورته سوزلر سوبلکه
 دوام ایتدکده حضرت « عباس » رضی الله عنه بونک یانه یناشوب
 (یا اباسفیان سوزی بوقدر اوزاتمده حضرت عمر رضی الله عنه سنی
 اعدام ایتک ایچون قلیجی الله نتیجه کلامه منتظر در تیر کله
 شهادت کتور) بیورمسیله ابوسفیان وبعده حکیم بن حزام ویدیل
 ابن ورفا شرف اسلام ایله مشرف اولدیلر بعده شرفصا در
 اولان اراده جناب نبوتیناهیلری اوزرینه حضرت « زبیر »
 رضی الله عنه مهاجرین کرام و سائر عسکر اسلام و حضرت (خالد
 ابن ولید) رضی الله عنه دخی کذلک بر فرقه جلیله عساکر اهل ایمان
 ایله مجرد مکه مکرمه نکر درونندن مرور ایتک اوزره کیدر ایکن
 کبرای قریشدن (عکر مه بن ابوجهل) برالای اشقیبا ایله عساکر
 منصوره محمدیه قارشولرینه حقیقوب اوقی ائممه متجاسر اولملرینه
 مبنی بالضروره آوراده بر محاربه وقوعیله انلردن یکر می سکر آدم عازم
 دیار عدم اولوب اهل اسلامدن یالکز ایکی ذات سعادت سمات حائر
 رتبه شهادت اولمسیله « اول سید الوری و فاتح ام القری صلی الله
 تعالی علیه وسلم » افندمز سوزه جلیله قمتی قرائت بیوردقلری
 و صحابه کرام و کافه عسکر اسلام اطراف و جوار سعادت لرنده تکبیر
 خوان اولدقلری حالده بر هیئت عظیمه ایله مکه مکرمه دا خل
 و بویله سهولته کعبه مقصود لرینه واصل اولدیار و دران بیت
 شریفک مفتاحنی (سلافه بنت اسوددن) بالاخذ قیوسنی اچوب
 واولا (عمر و عثمان بن طلحه رضی الله) عنهما ایچری کیروب
 صورتلری ازاله و امحا و ایکی رکعت نمازی ادا بیوردقدن صکره

« علیه الصلاة والسلام » افندمن قیونک اشیکنده قائم اوله رق
 ذکر اولنان مفتاحی من بوره نک مخدوم مکرمی (عثمان بن طلحه به)
 اعطا واحسان بیور مسیله (ان الله یأمرکم ان تؤدوا الامانات
 الی اهلها) آیت جلیله سی بونک حقنده شرفنازل اولمشدر وحضرت
 « عثمان » صلی الله علیه وسلم افندمنک ملازمت سنیه لرینی اختیار
 ایلدیکندن مفتاحی برادر (شیه رضی الله عنه) آلوب الآن انلرده در
 « سید سادات و مفتخر کائنات علیه اکمل الصلوات » عظمای مکة
 وصنادید قریشک جرایم و قباحنی عفو بیوروب و او یله اذاننی کعبه
 اوزرنده حضرت (بلال حبشی رضی الله عنه) اوقویوب بعده
 بیت معظمک سقف شریفی کورینه جک درجه جبهه صعودله
 دعادن صکره اوطوردقلری وحضرت (عمر رضی الله عنه) بولندقلری
 حالده قبیلہ قریشک کبارلری ومؤخر نسالری بربرر کلوب بیعت
 امرینی اجرا ایلدکن صکره « صلی الله تعالی علیه وسلم » امهانی
 خانه سنی تشریف بیوردیلر بعده اورادن (حنین و طائف)
 غزالینه زفع علم سطوت و تحریک رأیت نصرت ایله اورالده
 سل سیوف سنان و نیجه بیک کفاری و برج و حصاری خا کله بکسان
 و قلاع و بارولرینی بر باد و پریشان و نیجه بیک کیمسه نری اذ خال
 داره عظیمه ایمان و اندن (جعرانه) نام موضعی تشریف
 واوراده مال غنایمی تقسیم ایدرک کافه مجاهدینی تلطیف
 وبعده احرامی اکنتسا و مکه مکرمه ده مناسک حجی بعدالادا
 مکه مکرمه نک زمام اداره سنی (عتاب بن اسیده) و قرآن عظیم
 وقواعد دین کریمی و شریعت غرانک امر تعلیم و تنفیذینی (معاذ بن
 جبل و ابو موسی الاشعری رضی الله عنهم) حضراتنه تفویض واحاله
 واندن مدینه منوره به عودت بیورمش اولدقلری و بو قدر احوال
 اوج ماضی فندی و قوصولدنغی کتب سیرده مسطور و بورماله
 مختصرده کافه و تالیع واحوالک ذره مقدارینی مذکوردر تفصیلاً
 اکتساب و قوف کتب من بوره به مر اجعت ایتمکه وابسته و موقوفدر

قرآن عظیم البرهان اول « نبی آخر الزمان و پیغمبر انس و جان
صلی الله تعالی علیه وسلم حضرت تلمیذ » نازل و مبارک سن سعادت لری
التمش اوج راده سنه واصل اولوب عزم گلستان بقا بیورمش و الا آن
روضه مطهره زنده حیات معنوی ایله حی اولدقلری حالدہ سربرارای
حرم خرم و پرتو افزای مقام محترم و زیارتگاه ائم اولمشدر .
« اللهم صلی علی سیدنا محمد النبی الامی و علی آله و صحبه وسلم »
﴿ بحث شرف نزول آیات کریمه ﴾

(شاکرد)

قرآن کریم نیچون نازل اولمشدر .

(استاذ)

انفا بیان اولدینگی وجهله دروننده مندرج بولنان امر ل و حکملر ایلله
عمل اولنقی و هر بر مواد و مصالحه متعلق آیات کریمه موجوده
اولدینگی اجلدن هر بر امور و خصوصاتک ترک و تسویه و ایفا
اولمنسندہ اورایه مراجعت ایتک و حقوق عباد اول کتاب مینک
ناطق اولدینگی وجهله محافظه ایتک ایچون نازل اولوب فقط
آداب و رعایتله تلاوت ایتکده درجه سزاجر و ثواب موعوددر
و استماع ایتک دخی فرض کفایه در حتی از بر ایدنلر حققرنده
« اشراف امتی حله القرآن » یعنی (امتک اشرف و افضل قرآنی
از بر ایدنلر در) حدیث شریفی وارد اولمشدر .

(حدیث شریف)

۹

(شاکرد)

قرآن عظیمک آیت کریمه لری نه مقدار در .

(استاذ)

قرآن کریمک آیات شریفه سی الی یک الیوز التمش الی آیتدر
و بونلرک ایچنده امره و نهیه و قصص و حکایه و دعایه متعلق آیتلر
تصریح و بیان بیورلش و بو قرآن عظیمه علم الهی و علم سیاده
و علم اماره و علم اخلاق و علم حلال و حرام و علم تصوف و علم باطن
و علم طب و علم تواریخ و علوم سائره موجود و مندرج بولمشدر که
بومجزه باهره ایلله فصحاء و بلغاء عرب عاجز قالمشدر .

(شاکرد)

(شا کرد)

معجزه نه دیمکدر .

(استاذ)

معجزه دعوای نبوته مقرون اولدینی حالدہ خیر وسعادتی داعی
خارق العادہ اولہرق رسول اللہ طرفند ن صادر اولان بر امر در
مثلا موسیٰ علیہ السلام عصا سیلہ زمانندہ کی سحرہ نک افعال رینی
ابطال وعیسیٰ علیہ السلام احیای اموات ایلہ عصر ندہ کی اطباء
حاذقہ یی عاجز ایسی کبی کذلک قرآن ایلہ کلام فصحا عاجز
اولمشدر .

(شا کرد)

سورہ جلیلہ قرآنیہ بر دغی یا خود آیری ایریمی نازل اولدی .

(استاذ)

خیر ایجاب واقضای ابتدیکہ ولزوم حقیقیسی کورندیکہ آیت آیت
نازل اولمشدر حتی مکہ مکرمہ دن مدینہ منورہ یہ وقوعبولان
ہجرت النبی «صلی اللہ علیہ وسلم» اثناسندہ قبیلہ طاعیہ قریشک
«یا محمد سنک ربک بزم اصنام و اوٹان کبی التون وکوشدن معمول
و مصنوعیدر» سؤالری اوزرینہ (قل هو اللہ احد) سورہ
شریفہ اخلاص شرفنازل اولوب انکلہ جواب صواب اعطا
بیورلدینی کبی سائر سور و آیات قرآنیہ دغی برر وسیلہ وسبب ایلہ
انزال بیورلمشدر .

(شا کرد)

اشبو قرآن کریمی کیم کتوردی .

(استاذ)

سور شریفہ قرآنیہ نک کافہ سنی اوامر و احکام الہیہ نک پیغمبران
عظام و رسل کرامہ تبلیغ و ایصال یتکہ مأمور اولان والی یتک
التیوز الشمس الی قتادی اولوب بر قتادی شرقہ و بر قتادی غربہ
ومبارک ایاقلمی یردہ اولدینی حالدہ مبارک باشی آسمانہ واصل اولور

درجه ده جسیم وغایت قوتلی بولنان حضرت « جبرائیل »
 علیه السلام کتورمشدر وبوکا بمائل اوچ ملائکه عظام دها
 واردر که بری ارزاق مخلوقات تقسیم وتوزیعنه ویغهور وقارلک
 امطار وازائنه مؤکل حضرت « میکائیل » علیه السلامدر ودیگری
 بوم قیامتده نفخ صور ایتکه مأمور والآن امر الیهیک صدورینه
 منتظر بولنان حضرت « اسرافیل » علیه السلامدر وبربدخی
 کافه ارواح بنی آدمک قبض اولمسنه مؤکل ومأمور حضرت
 « عزرائیل » علیه السلامدر بولنردن غیری ملائکه مقرین
 دها واردر هر بری برز خدمته مأموردر .

(شاکرد)

سوره جلیلہ قرآنیہ دن ابتدا قنغی سوره وایت نازل اولدی .

(استاذ)

ابتدا سوره کریمه علق یعنی (اقرأ باسم ربك الذی خلق خلق
 الانسان من علق) نظم جلیلی مکّه مکرمه ده واقع (جبل حرا) نام
 موقع مبارکده نازل اولدیغی مثلوسائر سوراطیفه قرآنیہ نک کیکی
 مکّه مکرمه ده وکیکی مدینه منوره ده نازل اولوب جله سی یگرمی
 اوچ ییلده تمام اولمشدر .

(شاکرد)

بو آیات کریمه ایچنده الک صکره نازل اولان آیت قنغیسیدر .

(استاذ)

آیات کریمه قرآنیہ ایچنده (الیوم اکملت لکم دینکم واتممت علیکم
 نعمتی ورضیت لکم الاسلام دینا) آیت کریمه سندن صکره حلال
 وحرامه وسائر فرائض واحکامه متعلق آیت نازل اولوب بوند نصکره
 (واتقوا یوما ترجعون فیہ الی الله) نظم جلیلی نزول ایدوب
 یگرمی برکوندن صکره « سید کائنات علیه افضل الصلوات »
 اقدمن ظاهرا ترک جامه حیات وشرف افزای جنات عالیات
 بیورمشدر .

(شاکرد)

(شاکر)

سوره (ضحی) دن آشاعیده کی سوره لک آخر لنده تکبیر المنسک
سپی ندر .

(استاذ)

ابی ابن کعبدن نقلا ابن عباس رضی الله عنهم روایت ایدر که بعض
اسباب معنویه حکمیه دن طولابی بر قاج کون وحیک انقطاعنده یعنی
قرآنک نازل اولماسنده کفره قریشک « محمدی ربیسی ترک ایتدی »
مثلاو کفت و کولرینه « رسول اکرم صلی الله تعالی علیه وسلم »
افندمزک مبارک قلب سعادتلرینک محزون اولسنی منعاقبا سوره
(ضحی) شرفنازل اولسبله حصوله کلان مسروریتلرندن تکبیر
ایدرک بوسوره نک ونهایتنه قدر دیگر سوره لک ختام تلاوتلری
عقینده تکبیر ایدلسی امر و فرمان بیورلمشدر .

(شاکرد)

فخر عالم « صلی الله تعالی علیه وسلم » حضرتلرینه « جبرائیل »
علیه السلام قاج کره نازل اولدی .

(استاذ)

اول سید الانبیا علیه ازبی التحایا افندمز « جبرائیل » علیه السلام
یکرمی درت بیک دفعه و آدم علیه السلامه اون ایکی دفعه و ادريس
علیه السلامه درت ونوح علیه السلامه الی و ابراهیم علیه السلامه
فرق ابکی دفعه و موسی علیه السلامه در تیوز و عیسی علیه السلامه
اون کره نازل اولمشدر .

(شا کرد)

بومثلاو متفرق نزول ایدن قرآن عظیمی کیم جمع و ترتیب ایلدی .

(استاذ)

حضرت (عثمان بن عفان رضی الله) اوح محفوظده کورمش
اولدقلری ترتیب اوزره جمع و ترتیب بیورمشدر ایشته یورایه قدر
بیان اولنان انبای عظامه و نازل اولان کتب و صحایفه و ملائکه کرامه

(ایتاعلی)

اینانملی و کافه سنی حق و کرچک بیلیدر و بویله بیلک دخی نه درجه
بیوک لطف و نعمت اولدیفنی اکلاملیدر .

✽ مجت شکر نعم رب غفور ✽

(شاگرد)

جناب پروردگارک نعمتی چوقدر لکن برنجی نعمتی ندر .

(استاذ)

فی الواقع اول جناب رب کریمک نعمتلری صایلور و پیلنورشی دکلدر
حتی اشیای موجوده و اکوان مشهوده بی انسانک تعیش و راحتینون
یراتمشدر کورمبور و ادراک ایتیمور منسکز اوزرلینه پینوب جنک
وجداله و سائر اوزاق محاله کیمک و یوک یوکیمک و دیگر صورته
خدمت کوردیرتمک ایچون آت و یغال و مهر کبلری وات و سود و یاغ
و قایق و بوغردلرینی اکل ایتک و تارلا و باغلری سورمک و خرمتلری
دوکک و پوستلرینی کیمک و توپلرینی قوللائقی ایچون دوه و صغر
وقیون و کچیلری و اوستانده سیر و حرکت و سواحل بعیده دن جلب
ذخایر و جر منفعت ایلک ایچون دکلرلی خلق بیوروب
بوینجه حیوانات و جمادات و اجرام سفلیات ابنای بشره مسخر
و مطیع اولوب روز و شب ایفای حسن خدمت ایتکده درل مثلا
(کونش) طلوع و غروب ایتدیکه کونلری و زمانلری بیلیدر
و هر برمه زواعت و محصولات کالنه ایر کورر و میوله لذت و حلاوت
و بر (قر) آیلری و سنه لری کوستر و کوندوز کونشک و بریدی
یپوسته کچیلری رطوبت و عالمه نور و بر (یلدزل) برده و بحرده
سیر و سفر ایدنلره یاردم ایدر و یول کوستر (روزگار) رطوبتلی
اولان شیلری چورومکدن و ضایع اولمقدن صاقلر و ضرری قوقولری
کوتورر و کوزل هوایی کتورر و در یاده کیلری یوریدر و قره ده
دکرمئلری چوریر (بلوط) ایچنده یغمور طوپلنور یر یوزینه یغار
یرده صولر چوغایر و صولر انسانه و حیوانه و نباته حیات و برکات
و برر اشبو بلوط عادتاً سوت نیشه مقامنده در یر بشکنده کال حرارت

واجلقدن اغلايه اغلايه اغزلى چاتليان وطوداقلرى ياريلان نباتات
وحيوانات جوجقلرىنى بىلر وبونلرك بعضىنى انسان اكل ايدر
وجود بىلنور اركلرك ارقىلرنده وعورتلرك كوكىلرنده نطقه
يعنى منى حاصل اولوب ايكنى منى رحم مادرده بر اشور برقچ ماه
ظرفنده بر جوجق طوغار بيودىكه اوقور وبازار وانواع معارف وهنر
تحصيل ايدر ايسه بيوك رتبه لره نائل اولور وجهيت بشريه ايچنده
قدر وحيثيت بولور زيرا رتبه لك اعلا وبلاسى علم ومعارفدر
بر انسانيه علم وعمل موجود اولديغى حالده ايكنى جهانده عزيز ومحترم
اولوب بازار عالمده بوسرمايه علم كندوسنه كفايت ايدر وداعا اباس
فضل وشرافتله مزين ومحملى كدر بونلرك كافه سى الطاف ونعم
الهيه دندر لكن برنجى نعمتى كندى وارلفنى وبرايكنى بيلدرمىسيدر .

(شاگرد)

الله تعالينك بونعمتلىنه قارشو قوله نه بايق لازمدر .

(استاذ)

بوراسى جاي اشتباه دكلدر وسزه سرد وبيان ايديله جك قياس
ودليل وانواع برهان وتثليل چوقدر زيرا پدريكز سزه برشى بخش
واحسان ايلديكى حالده اكا قارشو تشكر ايتك ارزوسيله درعقب
كيدر پدريكرك دست كرم پيوستنى وياخود دامن پرميامينى اوپر
وخاك شكر وسپاسنه روى مسرتى سوررسكن وحقوق پدر بيوكدر
اعتقاديله دائما حقنده رعایت وحرمت ايدوب حقوقى محافظه
وشجیل ورضاسنى تحصيل ايتك وهريار تعظيمنده بولنق استرسكن
ايشته حقك نعمتلىنه قارشو اگرچه ممكن دكل ايسده مهماممكن
تشكرده بولنق عبوديت اقتضاسندندر .

(شاگرد)

شكر ايتكله كندوسنه نه فائده واردر وبوشكره محتاجيدر .

(استاذ)

يوق يوق جوجقلق ايتكه وبو درجه ايلرى كيمه بيلزو كورمز ميسكن
مقام تشكرده پدريكرك دستنى ويا دامننى اويديكرك زمان كندوسنه

ذره قدر فائده و برمز و جو تشکره کند و سنک قدر و اعتباری قطعا
 نباید ایتم بلکه سزه بخش و اعطا ایلش اولدینی شینک مقابله سنده
 تشکر ایدر و روی رضا کو ستر ایه کز بو معامله و حرکت کز دن
 پدربکر بمنون اولدیغیزی اکلارده مقدا احسان ایلدیکی شیدن
 دهاییوک برشینک و برلسنی تصور ایدر و در حال و برر بوباید
 اولنان تشکر دن ترتب ایدن فائده و عدم شکرانیتدن حصوله کلان
 ضررینه سزه عائد و راجعدر بو تشکره پدربکرک اصلا احتیاجی
 بو قدر بوکاینه سز محتاج سکر ایشه اول منم حقیقی اولان
 واجب الوجودک نعمتینه صورت رضا کو ستریلور و موجودله
 اکتفا و قناعت ایدیلورده دائما جد و شکر اولور ایه لاجرم انبان
 نعمتله زبیه و فراوان ایدر بوباغ جهانده غرس و زرع ایدیلان
 شجره جد و تخم شکرک ثمرات کثیره و محصولات و فیه سی ینه
 عبد متشکره عائد و راجعدر جناب واجب الوجود هیچ برشته
 محتاج دکلدر بلکه سلطان و کذا انک دریای لطف و مرحمتنه
 محتاجدرلر اگرچه نعمتینه کوره ادای شکر و سپاس ممکن دکل
 ایهده انسان اولان اوپله جمادات کی طور و بوب وظیفه عبودیتی
 اجرا ایتکه سعی و اهتمام ایتلیدر حتی حیوانات و جماداتک کافه سی
 بیلدیکمز و اکلامدیغمز برحاله جناب حق ذکر و توحید و تسبیح
 و تحمید ایدرلر «علی المرتضی» کرم الله وجهه پورمشلدر که جناب
 باری تعالی حضرت تله برنی معبود حق و عبادته مسحق اولدیغنی
 بیلدیکمز اکا عبادت ایدرم بو حوالده اصل عبودیت عبدالله معبودینی
 و مخلوقک خالقنی و مرزوقک رازقنی بیلسندن و امرینک اجرا سته
 دوام و شتاب و نهینک ایفاسندن هر بار اجتناب ایلسندن عبارتدر .

(شاگرد)

ممکن مرتبه شکر فصل ادا اولنه بیلور .

(استاذ)

اوج درلو شکر ایتک واردر بری قلب و دیگری لسان و بریدیخی
 بتون اعضای انسان ایل اولور .

(شاگرد)

اوج درلو شكر ايتك نه صورتله ممكن وادا اوله بيلور .

(استاذ)

قلب ايله شكر بوقدر نعم وسعادتك كافه سي جناب حقدين احسان واعطا اولديغني قلبا بيلكدر حضرت (داود) عليه السلام بيورمشلركه (الهى سكا نصل شكر ايديمكه شكر ايتكده ديكر بر نعمت عظمادر) وحى اولمشكه ياداود ايشته بوشكرى نعمت بيلك اصل شكردر (الشكر على الشكر اتم الشكر) در يعنى شكر اوزرينه شكر تمامي شكردر اما لسان ايله شكر « التحدث بالنعمة شكر » حديث شريفى مداولى اوزره نعمتى تحديت ايتك يعنى نعمتلى لسانا ذكر وتعداد ايلوب اظهار فرح وشادمانى ايتكدر اثرده وارد اولمشدركه بر كيمسه آز شينه شكر ايترايسه چوق شينه دخى شكر ايلز اما اعضا وبدن ايله شكر حقه عبادت وطاعت ايتكدن عبارتدر بو عبادت يوقاربده بيان اولان برنجى نعمته مقابل ومعاادل اوله رق فرض اولمشدر بوكا مماثل شكر اصلا بوقدر « فخر عالم » صلى الله عليه وسلم افندمرك مبارك قدم سعادتلى تورم يعنى شيشوب اغرنجهده قدر نمازك قيامنى اوزاندقلىر بى كورنلرك « يارسول الله مقدم ومؤخر ذنوب وكنا هكز معفو ومغفور ايكن بوقدر تطويل قيامك سببى ندر » ايراد ايلدكلرى سؤالرينه « بن عبد متشكر دكليم » جواب با صوابنى اعطا بيورمشلردر فى الواقع بوقدر نعمتله مقابل اداى شكر محال درجه سنده ايسدهه عبدك وسعتى مقدارى جبالوب هران وزمان عجز ونقصانيتى اعتراف ايلسى الزمدركه بوده عين شكردر نازل اولديغنى نعمته شكر ايتماك زوال نعمتى طلب واستدعا ايتكدر ومعارفده عافوقنده بولانلره مال واشياده مادونده اولنلره نظر ايتك لازمدر زيرا انسان هر شئ كوره بيلديكى كوزك اداى تشكرندن عاجزدر سائر اعضا وبونجه احسان وعطابا بوكا مقيسدر .

(حديث شريف)

✽ بحث عبادات ✽

(شاگرد)

عبادت نه دیکدر ونصل اوله بیلور .

(استاذ)

عبادت عبدك معبودینی تعظیم ایتك قصد ونیتله هر زمان نفسنك
ارزو ایلدیکی شئتك عكس وخلافته اولدیغی حالده ایشلیدیکی ایشدر
بوفول حقك غیرینه یا بیلقی جائز دکلدر بو عبادتک حقه مخصوص
اولدیغی بیلوب ایشك اوقات خمس مفرو ضهینی وقت وزمانده
ادا ایتك وشهر رمضان شریفده اوروج طومتق ومقتدر اولدیغی
حالده حج ایتك ومال واشیا اولور ایسه زکات ویرمك وکله شهادت
کتورمك فرضدر که اصل بنای اسلام اشوبش اساس عدیم
الاندراس اوزرینه قورلمشدر « بنی الاسلام علی خمس شهادة ان لا اله
الا الله وان محمدا رسول الله واقام الصلوة واثاء الزکوة وصوم شهر
رمضان وحج البيت من استطاع الیه سبیلا » حدیث شریفی بومعنايه
برهان قاطعدر .

(حدیث شریف)

۱۱

(شاگرد)

اشبو عباداتک افضلی قنغیسیدر .

(استاذ)

تعداد اولتان عباداتک کافه سی فرضدر وترکی ممکن دکلدر اما
افضلی نمازدر زیرا بو نماز دین اسلامک دبرکیدر ترک اولنور ایسه
ترک ایدن کیمسه نك بنای دینی منهدم وخراب اولدیغندن نمازک
ترک وتاخیری قطعا حیرامکانده دکلدر حتی ادا سنه مقتدر اولیان
برخسته نك کوزله ایما و اشارت ایدرک ادا ایلسته قرار ویرلمشدر
بوکا عذر وبهانه اولمادیغی کی سائر کناه کی عفو ی دخی اوله میور
بو جهتنه حقنده شرفنازل اولان آیات کریمه غایت چوققدر
بو صلات جناب حقك راضی اولدیغی بر عبادتدر چونکه صلات
مهر اج امتدن عبارتدر حدیث شریفده واقع اولمشدر که « من حافظ
علی صلوات الخمس باکال وضوئها ومواقبتها کانت له نوراً

(حدیث شریف)

۱۲

(برهان)

و برهانان يوم القيمة ومن ضيعها حشر مع فرعون وهامان « يعنى
بركيسه بش وقت نمازى وقتيله وكمال وضوايله محافظه وادا ايدر ايسه
اول صلوات كندوسنه يوم قيامته نور و برهان اولور و اگر ضايع ايلر
ايسه فرعون وهامان ايله برابر حشر اولور صلاتك افضليتي جهتيله
كافه اندياي ديسان اداي صلات ايله مأمور و مكلف اولمشلردر .

(شاگرد)

اصل اسلامك بناسى اولان اشو بش امر عظيمى انسان هر زمان
ايضا ايله جك ياخود كيني ترك و كيني ادا ايله بيله جكميدر .

(استاد)

خير بونلرك ايكميسى مال ايله مقيددر زنكين اولقى اقتضا ايدر يعنى
حوايح اصليه سندن فضله وزياده مال موجود اولور ايسه اولزمان
اولز ياده مال هر سته حساب ايديلوب غرو شده بر پاره فقرايه و بريلور
وايشته بو كازكات دينور ودها زياده مال موجود اولوب كيدوب
كلكه اداره و كفائيت ايدر ايسه اداي حج شريف ايچون مكه
مكرمه يه كيتك فرض اولور اوچى دخی مطلقدر كه اصلا ترك اولنر
واكارشي مانع اوله من مثلا صبا حلين قالقوب كوزلجه ابدست
آلوب صباح نماز يني ادا ايدر وبعده پدر و مادر يترك الار يني اوپر
وانلردن رخصت اور قپودن طيشارى چيقار مكته طوغرى
كيدر سكر و يولده عرض و ناموسه خلل و قدر و اعتبار كره نقيصه
و كسل و يرر و چار طاق احترامدن دوشورر و طالم تعيب ايدر معامله
و حر كتمدن اجتناب ايلر و تصادق اولنان ذات سزدن ازهر جهت
بيوك ايسه سلام و التفاتنه مترقا طورر و ياخود دست و يادامنى اوپر
وايراد ايلديكى سؤالنه ادياننه و عاقلانه جواب و يرر سكر اكر اولذات
اقران و امثالدن بولنور ايسه سلام و يرر و التفات ايلر پكر سكر
و مكته معارف و كالات تحصيل ايتك وجهات بليه سندن
قورتاق و اقرايه و اترابه تفوق ايدوب جمعيت بشريه ايچنده شرف
و مزينه مظهر و نائل و تلف و ضياعدن خوف و اندیشه سى اولميان

وان بان توافر و تزايد ايليان سرمايه علوم و فنونه و اصل اولی
 ایچون روز شب صرف نقدینه همت و بذل ماحصل مقدرت ایلر
 سکن دیگر درت وقت نمازیدخی اولوجهله وقتیه ادا و دعا ایدر
 و قطعاً بر بنی ترک و تأخیر ایتماکه غیرت و دوام ایلر سکن ایشته بو عبادتله
 جناب بارینک نعم جلیله سنک شکرنده بولمش بر عبد مخلص و متشکر
 بولنور سکن و شهر رمضان شریفده اورج طوتار و کله شهادت دخی
 کتورور سکن بولنری بویله جه ایفا ایدر ایسه کز مکمل انسان اولوب
 اصل مدنیت داره سی داخلنده مر بعشین صدر سعادت اولور سکن .

(شا کرد)

اذان محمدیه نک وضع و ابداعی نوجهله وقوع بولمشدز .
 (استاذ)

صحابه کرام علیهم رضوان الله الملائک العلام حضرائی اوقات خمس
 مفروضه نک اعلامیه جماعات اسلامیه نک ادای صلوات ایچون
 جوامع شریفه دعوت و جمعی ضمنده بر واسطه مؤثره معلنه نک
 اتخاذینه دار عقد انجمن مشورت ایدرک کیی ناقوسک و کیی
 بر نوع دود و کلک چالمنسی تصور و اخطار ایتمش ایسه ده بولر
 نصاری و یهودی طائفه سنه منسوب و مخصوص اولدینی جهتله
 « سید سادات عالم صلی الله علیه و سلم » بولرک وضعی قبول و تصویب
 بیور مامش ایدی بر کون اصحاب کزیدن (عبدالله بن زید) رضی الله
 عنه درگاه رافقیناه سلطان انبیا به کلوب اولکیجه عالم خواب
 و منامده بر ذات خجسته سماتک (یا عبدالله ضرب ناقوسدن بالاتر
 بر وضع فلاح بخشه رهبر اولهیم دیهرک) « الله اکبر الله اکبر اشهد
 ان لا اله الا الله اشهد ان محمداً رسول الله » الی آخره اذانی بلند
 اواز ایله هوا کبر اوج تعلیم و بر خطه خفیفه دنصکره سبق ماسبق
 اعاده مقال حق ایله پیرایه بخش قامت اقامت اولوب بعده مکرراً
 « قد قامت الصلوة » ایله کلامی تنمیم ایلدیکنی حضور حضرت
 رسالتپناهی به عرض و بیان ایتمسینه اول « امام القبلتین » افندمن

(انها)

« انها لرؤيا حق ان شا الله » كلام اطف انجاسنى اصحابه اسماع وافهام وبعدازين مؤذلك منصب بلند پايه سنه نامزد اولان (بلال حبشى) رضى الله عنك بناكوشنه الفا اولمسنى (عبدالله) حضرتلرينه فرمان واعلام بيورمسيله (بلال) ذخى مرده صدمساله جان وعنديبان باغ ارمه حيرت فراوان ورر صورتده اذان اوقومسيله بو اذان سامعه (عمر بن الخطاب) رضى الله عنه حضرتلرينه واصل اولدوقده درحال مجلس ملائكة انيس رسالتپناهه واروب (يارسول الله اول جلال احديت حقييكونكه سنى بزه پيغمبر صادق الوعد الامين) كوندرد مشدر بو واقعه بديعت الرسمى سرا پرده خيالدين بندخى تماشا ايتشيدم « ليكنه سبقنى عبدالله » يعنى ليكن عبدالله بنى سبقى ابتدا ديو بيورديلر اشته رسم بديع الطرز اذان قالب حكمت الهيه دن دوكلش بر سنت سنيهك صورت ابداعى بو وجه اوزره واقع ونمايان اولمشدر .

(شاگرد)

عبادت اكلاشلدى ليكن طاعت نه ديمكدر .

(استاذ)

اطاعت جناب رب الانام ورسول عليه الصلوة والسلام افندمزه اولديغى كى حقوق عبادى محافظه ايدن خليفه وسلطانلره وانلرك طرفلرندن توكيل وتعيين اولنان علما وامرايه ولاسيما انا وبابايه اطاعت اولنه ييلور وانلره اطاعت موافق حدود شريعت ومطابق عدل وحقايت شرفصادر اولان امر واراده لرليك انفاذندن عبارتدر اصاغر اكابر كهتران مهترانه اطاعت ايتز وسوزلريني دكله مز ايسه شيرازه نظام وانتظام عالم بوزيلور زيرا معاملات عالم حبل متين اطاعته مربوطدر .

(شاگرد)

نفس نصل شيدركه مبحث عبادتده انك خلافتنه كيتليدرد ديدكز .

(استاذ)

نفس انسانی هر آن زمان کوتوا بشماره و پراخ شیاره سوق و داثما
ارائه انواع حلاوت و ذوق ایدر درلو درلو مهالك و مخاطراته
او غرادر و بی آدمك كوزه كورنمز الك بوك و یقین دشمنی اودر
كبر و عظمت ایتدیرر و كندوسنی بكنندیرر و هر کسی حقیر و ذاتی كبر
كوسترر و الحاصل عقلا و شرعا نقدر مذموم و منهی شیار و غایت
كوتو خویرلر وار ايسه بونلرك كافه سی نفسك كاریدر نفسی اصلاح
وزیه بدن و عقل بنی بشره مطیع و رام ایلان اجلق اولدیفی
اجلدن شهر رمضان شریفده اورج طومقی فرض اولشدیر بونفس
انسانی بذرجه ایلرو كوتورر كه فرصت بولور و پرمائع او كنه
سد اولیوب مساعده كورر ايسه العیاذ بالله انسانه الوهیت و ربوبیت
دعواستی ایده چك قدر جسارت و برر لیكن عاقبت صاحبی
برباد و پریشان و ایلدیكى دعوائی خاككه یكسان ایدر و درلو درلو
طبیعت و بد بد خویرلر پیدا ایتدیروب حق و خلق عندنده رذیل
ورسوا ایلر .

(شاگرد)

بونفس حكمنی فصل اجرا ایدر .

(استاذ)

عقل جامع شریفه و نفس میخانهیه كیمكى ایتسر نفس عقله غالب
اولورده انسان میخانهیه كیدر ايسه هر حالده اوراده مست و سرخوش
اولور و بالطبع كندوسنه غرور و بئلك و بیوكلك دعوائی كلور
و برسیله غوغا و جدال و قوعبولور احتمالدر كه اول كسینهك
برطرفنه اثر ضرب و جرح كوسترلور و عند الحاككه قباحتی دوشر
و مجازات اولنور و پنجه شرع شریفه چارپیلور صكره ندامت
و ندامت فائده و برمز و بو بولده شكست اولان شبشه عرض
و ناموس ارتق یرینه كلز ایشته بو مثلاو هزار كونه خالاره دوچار
و چاه مذات و حقارتیه كرفتار اولور .

(شاگرد)

(شاگرد)

یونفسك ضدی وانی مطیع و ملایم ایدن شی ندر .

(استاذ)

یونفسی اصلاح ایدن اجلقدر و ضدی تواضع ایلمکدرکه بوتواضع
آدمه حق وخلق عندنده سبب مقبول و معتبر و هریده دافع شور
و شر و کزیده ابتای بشر و بیوک مرتبه و عالی منزلته و اصل اولغه
دلیل و رهبر اولور بنابران هر وقت یونفسك عکس و خلافنده حرکت
موجب وصال حال سعادتدر بودر جده اولان نفسه نفس اماره دینور
اخلاق ذمیه نك منبعی و انواع شررك مأخذ و مرجعی اودر یعنی
« جهل بخل حسد کبر غضب عجب غرور » اورادن نشأت و ظهور
ایدرکه یونلرك کافه سی پك بیوک کوتو خویلدندر اشبو کوتو
خویلر ترك اولنورده کوزل خویلر ایله خویلنور ایسه کز اولوقت
نفس اماره دن قور تبیلوب نفس مطمئنیه واصل و مالک اولور سکرکه
هر زمان توکل جود و سخاوت و علم و عمل و عرفان و تذلل و تواضع
و عبادت و اطاعت و شکر نعمت انك کاریدر و شمائل مجوده و خصائل
مدوحه یار و یاوریدر .

(شاگرد)

اخلاق ذمیه ایله انسان مفطور میدر یوقسه کافه سی مکسوب ید
اقتدار میدر .

(استاذ)

تولد اولاد بنی آدم اخلاق ذمیه دن معصوم و سالم و حیث ولادت لرنده
شمائل حسنه ایله موصوف و قائمدرل بوفنا خویلرك کافه سنی صکره دن
کوزه کوره اکتساب و دائما اول نفس اماره و بد خو و بد کو بولنان
اقران و امثال اواره واسطه سیله اول اخلاق ذمیه نك اکثرینه شتاب
اولنور اول سبیدن انسان بد افعال و بد اقوال اولانلرك مقارنندن
اجتناب ایتمیدر و فطری بولنان شهره استقامتده کتمیدر .

✽ بحث فرائض صلوات ✽

(شاگرد)

یوفاریده بیان اولنان عبادت برانسانه نوقت فرض اولور .

(استاذ)

عبادات شرعیه و تکلیفات الهیه نك فرض اولسنك ایکی شرطی وارد شرط اول بالغ اولوب صبی اولماقدر شرط ثانی عاقل اولوب مجنون اولماقدر زیرا بر صبی بالغ و بر مجنون عاقل اولدیغی انده تکلیفات الهیه نك كافه سنك ایفاسی اوزرلینه فرض اولور یعنی ابدست نماز اورج حج زکات غسل استنجا و سایر فرائض و واجباتك ادا و اجراسی و جمیع احکام شرعیه نك ایفاسی لازمکلور .

(شاگرد)

فرض نیه دیرلر :

(استاذ)

فرض لسان شرع انورده دلیل قطعی ایله ثابت اولان امره دیرلر ابدست نماز اورج مثللوکه بونلرک فرضیتلری متعدد آیات کریمه ایله ثبوت بولشدور و بو فرائضك ترك و تأخیری اصلاً جائز دکلدور و انلرک فرض اولدقترینه ایناتاق دخی فرضدور زیرا فرضیتنی انکار ایدن حقارنده نازل اولان آیات قرآنییه بی انکار ایتمش اوله جغندن دائرة اسلامیتدن چیقار کافر اولور لیکن انکار ایتمیوبده یالکز ترك ایلیان جناب شدید العقابك عذاب الیمه مستحق اولور اول عذاب دخی نار دوزخدر .

(شاگرد)

فرض قاج درلودر .

(استاذ)

فرض ایکی نوعدر برینه فرض عین و دیگرینه فرض کفایه اطلاق اولنور بعض کیمسه نك اداسیله دیگر بعض کیمسه دن ساقط اولوب علی العموم هر شخصه ایفاسی مفروض اولان شینه فرض

(عین)

عین دیرل صوم و صلوة کبی و بالعکس بعض اشخاصک اداسیله
دیگرلردن ساقط اولان شیئه فرض کفایه تعبیر اولنور جهاد و غزا
وصلات جنازه کبی یعنی کفار ممالک اسلامیہ دن بر مملکتی استیلا ایتک
اوزره بولنور ایسه اورانک محافظه سیچون چنکه کیمک فرض کفایه در
فقط بولندیغی مملکتہ دشمن هجوم ایدر ایسه اولزمان جهاد فرض
عین اولور .

(شاگرد)

غزاده وقوع بولان شهادت نه دیمکدر .

(استاذ)

فی سبیل الله و برای اعلای کلمة الله دشمن ایله اولنان محاربه ده اصابت
ایدن آلات حربیه واسطه سیله تسلیم روح ایدن و افراد اسلامیہ دن
بولنان کیمسه یه (ولاتقولوا لمن یقتل فی سبیل الله اموات بل احياء
عند ربهم یرزقون) نظم کریمی مدلولجه شهید اطلاق اولنور انلر
نعم الهیه ایله مرزوقدرلر اول سبیدن فرائض عینیه نک ترکنه قطعاً
جواز یوقدر ولیکن فرض کفایه علی العموم ترک اولنور ایسه ناس
آتم و کنهکار اولور نماز کبی فرائضک عفو ی ممکن اوله میوب بونک
چاره سی ادا ایتکدر زیراً واجب الوجودک امری فصل ترک اولنور که
انک دریای بی پایان رحمتہ نمازی ترک ایلان کیمسه والده سنه زنا
ایدن کیمسه دن ده ابعید اولدیغنی بیان بیورمشلدر اثرده شرفواقع
اولمشدر که هر بر شیک کندونک نه اولدیغنی مبین علامت و نشانی
واردر ایمانک علامتی دخی بش وقت نمازدر .

(شاگرد)

نمازک بش وقت اولدیغنه دا قرآن کریمه بر صراحت وارمیدر .

(استاذ)

اوت نمازک فرض اولدیغنه (اقموا الصلوة) یعنی «نمازی ادا ایدبکز»
کبی آیات متعدده اولدیغنی کبی بش وقت اولدیغنی شو آیت کریمه
ایله اثبات اولمشدر (فسبحان الله حین تمسون و حین تصبحون

وله الحمد في السموات والارض وعشيا وحين تظهرون) ايشته بوآيت
شريفه ده اخشام وينسو وصباح واوكله مندرج ومصر حدر
وصلات عصر دخی (حافظوا على الصلوات والصلوة الوسطی)
نظم جليلنده داخلدر (وسطی) کلمه منيفه سندن مراد صلوات
عصر اولديغنی بيان بيور مشلدر بوصلوات مفروضدنك اداسنه
طهارت شرطدر .

(شاگرد)

طهارت نه ديمکدر .

(استاذ)

طهارت لغته نظافت و تميزك معناسنه در اما شرع شريفه
وجودی تمازك اداسنه مانع اولان نجاست حقيقه و حکمه دن
تميز و پاک ايلکدر بوده ايکي درلودر برينه طهارت کبری و ديکريته
طهارت صغری ديرل طهارت کبری جنوبلاکدن غسل ايتك
و طهارت صغری ابدست المقدر .

(شاگرد)

غسلک فرضی قاجدر .

(استاذ)

غسلک فرضی اوجدر . اولاً آغزه چوقچه صوآلوب مضغه ايتك
وثانيا برونه صو و يروب استنشاق ايتك وثالثا قوری برير قالماق
اوزره وجودی ييقا مقدر بونك فرضيتی دخی « وان كنتم جنبا
فاطهروا » يعني (اگر جنب اولور ايسه كن طهر ايديكز) آيت
کريمه سيله ثابت اولديغندن جنب کرمك جائز دکدر .

(شاگرد)

ابدستک فرضی قاجدر .

(استاذ)

ابدستک فرضی درتدر . اولاً منبت شعردن چکه البته قدر بوزی
وثانيا ديرسکله قدر قوللری ييقا مقدر وثالثا باشنك درت

(قسمدن)

قسمدن بر قسمتی مسح ایتک . و رابعاً یا فلی طپو فله قدر یقامقدر
 یو ابدستک فرضیتی « اذ اقم الی الصلوة فاضلوا وجوهکم و ایدیکم
 الی المرافق و امسحوا برؤسکم و ارجلکم الی الکعبین » آیت جلیله سیله
 ثابت اولشدر که یو کا شرط دیرلر .

✽ بحث فرائض صلوات ✽

(شاگرد)

شرط نبه دیرلر .

(استاذ)

شرط بر شئت وجودی و یا صحتی ایتک وجودینه متوقف اولان شیر
 نمازک وجودی ابدستک وجودینه متوقف اولدینی کییکه ابدست
 شرط و نماز مشروطدر .

(شاگرد)

نمازک شرطی قاجدر .

(استاذ)

نمازک شرطی سکردر (شرط اول) حدثن طهارت یعنی ابدست
 المقدر (شرط ثانی) اثوابی (شرط ثالث) بدنی (شرط رابع)
 نماز قلنان مکانی نجاستدن پاک ایتکدر (شرط خامس) عورت یری
 یعنی بلدن اشاعیسی مستور اولق (شرط سادس) قبله یه دونمک
 (شرط سابع) نیت ایتک (شرط ثامن) وقت کبرمکدر .

(شاگرد)

نمازک ارکانی قاجدر .

(استاذ)

نمازک ارکانی التیدر (رکن اول) تکبیر افتتاح (رکن ثانی) قیام
 (رکن ثالث) قرائت (رکن رابع) رکوع (رکن خامس) سجود
 (رکن سادس) نمازک قعدۀ اخیره سنده تشهد مقداری اوطور مقدر
 یونلرک بری ترک اولنور ایسه نماز قاسد اولور و یوارکان تأخیر اولنور
 ایسه سجده سهو لازمکلور .

(شاگرد)

سجده سهو نوقت ایجاب ایدر .

(استاذ)

سجده سهو اوچ یرده واجب اولور بری فرضك تأخیرنده و دیگری واجبك ترکنده و بری دخی واجبك تأخیرنده لازمکلور .

(شاگرد)

صیامك فرضی قاچدر .

(استاذ)

صیامك فرضی اوچدر (اولکی) نیت ایتمك (ایکنجی) صیامك اول و آخر وقتنی بیلک (اوچنجی) اورجی بوزان شیردن یعنی بیچمکدن و ایچمکدن و سار شیردن کندینی حفظ و امساک ایلمکدر .

(شاگرد)

حجك فرضی قاچدر .

(استاذ)

حجك فرضی اوچدر (اولکی) احرامه کیرمك (ایکنجی) عرفاتده وقفهیه طورمنق (اوچنجی) طواف ایتمکدر .

(شاگرد)

حجك شرطی قاچدر .

(استاذ)

حجك شرطی بشدر (شرط اول) اسلام (شرط ثانی) بالغ (شرط ثالث) عاقل (شرط رابع) حر (شرط خامس) قدرت و طاقت اولوق یعنی مکة مکرمهیه کیدوب عودت ایدیلهجك مقداری نقود بولمقددر .

(شاگرد)

زکاتك فرضی قاچدر .

(استاذ)

زکاتك فرضی بردر ییلده برکره مال موجود حساب اولنوب وقرقده

بری آبر بلوب بر فقیره چوق اولور ایسه بر قاج فقرايه ویرلکدر .

(شاگرد)

تیمک فرضی قاچدر .

(استاذ)

تیمک فرضی اوچدر (اولا) نیت ایمک (وثابا) الاربک طور اغه
اوریلوب یوزه مسح اولتور (وثالثا) تکرار طور اغه اوریلوب ایکی

قولاره مسح ابدیلور .

(شاگرد)

واجب نیه دیرلر .

(استاذ)

واجب دلیل ظنی ایله ثابت اولان شیئه دیرلر واجبی ترک ابدن فاسق
و کناهکار اولوب فقط کافر اولن صدقه فطر و قربان کی .

(شاگرد)

سنت نیه دیرلر .

(استاذ)

سنت لغتده بول معناسنه در لکن شرع انورده فرض ایله واجبک
ماعداسی اولوب « رسول اکرم صلی الله علیه وسلم » افندمن
حضر تلرینک مواظبت و دوام بیوردقلری امر در احیاناً ترک بیورلمش
اولان امره سنت غیر مؤکده و اصلاً ترک بیورلماش امره سنت
مؤکده اطلاق اولتور .

(شاگرد)

حرام نیه دیرلر .

(استاذ)

حرام آیت کریمه ایله نهی و تحریم اولنوب فاعل و مرتکبی عذاب
شدیده مستحق اولان شیدر انسانی قتل ایمک و شراب ایچمک
و قمار اوینامق و زنا ایمک و بونلره مماثل شیلری یا یققی کی .

بحث قیامت و جنت و جهنم

(شاگرد)

قیامت نه دیمکدر و بوحال نوقت واقع و ظاهر اوله جقدر .

(استاذ)

قیامت اوج نوعدر (نوع اول) قیامت صغرادر که هر کسک وفات
ایتمسیدر (نوع ثانی) قیامت وسطی در که « اسرافیل » علیه
السلامک برنجی دفعه ده نفخ صور ایتمسیله جمیع ناس ارواحنک دفعه
قبض اولنسی و آسمان و زمینک و بتون اشیانک هلاک و فانی اولمسیدر
(نوع ثالث) قیامت کبری در که کافه ارواح اولین و آخرین
« اسرافیل » علیه السلامک صورندن چیقوب و هر یری کنندی
بدنلرینه کوروب عرصه عرصاته سوق اولملریدر بوکا قیامت عظمی
دخی دیرلر بوروز قیامت کی هیئت ودهشتلی برکون دها یوقدر
بو یوم ندامتده رسوای عالم اولماق ایچون دائماً عبادات و طاعت
و خیرات و حسنات الیه امرار اوقات حیات و هر آن جناب ستار
العیوبه مناجات اتمک لازمدر که هر برعل و کار اوراده ظاهر و آشکار
و کافه دفاتر اعمال و کردار عرض جناب رب ستار اولنور و محشرد
بتون اعمال خیره و افعال شریه وزن میزان عدل و حقانیت ایدیلور
و هر کسک عملنه کوره مکافات و مجازات ترتیب و اجرا قلنور « یوم تبی
السرائر » آیت کریمه سی بومعنازه مجولدر و قیامتیه (یوم) اطلاق
هر شینک ظاهر اولمسندن و بر قبا حنک کتم و اخفاسی ممکن اوله
مسندن نشئت ایتمشدر اول سبیدن فانی دنیاده اوامری و تکلیفات
الهیته نیک اجرا و اداسنه بخلوص البال تکاپو و شتاب و کافه مناهیدن
اجتناب و دائماً خوف و اندیشه بوم حساب ایتملیدر و بحسب البشریه
صادر اولان کنناهلره توبه و استغفار اولملیدر سید الاستغفار بودر
« اللهم انت ربی لاله الا انت خلقتنی و انا عبدک و انا علی عهدک و وعدک
ما استطعت اعوذ بک من شر ما صنعت ابوءک بنعمتک علی و ابوء
بذنبی فاغفر لی فانه لا یغفر الذنوب الا انت » وقوع قیامتک وقت

(وزمانی)

وزمانی معلوم دکلدر وقوعنه دلالت ایدر آیات کریمه قرآنیہ واحادیث
شریفه نبویه چوقدر وبوکا اینانمقی فرضدر .

(شاگرد)

مؤمنین و مؤمناتک دارجنانه و عصاتک سمت نیرانه سوقی
نصلدر .

(استاذ)

جناب رب الارباب روز حسابده اهل محشری بعدالحساب دوزخه
مستحق اولنلری درکات عقابه وجننه لایق اولنلری درجات ثوابه
سوق بیوردقلری ائنده فرق عدد رباب سعادت آیات اورایه احضار
اولنوب بونلردن بردانه سی « آدم . نوح . ابراهیم . اسماعیل .
یعقوب . یوسف . شعیب . موسی . هرون . ایوب . داود . سلیمان .
ذکریا . یحیی . عیسی » علیهم السلام هر برینه ویریلوب مؤمنین
ومؤمناندن هر فرقه کندولرینه مخصوص اولان وعللرینه کوره
تعیین وتخصیص قلنان برعلک سایه سنده اولهرق عرصه عرصاتده
منتظر فرمان خدا اولورل واون التبی رایت « لواء الحمد » درکه
بونک اوچ بیراغی اولوب ایکیسی مغرب وشرق ویریدخی سمای
دنیایه واصل و مکة مکرمه سایه انداز اولور برپیراغنده « بسم الله
الرحمن الرحیم » واورپیراغنده « الحمد لله رب العالمین » مسطور
وبولوا (سیدالسادات علیه افضل الصلوات) افندمن حضرتلرینه
مخصوصدر و دیگر اون بدی سنجاغک بردانه سی دخی « ابوبکر .
وعمر . عثمان . وعلی . وحسن . وحسین » رضوان الله تعالی
علیهم اجمعین حضرتانه و دیگرلری سائر اصحاب عظام وملائکة
کرام حضرتانه ویریلوب ومجموع رسل وانبیاء واولیایه لواء الحمد
سایه سنده جمع اولوب متقیلر و امر بالمعروف ونهی عن المنکر ومجاهد
ومظلوما قتل اولنلر وعلم الیه عامل بولنلر وقرآن عظیم تلاوت
ایلیانلر وغزاده شهید اولنلر وفقرای صابرین ومؤمن بولنلر
واخلاق حسنه الیه موصوف اولوب اوقات خسته ده تجدید وضو

وسرا وضراده حقه توکل وسرفرو ایدنلر رابر اولدقلری حالده
جنات عالیاته متوجها تحریک الوبۃ سعادت ایت ایدرلر جلهدن
مقدم « خاتم الانبیا علیه اکمل التحایا افندمر » باب جنّتک فارسوشنده
جریان ایدن ابکی چشمه سارک برندن غسل ودیکرندن نوش ایدرلر
بعذران صنوفی ملائکه کرام صف بستہ سلام وقیام وانواع تعظیم
واحترام اوزره بولندقلری حالده باب جنّتدن ایجری داخل وبعده
رسل وانبیا واولیا واصفیا ومومنین وسعدا نعم کثیرہ جنّاته واصل
ونائل اولورلر .

(شاگرد)

جنّت وجهنم الان موجودمیدر .

(استاذ)

اوت جنّت ایله جهنم مخلوق رب معبود وشمعی هرری مهیا وموجوددر
جنّت نعمتلرینک عدد ونهایتی یوقدر جمال الله اورادن کورینور
هرنه طلب وارزو اولنور ایسه درحال اماده واحضار ایدرلر دروننده
برحوض کوثر وارددرکه حالانک اوصافنک ذکر وبیاتنه بورسالت مختصره
کفایت ایتمز اول کوثر دن ایجنلر ابدی عطشان اولمز اللههم یسرلنا .

(شاگرد)

جهنم فصلدر .

(استاذ)

امان انی صورمه وسینه پر عصیانہ داغ الم اورمه اول جهنمک حرارتی
غایتله شدید ودرونی زیاده سیله درین وبعید وکبرنلرک البسه سی
حدید وشرابی صدید وکلای « هل من مزید » اولدینی مثبتدر
عاصیلری نار جمیعہ القایتمک ایچون زیانیلر وارددرکه اصلا رحم
وشفقت ایتمزلر ومستحق عذاب اولنلری همان اتارلر واهر خدانک
ایفاسنه مسارعت ایدرلر بونلر اون طقوز عدد اولوب بسملة شریفه نک
تلاوتنه دوام ایدنلر بونلردن فوز نجات وبولورلر دیوحديث شریفده
واقع اولمشدر « اللهم اجرنا من النار وادخلنا الجنة مع الابرار »

(مهت)

﴿ مبحث اصحاب وعشره مبشره ﴾

(شاگرد)

اصحاب کیماره دیرل .

(استاذ)

اصحاب « رسول اکرم ونبی محترم صلی الله علیه وسلم افند مزی »
کوروب تصدیق ایدن و برابر او طوروب سوز و صحبت ایلان ذوات
کرامه دینور حتی « اصحابی کالنجوم بابهم اقتدیمم اقتدیمم » حدیث
شریفی شرفصادر اولشدر یعنی (اصحابم یلدزلر کیدرلر هر قنغیسنه
اقتدا ایدر اویار و سو یلدکلرینی طوتار و کتند کلری یولدن کیدر
ایسه کن هدايت او انور و جای سلامت بو اور سکزن) دیکدر فی الواقع
انلرک هر بری برج هدايت یلدزلریدر « وعلیه الصلوٰۃ والسلام » افند مزه
یتیشه میوب لیکن اصحابندن براق ذواتی یا خود بر ذاتی کورنلره
« تابعین » و تابعینی کورنلره « تبع تابعین » دیرلر .

(شاگرد)

اهل بیت و اهل عبا کیملدردر .

(استاذ)

اهل بیت « فاطمة الزهري رضی الله عنها وعلی المرتضی رضی الله عنه
و حسن و حسین رضی الله عنهما » حضراتیدر بر کون حضرت
« رسول رب الانام علیه صلوات الله العلام » افندیمز لابس اولدقلری
سیاه یو کدن معمول برده شریفه لرینی اچوب برر برر درونته ادخال
واوزلرینه (انما یرید الله لیذهب عنکم الرجس اهل البیت و یطهرکم
تطهیرا) آیت کریمه سنی قرائت و بعده « اللهم هؤلاء اهل بیتی »
کلامنی تلاوت بیورمش اولدقلرندن بونلره اهل بیت و آل عبا دیمشلدردن
وعشره مبشره یعنی حیاتلرنده جنت اعلایه دخول ایله تبشیر بیور بلان
(ابوبکر الصدیق و عمر الفاروق و عثمان ذی النورین و علی المرتضی
و طلحه بن عثمان و زبیر بن العوام و عبدالرحمن بن عوف و سعد بن
ابی وقاص و ابی عبیده بن الجراح رضوان الله تعالی علیهم اجمعین)

(حدیث شریف)

حضراتیدر بو تبشیر و تخصیصدن صحابه کرامک استثنای لازمکلیوب
بر حدیث شریفده اشبو عشره مبشره نك اسامی شریفه لری
ذکر و تعداد بیوردیقنه بناء فقهای عظام بونلرک جنتلک اولدقلرینه
حکم جا ندر انجق دیمشلردر یوقسه بونلردن ماعدا جنت ایله
مبشر ذوات کرام واردر .

(شاگرد)

مذهب قاجدر .

(استاذ)

کافه اهل ایمان واسلامه اداسی لازم کلان عملیات شرعیه ده مذهب
درتدر (امام اعظم ابو حنیفه امام شافعی امام مالک امام احمد
حنبل) رحمهم الله حضرتایدر بونلر آیات قرآنیه واحادیث نبویه دن
مسائل دینییه یی استخراج ایدرک کتابلر تصنیف وتدوین وکافه
امت مجده عبادات وطاعات ومعاملاتلرنجه راه مستقیم اراه وتعیین
بیورمشلردر اعتقادبانده بونلرک بر لرندن فرقلری اولیوب فقط
بعض مسائل عملیه شرعیه ده مخالفتری واردر مثلا امام اعظم
ابو حنیفه ایمان یا لکن (تصدیق بالجنان و اقرار باللسان) کلمه
شریفه سندن عبارت اولوب صلاة وصوم وزکات وحج داخل
اولدیقنه ذاهب اولمشدر امام شافعی بونلرده ایمانندن معدود بولنوب
حتی اشبو فرائض معدوده یی ادا ایتیانک مؤمن اولدیقنه ذهاب
ایتمشلردر ایشته بومثلاو اون الی مسئله ده مخالفتری واردر رحمه الله
علیهم اجمعین .

﴿ بحث ملائکه کرام علیهم السلام ﴾

(شاگرد)

ملائکه کرامک اشکال وهیئتی ومقدارلر یله ماهیتی ندر .

(استاذ)

ملائکه کرام علیهم السلام ایکی قسم اوزره منقسم اولوب بونلرک بر قسمی
مرتبه ارواحدن منزلات اجسام لطیفه به تنزل ایدن وسجده ابوالبشر ایله

(ازواحدن)

مأمور اولان جميع ملائكة ارضيه و سماويه در وقسم ديکری ملابس
 جسمانيه دن مجرد اولوب عالم ارواحد، قالان وبلا شعور بحر شهود
 حقهده مستغرق اولان ملائكة مهموندر که بونلرک نه خلقت ادمدن
 ونهده سجده ملائكة دن معلومات ووقوفلری وار ملائكة رسوللرک
 مشاهده لری دلالتيله اشکال مختلفه به تشکل وتمثل ايمکه قادر اجسام
 لطيفه نورانيه درلر کثرتلری حقهده شوبله روايت اولمشدر که عامه
 ابناء ادم طائفه جنک عشری یعنی اونده برادر و بونلرک کافه سی حیوانات
 بيه نك و بونلرک جمله سی طيورک و بونلرک کنی مجموعی حیوانات بحريه نك
 عشری واشبو انس و جن و حیواناتک همیسی سماء دنياده کی ملکلرک
 وانلر ايله برابر کلیسی ابکنجی سماء کی ملائكة نك عشر برادر تا بدنجی
 سماء قدر بومنونال اوزده نزاید ایدرک بنی ادمدن بورایه دکن تعداد
 اولنان مخلوقاتک کافه سی کرسیده کی ملکله تقابل اولنور ايسه مقدارلری
 اقل قلیلدر بونلرک مجموعی عرشک برسر اقدنده یعنی بر پرده سننده بولنان
 ملکلرک عشر برادر که عرشک التي بوزیک سرادقی اولوب هر برسر اقدک
 طول و عرض و ارتفاعی ارض و سما و ماينه سماء نسبت و تقابل اوانسه
 بر قدر محسوس و قارش مقداری اوله من بونلر من حیث المجموع قطرات
 دریا کی عرش اعلانک اطرافنی دور ایدن ملکله مقابلدرلر اشبو
 ملائكة عظام ببعاددن ماعدل اوح محفوظه اسرافیل علیه السلام
 معیننده و جبرائیل علیه السلام جنودی اوله رقی نیجه ملکله واردر که
 اعداد و اجناسيله مدت اعماری و کیفیات عبادت لری بنی انجق جناب علیم
 و خیر پیلور « و ما یعلم جنود ربک الا هو » آیت حلیله سی بومعنايه دالدر
 حتی معراجده « سبب خلقت کائنات و افضل الموجودات علیه
 اکل النحیات و التسلیات » افندمنر غایت سرعتله ضرور و عبور ایدن
 بر چوق ملکلی کورملریله کیتد کلری بری و کندولرینی « جبرائیل »
 علیه السلام دن استفسار و استفهام بیوردقلرنده « جبرائیل » « بيله م
 انجق خلق اولدیغدنبرو بویه لا ینقطع کیتد کلرینی کورر و بر کره

کوردیکمی بردها کوزه م « ایجلرندن برملکی توقیف ایدوب ابتدای
 زمان خلقتنی سؤال بیوردقلرنده اول ملک « بيله میورم لکن جناب حق
 هر درتبیك سنهده برکوکب خلق ایدر بنی خلق ایدلیدن پرو درتیوز
 بیک کوب خلق بیورمشدر « جوابنی ویرمشدر « بیت المهوری «
 کل یوم بتمش بیک ملک زیارت ایدوب قیامته قدر بردفعه زیارت ایدنلره
 نوبت کلیه جکی روایت اولتمشدر * مر ویدر که عالم ارواحده موجودانک
 صور معنویه سی ظاهر اولنجده « رسول اکرم صلی الله علیه وسلم «
 افندمزنک بریشیل قوش مثالنده وعرش اعلاده کی نوردن برشجرک
 نهالنده ذکر وثنای کردکار ایله مشغول بولنان روح مقدس و مکرملری
 اوراده طیراجر صورتنده رویت و مشاهده بیورمش اولدقلری
 « جبرائیل « علیه السلام روحنه خطابا « یا جبرائیل فوق عرشده
 معلق نجم معظمی نصل بیلورسن « استسألرینه جبرائیل علیه السلام
 « اول نجم الشمس بیک ییلده برکره طلوع ایدر بنی او توز بیک کره
 مشاهده ایلدم « جوابنی ویرمسيله اول روح اعظم فخر الانبیا علیه
 افضل التحایا یا جبرائیل اول نجم معلق نیم « بیورمشدر که « فی یوم
 کان مقداره الف سنة مما تعدون « آیت کریمه سی مفهومنجده اول
 کونلرک برکونی دنیانک بیک سنه سی مقدار وحسابنجده در جناب رب
 عباد اول روح اعظمک پرتوندن قانون حکمت مقتضاسی اوزره
 بحسب الاستعداد سائر موجوداتی خلق و ایجاد بیورمشدر سبحان
 من احصى کل شیء بعلمه سبحان الله و بحمده سبحان الله العظيم
 ای کوب هدایت سبل السلام * وای منشاء ارواح رسل العظام
 نورندن خدا راتدی روحک * الحق ابتدا براتدی روحک
 وجوده کلیدن اجرام علوی * شهوده ایرمدن اجسام سفلی
 نبی ایدک کیم آدم و حواء * پنهران ایدی بین الطین و الماء
 یوغبدی ما و سما و اکوان * اولوردی نجم روحک درخشان
 شانکده دیدی اولاک اولاک * حق جل و علا خلق الافلاک
 علیک الصلوة و السلام التام * بعدد الاملاک و الانفاس الانام

﴿ نعت گونه غزل ﴾

سرورا بزم الست مستانه صهبایک
نادی ارواحه بادی ای قد طوبایک
طره کيسورك والليل زلفک والضحی
سوره نوردر جلالک ابت کبرا لبیک
اول بهار حسنک اولدی زیور کلزار عشق
شبنم ورد جبینک رحمت دنیا لبیک
تاب لعلکدن الوب هر بر فیوضی خاص وعالم
زینت ارای دو عالم حسن بیهمتا لبیک
هستی حکمتی حکم حرف کاف ونون
منع علم لدن بر کوثر اخرا لبیک
اعل نابک قطره سی ماء الحیات انس وجان
لو اوء افشان عوالم اوله بر دریا لبیک
رشته اسل دهانک ماحی نار جحیم
کوثر دار السمروره عین بر مجرا لبیک
ذات پاککله تفاخر ایلدی عرش عظیم
مظهر اسرار سبحان الذی اسرا لبیک
قورناریر (توفیق) زاری هر بلادن لاجرم
تابش مهر صفاتک جنبش غرا لبیک
(شاکرد)

ملائکه وشیطاندن انسان ایله برابر اولنلر وانلرک ایچنده وفات ایدنلر
وارمیدر .

(استاذ)

اوت ملائکه گرامدن هر انسانده درت ملاک واردر که بری انسانک
یمین و دیگر یسارنده حسنات و سیئاتی یا زارلر بری دخی انسانک
محافظه سنه و او بری دخی اولنان کلدسته صلواتی روضه مطهره یه
تبلیغ و تقدیم ایتمکله مأموردرلر ملکرده ذکور و اثاث واکل و شرب و توالد

یوقدر طائفه جنده ذکور و اناث واکل و شرب و حال موت وارد
ایمان ایدنلرندن ماغداسی انسانه دشمندر ❁ اما شیاطینده ذکور
و اناث اولوب توالد ایدرلر . فقط ابلیس دنیاده مخلد اولدیغی مثللو
شیاطین دخی مخلددرلر هر انسانک شیطانی واردر حتی (اشرف
موجودات علیه اکل الصلوات) افندمرك یله شیطانی اولوب لکن
یوشیطانک کندولر بنده تسلیم و یاخود مسلمان اولدیغی ثقاتندن
مزویدر

❁ بحث ابلیس علیه مایستحق ❁

(شاگرد)

ابلیس علیه مایستحق جلهء ملائکه دغی یوخسه زمرة جندنمیدر
(استاذ)

اعوذ بالله السميع العليم من الشيطان الرجيم (وکان من الجن ففسق
عن امر ربه) نظم کریمی مداونجه ابلیس خلقت آدم علیه السلامدن
التش بیک سنه مقدم روی زمینده کافه مخلوقاتدن اول آتشک علوندن
خلقی اولوب بدی بیک سنه دنیایه متصرف وحاکم اولان (جان)
اولادندن بولنان (جن) طائفه سندندر که بوجان قومی فی الاصل جو
هواده ساکن اولوب وقوعبولان استدعای اوزرینه بونلر براوزرینه
ایوب مدت مدیده جناب معبوده عبادت ایلد کدنصکره راه صوابدن
طریق ضلالتنه دوشوب حتی کندی جنسلرندن بعث اولنان سکرپوز
قدر رسوللرینی قتل و اعدام ایلوب بعده (ابلیس) منسوب اولدیغی
(جن) طائفه سی زمیننه اینهرك و بونلر ایله محاربه ایلدرك نهایت
جان قومنک مجموعنی بر بقعهء خالیده احرار بالئار ایلدیار اشبو جان
ابوالجندر اولزمان ابلیس بونلر ایله برابر روی ارضده ساکن ایکن
کثرت طاعت و عبادتدن طولایی بالتدریج یدنجی سمایه قدر رفع
اولتهرق اوچیوز سنه مقداری خازن جنت اعلا اولمش (شمعی خازن
رضواندر) و اول قدر عبادت ایدردیکه سموات و ارضده سجده
ایتمدیکی ریزقالماش و اول سیمدن جناب مولی کئندوسنه کسوه

(ملائکه بی)

ملائکة بی اکسا و درجه سنی اعلا بیورمشیدی اول درجه قدری
 عالی ایدیکه (جبرائیل علیه السلام) برکنانه صادر اولسیدی کیمدن
 استشفاع ایدر ایدیکز) دیو سؤال اولندقدنه (حارثدن) دیو جواب
 و یرمشدر اشو جن طائفه سیدخی عاصی اولدقلرندن ابلیسک زیر
 اداره سنده اوله رق سمای ذبیاده کی (ملائکة کرام علیهم السلام)
 یر یوزینه اینوب و بلخار به بونلری طرد و تبعید ابلیوب کندولری
 ذکر و عبادات رب الانامه مشغول اولدقلری حالده (ابلیس) یک
 سنه مقداری گاه روی زمینده و گاه اسمان و دار جنانده عبادت
 ایلد کدن صکره بوقدر ملائکة کرامک زیر اداره سنده و روی زمینک
 تحت تصرفنده اولسی نفسنه عجب و غرور و یرمسيله (ابلیس)
 (شمی واصل اولدیفم درجات عالیه عطایای الهیه دن اولیوب
 انجیق بونلر استحقاق و قابلیت ذاتیه م مقتضاستنددر) کبی اماره کبر
 و غرور بنی اظهار و اقراره اجتناسار ایلدیکندن (عالم السر و الخفیات)
 (انی جاعل فی الارض خلیفه) مؤداسنجده «بن یرده برخلیفه خلق
 ایلدجکم» بیورمسيله یرده کی ملکر (یار بی یرده اول کیمسه بی خلق
 ایدرمسنکه انلر فساد ایدر و قان دو کرلر) دیدکلرنده جناب رب
 بیحون (انی اعلم ما لاتعلمون) یعنی (سزک بیلدیککز شیئی بن بیلورم)
 بیوروب جناب ابو البشری راتمشدر و مراتب عبودیت و تواضعک
 الک اعلا مرتبت و منزلتی و درجات امتحانک درجه غایتی سجود
 اولمسيله ملائکة کرامه و تغلب طریقله ابلیس داخل اولدیفی حالده
 ادم علیه السلامی کعبه کی قبله اتخاذا ایدرک سجده ایله امر و فرمان
 بیورمسيله درحال (ام کنت من العالین) ایله اشارت اولئان و بلا
 شعور بحر شهود وجه اللهده مستغرق و حیران اولان ملائکة (مهیجه) دن
 ماعداسی کافه سجده ایتدکلرنده ابلیس ارقه سنی چور یوب طور و رایدی
 ملکر یوز و یاخود بشوز سنه دن صکره باشلر بنی قالدیروب ابلیسی
 اولکی حانده قائم و امتناع سجده دن غیر نادم کورنجه دفعه ثانیده
 تبعیت ایدر قصدیلده بر سجده ده ایلدیلر بعده ابلیسک هیئت و شکل

و صورتی و قیافت و نعمتی تبدیل ابلدی بو حالده ابلیم فعلا ملائکه دن
و نوجا چندندر سر یانجه اسمی (عزازیل) و عربجه (حارث) اولوب
لباس ملکیتدن تجرید و درگاه ایزد متعادلن طرد و تبعید اولدقدن
صکرة (ابلیم) وانک اولادیشه (شیطان) تسمیه اولندی سبب رجم
و طردی سجده اولدیغی اجلدن هر انسانه مؤکل و مسلط اولان
شیطان سجدهیه تقرب ایده مدیه کندن هر عابد و ساجد اثنای سجده ده
اغوای شیطاندن معصومدر .

(شاگرد)

جناب خلاق عالم قبل خلقت آدم « انی جاعل فی الارض خلیفه »
آیت کریمه سجه نیچون ملائکه به خبر و یردی

(استاذ)

بونک برقاچ اسباب حکیمه سی واردر ازانجهله هر امور و مصالحده
مشورتک لزومی تعلیم و خلیفه لقبیه تلقیب و توسیم بیورلسی سکان
ملکوده بشرک عزیت و شاننی تعظیم و ملائکه نك وقوع مفاصلدن
سؤالرینه مبنی کندوسنده کی فضل و رجحانیتی و شرقلیل ایچون
خیر کثیرک تری شر کثیر اولدیغی حبسیله بونک خلقتده خبرک غالب
و کثیر اولدیغی اظهار و تفهیم ایتمکه اشارتدر یوخسه جناب رب غنی
مشورتدن بری و مستغنیدر بنابرین « تفحصوا عقولکم بالذاکرة واستمعینوا
علی امورکم بالمشاوره » حدیث شریفندن ماعدا مشورت حقننده
آیات شریفه و احادیث منیفه شرفصادر اولشدن امور و مصالحده
اشتباه و جنایات و خیانت و مغایرت و نصف و حقایقته مبادیت
و قوعبولماق ایچون فطنت و ذکا و امانت و صداقت و عدم حسد
و نفسانیت و عفت و صلابت و حال پیری و شیخوخت ایله متصف
و متخاق اولان ذوات ذوالالبابدن هر کب عقد انجمن مشورت امر
جلیل مشروعدن و الله اعلم بالصواب .

(شاگرد)

« وکان من الکافرن » مدلولجه ابلیمک سبب کفری نه اولدی

و برده نوحاً ملائکه و فعلاً چندین اولمستك معناسی ندر .

(استاذ)

ابلیسك سجده دن امتاعی و یا خود حسد و عصیان و یا فسق کافر
اولمنه سبب اولمش اولیدی سجود ابله مأمور اولوبده سجده ایتمانلرك
و حسد و عصیان و فسق ایدنلرك کافه سی کافر اولور ایدی حالبو که
بو بویه اولمدیغندن اصل کفرینه باعث « اناخیر منه خلقتنی من نار
و خلقتنه من طین » فحوا سجنه کوبا کتدوسی علوی بولنان ناردن
و « آدم علیه السلام » سفلی اولان طیندن خلق اولند قلرندن علوینك
سفلی به تعظیم قصد بله سجده ابله امر اولمنسده حاشا جناب عادل
مطلق حضر تفرینه ظلم و جورى نسبت واسناد ایتمکی مراد ایتمسیدر که
بونسبت واسنادی ایدنلرك کافر اولملری لازم کلور (عن ذلك علوا
کیرا) و نوحاً ملائکه دن معدود اولسی « ابن عباس » رضی الله عنهما
ملائکه کرام ایکی نوع اولوب بونلرك بر نوعی تولد ایتمیان ملائکه
و نوع دیگرى تولد ایدوب ابلیسك منسوب اولدیغی جن اولدیغی
روایت اولمنسندن ذکر واستدلال اولمشدر

✽ بحث رویت رویا ✽

(شاگرد)

عالم منامده رویت اولنان رویتانك کیفیت رویتی نوجهله در که
خوابده انسانك کافه حواسی غیر مدرکدر .

(استاذ)

رویا رویت کله سندن مشتق اولیوب مستقلاً حال نومده مشاهده
اولنان برحالتدر روح قلبك وسطنده کی دمك نقطه لرنده و عقل دخی
دماغده مستقر اولمسيله انسان خوابه واردیغی انده روح شمع و یا خود
شمسك نور و ضیاسی مثلاً بدنندن کلیا مفارقت ایتمدرك اوزاتوب
انسان انك و حقك ضیاسيله روایه مؤکل بولنان غایت عظیم و جسم
بر ملکك خیر و شر ددن علم غیب الهیدن لوح محفوظده کی وقوع
بوله حق اولان احوال و اشیا دن کوستردیکی شیلری کورر روحك

ذهاب وایابی آفتابه مماثلدر که انی احاطه ایلیان سحاب زائل اولدیغی
 حالده کندوسی منکشف و ضیاسی ظاهر اولور کذلک حالت نوم دیده
 نأمدن زائل اولوبده کافه حواسک فوای مدر که سی بیدار اولجبه
 اول روح دخی عالم خوابده کی مشهوداتی ذکر ایدرک اول مشاهدهانی
 حال یقظه ده رؤیت اولنان شیر کی استحضار ایدر « زبدة الکائنات
 علیه اکل الحیات » افندمزدن شرفصادر اولمشدر که رؤیای صادق
 اجزای نبوتک قرق النبی جزویدر رؤیا برعالم ناصحه نقل اولماید که
 خیرایله تعبیر ایتسون زیرا رؤیا تعبیر اولندیغی کی جیفسار رؤیا
 رؤیتد نصکره قوش کی طیران ابدوب نقل اولندیغی انده ساقط
 اولور طبعه غیر موافق بر رؤیا کورلیدیکی زمان انی کیمسه به نقل و بیان
 ایتدیرک و « استعین بالله من شر رؤیای ان تضرنی فی دنیای و آخرتی »
 دیه رک اوج دفعه صول طرفه نو کورملیدر دنباده ابتدا رؤیا کورن
 « آدم » علیه السلامدر که « حوایی » روئاستند کور دکاری
 وجهله خوابدن بیداری حالده باشی اوچنده اوطور دیغی حالده
 کورمشدر رؤیا گاه بویله عینی واقع اولور و گاه « ابراهیم » علیه السلام
 روئاستند « اسماعیل » علیه السلامی ذبح ایدر کورمش ایکن حال
 یقظه سنده کبشی ذبح ایلدکاری مثلاً روئایده کی کورینا نک
 غیری ظهور ایلر روایت اولنور که رؤیا کورن ذات روئاستنی
 کبرنی نقل ایتلیدر زیرا کندوسنه کبرنی کوسترلشد رؤیا شمسک
 طلوع و زوال و غروبده نقل و تعبیر اولناملیدر روئیا کورمک اک
 کوزل وقتی سنه جدیده نک تقرب و اقبالی و صولک اغاجله جریانیله
 اغاجلرده موبه رک ظهوری زمانیدر فصولک امرجه و طبایعه
 تأثیری جهته ایام شتاد اغاجلرک اوراق و ثماردن تجردی زماننده
 روئیاغیر مقبولدر برای نوم فراشه کبرلیدیکی وقت بو دعایی قرائت
 ایتک لازمدر هله شرط اولی ابدستلی یا تمقدر « اللهم انی اعوذبک
 من سئ الاحلام و استجیرک من ملاءمة الشیطان فی الیقظة و المنام »

✽ بحث اصول آداب و تربیه ✽

(شاگرد)

اصل حق و خلق عندندۀ مقبول و معتبر عد اولئان ادب و تربیه ندر .

(استاذ)

اصل تربیه جناب واجب الوجودك غضب و عذابندن قور قوب
سودیکی و امر ایلدیکی شیلری طومق و ایشك و دائما رضاسنی
کوزتمك و عفو و رحمتی طلب و رجا ایدرك سومدیکی و رضاسنی
اولمديغی شیلردن اجتناب ائمكدر و خوف ايله رجا دائره سندن قطعا
خارجۀ چقما مقدر ز را غضب الهیدن انبیا و اولیا بيله خوف
و خشیت ایدرلر چونکه حقندن قورقیان انسان هر بر عصیان و طغیان
ارتکاب ایلر بادشاهه و وزیرلرینه و پدر و مادرینه اطاعت ائمز
و شریعت غرائك کوستردیکی طریق مستقیمدن کتمز و بیوک و کوچوکنی
بلزایسه تربیه سز و ادب سز بر آدم اولور اما جناب بارینك عذاب
و عقابندن خوف ایدن کیمسه هر قنغی بر کوتیك یا عفه و شرع و عدله
مغایر برایشی ایشاکه میل و نیت ایدر ایسه در عقب خوف جناب
رب احد اول افعال غیر مشروعه نك اجرا سنه ما نغ و سد اولورده
و هم حَق و هم خلقك یاننده عزیز و محترم و نازل انواع نعم و کرم
وان بآن شرف و فضیلت و هر زمان اعتبار و حیثیت بولور و غایت
ادیب و کامل و بین الناس مشار بالبنان اولور .

(شاگرد)

بو شرف و مزیت و وصلت و بونلری فرقه اکتساب قدرت نوجهلادر

(استاذ)

دنیا و عقباۀ انسانه زیاده شرف و عزت و مزیت و رفعت و یرن
و بنی آدمی چاه مذلت و حقارتدن چیقاران و زورق مقصودی
کرداب طعن و تشنیع عالمدن خلاص ایدوب ساحل سلامته ایصال
ایدن علم و ادبدر دیمشکرکه درت شی انسانك قدرینی عالی و ایصال
مقامات معالی ایدر (علم . ادب . صدق . امانت) مأمون خلیفه نك

حضورنده کمال ادب ایله سوز سوبلیان برذاته (کیمک اوغلیسین)
 سؤالنده (افندم پدرم ادبدر) یوللو وپردیکی جوابته خلیفه (نه کوزل
 پدریکز واردر) ستایشیله اظهار سرور و التفات موفور ایدرک اول
 ذاتی غایتله تحسین ایتدیکی هر ویدر زیرا ادبی اولیان عاقل النده
 سلاخی اولیان شجیع و بهادر ادم کییدر .
 (شاگرد)

علم نه فائده ویرر .

(استاذ)

علم حلال و حرامی ییلدیر و دار جنانک یولنی کوستر صاحبته تنها
 برلده و گوشه غربت و زاویه کربنده غایتله کوزل انیس وارقداش
 و یوللرده رفیق و یولداش و سرا و ضراجه دلیل و معین اولور اخوان
 و برادران اره سنده زیب و زینت ویرر و دشمن اوزربنه سلاح
 و هربار سبب فوز و فلاح اولور انسان علم ایله درجات اختیاره و شرف
 بحالست سلطانیه نائل و اخرتیه زمره ابراره رفیق اولور و علم ایله
 جناب رب مستعان توحید و پیغمبران عظام تصدیق اولور و عبادات
 و طاعات و انواع خیرات و حسنات علم ایله حاصل ایدیلور عالم خلق
 ایچنده بر طبیب حاذق اولوب درد جهالت و الم سینات ایله بیمار و خسته
 اولنلره دوا و علاج ایله علم نور و هدی و جهل غی و وردی در بر کیمسده نک
 آفتاب علمی درخشان اولور ایسه ماهتاب شرف رخسارنده پرتو
 فشان جهان اولور عالم ابتدا جاهل اولوب بعده عالم اولدیغی
 اجلدن درجه جاهلی ییلور اما جاهل مرتبه عالییه عالمی ییله مز
 و اقتضا ایدن رعایت و حرمتی ایلیه مز بنابران اکتساب علم و کماله حصر
 اوقات حیاتییه اولنملی و بر ساعت وقت و زمان مساعد اضاعه اولنملمیدر
 (شاگرد)

اصل ادب ندن عبارت و ادیب کیمه علامتدر .

(استاذ)

اصل ادب مکارم اخلاق یعنی کوزل و معدوح خوبلر ایله متصف

(اولمقدن)

اولمقدن وانواع سیئات وخطیئاتدن احتراز اولنور علوم و معارفی
اولکرمکدن عبارتدر علم تفسیر و علم حدیثی و سایر علوم عالییه بی
تحصیل ایدن ذوات عظامه ادیب اطلاق اولنور و کندوسندن
بیوکفی تعظیم و کوچوکفی رفق و ملائمتله معامله و تکریم ایدن ذات
عالیسماته دخی ادیب دینور ادب کتابلری شو صورتله تزئین
اولمشدر که برکون « فخر عالم » صلی الله علیه وسلم افندمز حضرتلرینک
شرف مصاحبترلرله تشرف ایتک وحضور پر نورلرینه یوز سورمک
آرزوسیه (ابو بکر الصدیق و علی المرتضی) رضی الله عنهما
حجره سعادتك قیوسنه واروب قوع بایله امر دخولده بر برلرینه تقدم
ایتماملری حقهده وقوعبولان رجاو نیاز بینهایه اوزرینه حضرت (علی)
رسول اکرم ونبی محترمک حقهده (بندن صکره افضل الناس ابو بکر در)
بیوردقلری ذاته نصل تقدم ایدر واندن اول نوجهله ایجری کبره رم
بیورمسيله حضرت (ابو بکر) اول فخر الانبیاءک حقهده (نسانک
خیبرلوسنی رجالک خیبرلوسنه ویردم) بیوردقلری ذاته نصل تقدم
ایده بیلور واندن اول ایجری نوجهله کبره بیلورم بیورمسيله حضرت
(علی) اول فخر رسلاک (صدر ابراهیم خلیل اللهی کورمک استیانلر
صدیق اکبرک صدرینه نظر اینسونلر) بیورمش اولدقلری ذاته تقدم
ایدهم واندن اول ایجری کبره مم دیمسيله حضرت (ابو بکر) اول فخر
عالمک حقهده (آدم علیه السلامی و صفوتنی و یوسف علیه السلامی
وحسننی و موسی علیه السلامی و صلاتنی و عیسی علیه السلامی و زهدینی
ومحمد علیه الصلوه و السلامی و خلقنی کورمک) ارزو ایدنلر علی
المرتضی به باقسونلر) بیوردقلری ذاته تقدم ایله مم واندن اول ایجری
کبره مم بیورمسيله حضرت (علی) اول شفیع المذنبینک یوم عرصانده
حق جل و علا طرفندن برمنادی (یا ابا بکر محبوبک ایله برابر جسته
داخل اول نداسيله ندا ایده جکدر) بیورمش اولدقلری ذاتدن
اقدم داخل حجره سعادت اولهم واکا تقدم ایله مم بیوردقلده
حضرت (ابو بکر) اول نبی محترمک حقهده (حنین و خیبر کوننده

بو علی بن ابی طالبك هديه سیدر دهر ك ترو این اهدا اولندی
 بیورمش اولدقلری ذاته تقدم اولنه من واندن اول ایجری کیرله من
 بیوردقه حضرت « علی » اول سید المرسلین افندمنك حقننه
 « یا ابابکر سن بنم کوزم سن » بیور دقلری ذاته تقدم اولنه من واندن
 اول ایجری کیرله من بیوردقه حضرت « ابوبکر » اول سید سادات
 افندمنك حقننه « علی کرم الله وجهه » مراکب جناندن بر مرکب
 اوزرینه راکب اولدیفی حالد برمنادی کلوب یا محمد دنیاده سنك
 والدك حسن وبرا در کدخی حسندر یعنی پدرك ابراهیم وبرا درك
 علی ابن ابی طالب در دیواندا ایدر « بیورمش اولدقلری ذاته
 تقدم ایدم واندن اول ایجری کیرم یوللو میانه لنده کوثر کلماتك
 جریانی اره سننه « جبرائیل » علیه السلام نازل وحضور سعادت
 واصل وشو صورتله قائل اولور « یا رسول الله سکا جناب کبریا سلام
 ایدوب بیورر که ملائکه سبع سموات شو ساعتده ابوبکر الصدیق
 رضی الله عنه ایله علی ابن ابی طالب کرم الله وجهه حضراتك
 محاوره ادبیانه زینه ناظر درلر وینلرنده بو صورتله جاری اولان
 حسن ادب وجوابی استماع ایتکده درلر سزده واروب اول ایکی ذاته
 اوچینی اولکز » دبعسله در حال اول رسول رب الانام علیه الصلوات
 والسلام التام خانه عرش پایه سعادت لرندن چیقوب اول ایکی ذات
 جیل الصفاتی جبرائیل علیه السلام خبر ویردیکی کی کورمشله
 قسم بنام خدا ایدرک بیورر که « اگر دکرلر مر کب اولسه ویتون اغاجلر
 قلم ارض وسموات خلقی کاتب اولسه شمیدیکی اجر و ثوابك وصف
 و بیانندن البته عاجز قالورلر » ایشته اصل ادب و عرفان بودر بو حالد
 دائماً بیوکلره رعایت و کوجوکلره رفق و ملائمت لازمدر .

بیت

وجدت الرفق ابلغ في السمو * ولم اركا لتواضع في العلو
 ومن بسط اللسان على سفيه * كن دفع السلاح الى العدو
 یعنی شاعر در که رفق و ملائمتی بیوکلکده غایت ابلغ بولدم و بیوکلکده

تواضع کی بشقه برشی کوردم بر کیمسه سفیه والحقاق کیمسه اوزربنه
اساننی دوشمر یعنی مقابله ایدر سوبلشور ایسه اول کیمسه کندی
سلاحنی دشمنه ویرن دنی والحقاق کیمسه آبیدر بوندن مقصود سفیه
اولئر ایله اوغراشماقدر .

(شاکرد)

علم نه دیکدر .

(استاذ)

علم برشینک صورتی عقلده حاصل اولقدرد مثلا بعدالتحصیل اول
شینک اعلا وادنا اولدیغنی یعنی علم تحصیل اولندقدن صکره درجه
علمک عالی ومرتبه جهلاک ادنا بولندیغنی عقلده حصوبولدیغنی کی .

(شاکرد)

اصل علم قاچدر .

(استاذ)

اصل علوم عالیه اوجدر . اولکی علم باللهدر یعنی واجب الوجودک
صفات ثبوتیه سنی بیلکدر . ایکنجی علم من اللهدر که ظاهر وباطنی
وحلال وحرامی وامر بالمعروف ونهی عن المنکری بیلکدر . اوچنجی
علم مع اللهدر که خوف ورجایه وشوق ومحبت خدایه واقف واکاه
اولقدرد .

(شاکر)

واجب الوجودک صفات ثبوتیه سی قاچدر .

(استاذ)

صفات ثبوتیه سکرذر (حیات . علم . سمع . بصر . ارادت .
قدر . کلام . تکوین)

(شاکرد)

صفات ذاتیه قاچدر .

(استاذ)

صفات ذاتیه التبدل (وجود . قدم . بقا . وحدانیت . مخالفة للحوادث)

(شا کرد)

بونلردن ماعدا علوم وقون وارميدر .

(استاذ)

اوت علوم وفنون ومعارف وصنایع وهنك انواعی غایتله چوقدر
ولكن اصل قدر واعتباری عالی وجلیل وبنی بشرك وصول مقاصدینه
رهبر ودلیل ایکی درلو علم ییعدیل دها واردرکه برینه علوم شرعیه
ودیکرینه علوم عربیه اطلاق اولتور .

(شا کرد)

علوم شرعیه قاچدر .

(استاذ)

علوم شرعیه جلیله بشدر . اولکی علم تفسیردرکه قرآن کریم وفرقان
عظیمک معنای شریفنی ومفهوم لطیفنی توضیح و بیان وتشریح
وعیان ایدر زبرا « من فسر القرآن برأیه فقد كفر » یعنی کندی
رأیه قرآنی تفسیر ایدن کافر اولورمه ناسنه دلالت ایدن حدیث
شریف اوزرینه قرآن عظیمک معنای شریفنه واقف اولق هر حالده
تفسیر شریفه مراجعت ایتک اقتضا ایدر بو علمک واضعی اصحاب
کرامدن (مالک بن انس) رضی الله عنه حضرتلر بدر قرآن عظیم
الی قبیلله نك لغتارینی شاملدر . ایکنجی علم حدیثدرکه بو علم ایله قبول
ورد حیثیتله احادیث شریفه نك راوی ومرویلا نك حالاری معلوم
اولور بو علم شریفک واضعی (عمر بن عبدالعزیز نك) خلافتلری زمانده
کندی امر واراده سیله ابن شهاب الزهیری حضرتلر بدر اگر اولزمان
بو علم حدیث وضع اولغاماش اولیدی احادیث شریفه نك کافه سی
ضایع اوله جق ایدی . اوچنجی علم فقهدرکه دلیللر ایله عملیاته متعلق
اولان احکام شرعیه یی بیلدر بو علم شریفک واضعی (صاحب
شریعت علیه الصلوات والتحيات) افندمن حضرتلر بدر بو علم
جلیل فقهده ابتدا کتاب تصنیف ایدن وبوقدر مسائل دینییه یی
میدانه قویان وعالمی ضیادار علوم ایلیمان سراج الملة والدین (امام

(حدیث شریف)

۱۴

(اعظم)

اعظم ابو حنیفه نعمان بن ثابت (رحمه الله) حضرت نلیدر • دردنجی
 علم اصول فقهدر که بالاده بیان اولئان ادله اربعه بی بیان و جزوئانک
 استفاده سنه طریقه لارائه و عیان ایلر بو علم شریفک واضعی
 (امام شافعی) رحمه الله حضرت نلیدر • بشنجی علم کلامدر که برهان
 ودلیل سرد و اراد ایدرک اعتقادا شک واشتباهی رفع وازاله ایدر
 وعقاید دینیه بی اثبات ایمکه قدرت ومعلومات ورر ایشته شرع
 شریف بو علملردن عبارتدر جناب رب الانام جله منزی شریعت
 غرایه خدام بیورسون •

(شاگرد)

علوم عربیه فاجدر •

(استاذ)

علوم عربیه دخی بشدر (اولیکی) علم لغتدر که عرب لساننده سویلنن
 الفاظ وکلمات معنای بی یلیدر زیرا هر قوم وملک لسانلرنده سویلنن
 سوزه لغت دیرل بولغاتی فی الاصل وضع ایدن و بی آدمه تعلیم ایلان
 جناب باری تعالی حضرت نلیدر (ایکنجی) علم صرفدر که موضوع
 اولان اصول وقواعد کلیدیه بیلوب اول قواعد کلیدیه الیه بر کلمیه
 اعرابدن ماعدا عارض اولان احکام جزئییه بی یعنی اعلال وادغای
 واشتقاق وسائر احکامی بیلیدر وتعبیر کلمه ده خطا اولماسنی کوستر
 بو علم صرفک واضعی (معاذ بن مسلم اولدینگی) مریدر (اوچنجی)
 علم نحودر که وضع اولئان اصول وقواعدی بیلوب اول قاعده لریله
 اعراب و بنا جهتیه ترکیب وعباره لرده واقع اولان کلمه رک آخر لریک
 احوالی بیلور و تراکیب وعباراتی اوقومقده خطادن سالم اولور
 بو علم نحوک واضعی (امام علی کرم الله وجهه ورضی الله عنه)
 حضرت نلینک امر واراده سنیه لریله اجله صحابه کرامدن
 (ابواسود الدثلیدر) چونکه برکون بوذات معالیمات (ان الله یری
 من المشرکین ورسوله) آیت کریمه سنده واقع (ورسوله) لفظ
 کریمک اخری لفظه جلاله اوزر بنه عطف اولنوب مفتوح اوقومق

اقتضا ایدر ایکن مغایر معنای مرضی و مباین قاعده نحوی اولهرق
 مکسور اوقوندیغنی بالاستماع در حال اول امیر المؤمنین و وارث علم
 سید المرسلین « امام علی » کرم الله وجهه حضرت تبارک بنه حکایه و نقل
 ایتمی اوزرینه (امام علی) رضی الله عنه شوق وجهه وضع اساس
 علم نحو بیوررلر (الکلمه اسم و فعل و حرف و الفاعل مرفوع
 و ماسواه فرع علیه و المفعول منصوب و ماسواه فرع علیه و المضاف
 الیه مجرور و ماسواه فرع علیه) بوللو قواعد علم نحوی تعلیم و بعده
 قصد و حفظ معنا سنه اولان (انج هذا) امر به اول ابی اسود
 الدثلی حضرت تبارک بنه تنبیه و تفهیم بیوررمش اولدقیزده شوعلمه نحو
 تعبیر و قواعد مذکوره اصل و اساس اتخاذ و بوندن استنباط
 و استخراج اولنوب علمای راسخین طرفلرندن الی الآن علم نحو
 اصول و قواعدی اول اصل اوزره تفریع و تکثیر بیوررلشدر
 (درنجی) علم معاینه بوده بر علمدرکه بونکله مقتضای حاله مطابق
 الفاظ عربیه نیک احوالی بیلنور یعنی بر علم کلیدرکه اول علم کلیدن
 ادراکات جزویه استخراج اولنور بوده مقام اقتضا ایلیمه جکی وجهه
 کلامه مطابق اولان افراد لفظک هر برینی بیک واکا کوره سرد کلام
 ایتکدر زیر مختلف و ایری ایری بولنان مقاملرکه هر برینه مناسب
 و مطابق اولدیغنی حالده (خبر انشائاً کید جمله اسمیه و فعلیه
 و ظرفیه) و سائر دن ترکیب اقتضا ایدر بوعلم شریفک واضعی
 (عبدالقاهر جرجانی) حضرت تبارک (بشنجی) علم عروضدر بوده
 موضوع اصول و قواعدی بیلوب انکله شعره و زلزلیک صحیح
 و فسادینی بیلکدر بوعلم عروضک واضعی (خلیل بن احمد در)
 (شاگرد)

شعر نه دیکدر .

(استاذ)

شعر لغته علم معنا سنه در اما اصطلاحده قصد و نیت طریقیله
 مقفی و موزون اولدیغنی حالده سوبلنان سوزدر لیکن قرآن کریمده

(واقع)

واقع اولان (الذی انقض ظهرک ورفعتک ذکرك) مثلوا موزون
و منظوم اولنله شعر اطلاق اولنماز زیرا قصد و نیت اولیه رفی
موزونا وارد اولشد « حسن الشعر تحسن الکلام و قبیحه کفیح
الکلام » یعنی شعرک کوزلی کوزل کلام کبیر و قبیح و چرکین شعر
قبیح و فنا کلام کبیر حسن و قبحده شعرک کلام غیر موزوندن
فرقی یوقدر یوحید شریفدن بومعنا مستفاد اولشد « و علموا
اولادکم الشعر فانه یفتق الادهان » حدیث شریفدن شعره ترغیب
و تشویق معناری اکلانشدر یعنی اولادیکزه شعر تعلیم ایدیکز زرا
شعر اذهانی اچار دیکدر .

(شاگرد)

ابتدا کلامی موزون اوله رفی کیم سویلدی .

(استاذ)

ابتدا کلامی موزون و منظوم اولدیغی حالد ابراد ایدن « آدم
علیه السلام در » چونکی آدم علیه السلام شریعتی اوزره بطن
اولده تولد ایدن ولدینه بطن ثانیده تولد ایلان قزینی تزویج
بیوررل ایدی و فنا که اوغلی (قابیل) ایله توأم طوغان و زیاده سیله حسنا
بولان (اقلیم) نام کریمه سنی دیکر اوغلی هابیل ایچون و بونکله برابر
طوغان و اولقدر حسنی اولیان (لیوزا) نام کریمه سنی (قابیل)
ایچون نامزد ایتک مراد بیوردی بوکا (قابیل) راضی اولوب
شرما ازدواجی جائز اولمیان (اقلیمی) طلب وادعا و اصرار
و حضرت « آدم علیه السلام » طرف شریفلرندن شرفصادر
اولان اراده و قرار اوزرینه برمه تاد بارگاه جناب پروردگار عرض
و تقدیم اولنان قربانلردن (قابیل) طرفندن تدارک و عرض ایدیلان
ودانه سز بغدادی با شقندن عبارت بولنان قربانک ردیله (هابیل)
جائزین عرض قلنسان قیون قربانک قبول بیورلمسینه مبنی شیطانک
برای تعلیم کتوروب و بر طاش اوزرینه یاتوروب باشی ازه رک قتل
ایلدیکی بر قوش کبی (قابیل) دخی (هابیل) قتل و اعدام ولیکن دفن

ایتمی بیلد بکندن فرق کون قدر برچوال دروننه وضع ایدرک
 کز دیروب واذن خدای لایزال ایله برقرغه دیکرینی اوراده قتل
 وجسدینی طورافه دفن ایتمکله بول کوسرتوب کتمسبله درحال اولقاتل
 دخی اول صورتله برر حفر ایلیوب (هابیلی) اورایه دفن و اخفا ایلد کن
 و حضرت « آدم علیه السلام » برزمان ارادقدن صکره حضرت
 « جبرائیل علیه السلام » خبر و بریدیکی وجه اوزره اورایه واروب
 (هابیلی) زیارت و دیکرینه بدعا و حقارت بیوردقدن صکره اشبو
 قطعه بلیغینی مرثیه اوله رق نظم و انشاد بیورمشلردر .

(قطعه)

تغیرت البلاد ومن علیها * فوجه الارض مفیر قبح
 تغیر کل ذی لون و طعم * و قل بشاشه وجه صبح
 و جاوزنا عدد لیس یضی * و لا موت نموت فتستریح
 فوا اسفا علی هابیل ابی * قتل قد تضمنه الصریح
 یعنی بلده و اوزرنده بولناتلر بوزولدی امدی روی زمین بوزولش
 و قبیحدر هر بر رنگ ولدت دخی بوزیلوب صباحتی یوزک بشاشتی
 قلیل اولدی سن و سالمده عددی تجاوز ایلدک ایهده بزی مستغنی
 ایدر اولدی موت دخی یوقدر که شمعی اولوبده مستریح اولهلم اوغلم
 هابیل اوزرنه اسف اولنور که مقتولدر انک قتلتی تحقیقا صراحت
 تضمن ایتمشدر .

(شاگرد)

اول زمان حضرت « آدم علیه السلام » عرب لسانی بلور میدی .
 (استاذ)

حضرت « آدم علیه السلام » یدی بوز بیک لغت و لسان اوزره
 تکلم ایلدکلری یوقاریده بالتماسبه بیان اولندیغی وجهله اشبو لغات
 و السنه ایچنده لسان عربک موجود اوله جغی بالطریق الاولی
 ثابتدر که السنه سائر نک برنجیسی لسان عذابی-ان عربدر ایشته
 بیان اولتان علوم جلیله عربیه علوم عالیة شرعیه نک دقایق

(وحقا بقنه)

و حقایقه واقف و مسائل شریقه شرعیه عارف اولقه بر سبب مستقل
اولدیفی آشکاردر دیشلردر که عالمک علی و امرانک عدلی و بدلائک
عبادت و اسخیانک جود و سخاوت دنیانک ثابت و قائم و حسن حال
و انتظامانک دائم اولسنه باعث و بادی اولشدر زیر اظلم و جهل
و امرای بیعدل و علماء بیعمل بنای عالمک خراب و بیاب اولسنه
سبب مستقل اولور .

(قطعه)

الناس موتی و اهل العلم احياء * والناس مرضی و هم فیها اطباء
و الناس ارض و اهل العلم فوقهم * سماء نور و مافی السور ظلماء
و صاحب العلم رأس الخلق کلهم * و سایر الناس فی التمثل اعضاء
یعنی ناس موت کیدرلر و اهل علم احيادرلر دخی ناس خسته اولوب
علما ایجلرنده طیبدر دخی ناس بر در و اهل علم اوزرلرنده نورلی
بر سجادر که نورده قطعاً ظلمت یوقدر و صاحب علم جله خلقک رأسیدر
و سایرلری غلشه اعضاءدر یعنی عالم هر کسک رأسی و هر کس انک اعضاءسی
کیدر بو صورتده موهبه جناب و هاب اولان کالای عمری بازار کسلده
باده وایه و برمیوب و زقاق فتور و ملاده ضایع و تلف ایتمیوب شام و سحر
الی آخر العمر علوم و معارفک استحصائه بذل نقدینه همت و صرف
قراضه سعی و غیرت ایلمسکز که عنوان مدنیت اهل علم و عرفانه
و ارباب کمال و ادعانه و برلشدر .

(شاکرد)

یازی یازمق معارفدن صابیلورمی .

(استاذ)

ایمان نه سویلیورسکز بو سؤالده عادتاً چو جلقه ککزی اثبات و اقراز
ایدیورسکز کافه صنایع و فنونک برنجیسی یازیدر زیر یازی اولمز ایسه
هر قنون و معارف تلف و ضایع اولور .

(شاکرد)

ایذا قلم الله یازی یازان کیمدر .

(استاذ)

ابتدا قلم ایلله یازی یازان بالاده بیان اولندیغی وجهله « ادریس »
 علیه السلام افندمزدر « اول من خط بالقلم بعد ادم ادریس »
 حدیث شریفی بومعنائی مشتملدر حتی دیمشلدردرکه « الاقلام رسل
 الکلام » یعنی قلملر کلامک رسوللری مثابه سندهدر هریره خبرلر کوتورر
 واوزاق برلردن برکیمسه به کشف اسرار ایتمه رک پیاملر کتورر تسلیم
 ایدر « الخط لسان الید » یازوالک لسانیدر غایتله کوزل کلام ایلر
 یازی فقیرله مال وزنکیلرله جمال وچوکلرله کمال ویرر دوات برحوض کبیر
 مثابه سندهدر طوردبیغی یرده درونندن حکمت پکار وچشمه لر فیضان
 وجریان ایدر وقره لرندن بلاغت بلوطلری نشئت وظهور وترشح ایدن
 قطراتی اوراق اراضی املی احبا واروا ایدرک باغ جهائده دانه
 مقصودی خرمن حصوله طولدورر وآسیاب ارتفاعده نان ونعمت
 ونخیر قدرورفعت بولدورر وصاحبی اغلر ایکن کولدورر اعرابی
 برکوزل یازی کورنجه حکمت بلدزلی مر کب قرانلقنده نه کوزل
 برنو وضیال وریور درلر .

(حدیث شریف)

۱۷

« اول ما خلق الله القلم » حدیث شریفی ناطق اولدیغی اوزره جناب
 حق ابتدا قلمی ایجاد وخلق واول قلمه امر وفرمان بیوروب دنیاده
 قیامته قدر اوله جق وظهور ایده جک شیلرک کافه سنی لوح محفوظه
 یازدرتدی دوات علم الهیده بولنان اجمالات مکونات بوقلم اعلا
 واسطه سبله لوح محفوظه نقل وتفضیل اولمش وقلم مذکورک طولی
 یردن کوکه قدردر واوچیوز التمش دیشی واردر هر بردیشی اوچیوز
 التمش عدد بحر علومدن مر کب الوب کندوسی زمی ددن وایکی
 دفعه سی یاقوتدن یاخود طولی مابین السماء والارض وعرضی مابین
 المشرق والمغرب ودره بیضاده مصنوع ومخلوق اولان وذکر اولنان
 لوح محفوظه بازمشدر .

(حدیث شریف)

۱۸

(شاگرد)

علم انسانصلدر بونک اصول وقاعده سی وارمیدر .

(استاذ)

(استاذ)

فن انشا بر علمدر که اول علم سببیه کلام منشوری یعنی پراکنده اولان
الفاظ ومعانی انشا وتالیف اولنور بونک اصل واضعی « اسماعیل »
علیه السلام افندمر در بوفنک او کرعسی آرزو ایدن ذات علم قرآن
وعلم حدیث و تفسیر لرینی و علم لغت و صرف و نحو ومعانی و بیان و بدیع
وامثال عرب و تواریخ و سائر فنلوی بیلکه محتاجدر و بلغا عندنده محمود
و مرغوب اولان اصول و اسلوب اوزره مقصود اولان معنایی ادا
ایتمکه مقتدر ملکه راسخه سی بولنان ذاته منشی اطلاق اولنور منشی
اوله نك شروطی چوقدر تراکب بلغایی تنبع و تحری و مطالعه ایملی
واشعار فصیح و امثال ملیحه ایلخزینه حافظه بی املا ایلیدر و برلفظک
اولنده نفس کلمده (واو) بولنور سه انک اوزرینه واو عاطفه اتیان
اولناملیدر « عالم سرائر و واقف ضمائر » کی عبارت و تراکب تنافر
حروفدن سالم اولمیدر و فقرات اره سنده تناسب الفاظ و اشباع
و قواییه و اوزان فقراته رعایت اولمیدر یعنی فقره ثانیه نك عبارته سی
فقره اولینک عبارته سه موزون و موافق اولمیدر شاید کلمات بر لرینه
توافق ایمن ایه حرفلرک قلت و کثرتنده مطابقت اقتضای ایدر یاخود
کلمه لر بر لرینه متساوی بولمق لازمدر فقره اولی فقره ثانیه دن اوزون
اولور ایه مقبول و معتبر دکدر بوشرطره واقف اولمیان منشی
اطلاق اولنوب انجق کاتب تغیر اولنور :

(شاگرد)

استیصال معارف و کمالات ایتمکه واسطه قاچدر .

(استاذ)

هر انسانده اون درلو واسطه و حس و اردر بونلرک بشی ظاهر بونده
و بشیدخی باطنده در ظاهرده بولنانلره حواس خمس ظاهره و باطنده
اولنلره حواس خمس باطنه درلر اشبو قوا و حواس ظاهره واسطه سبیه
حس و ادراکه یعنی اکلامغه « مشاهدات » و قوای باطنه
واسطه سبیه اکلامغه « وجدانیات » تعبیر اولنور .

(شاگرد)

قوای ظاهره ندر .

(استاذ)

قوای ظاهره بشدر (اولکیسی) قوه سامعه در یعنی ابشید یچی بر قوتدر
 بونک بری داخل قولافدر که هر برس و صدایی استماع ایدر
 (ایکنجیسی) قوه باصره در یعنی کور یچی بر قوتدر که انک بری
 کوزدر میدانده اولان شیلری کورر (اوچنجیسی) قوه شامه در
 یعنی قوقولری طویچی و حس ایدیچی بر قوتدر که انک محلی بروندر
 هر قوقویی طویار واکلار (درنجیسی) قوه ذائقه در یعنی طادیچی
 بر قوتدر که انک دخی محلی لسانک اوچیدر بتون طاتلی وایچی شیلری
 ییلور (بشنجیسی) قوه لامسه در یعنی طویچی بر قوتدر که بر شینگ
 قایتلغی و یومش اقلغنی حس و ادراک ایدر بو ادراک هر اعضاده
 موجود ایدر اصل قوت تامه و کامله ال پر مقلرینک اوچلرنده موجود
 و خاصدر نه بیوک لطف جناب کبر یادر بو قوتلرک شرف و حیثیتلری
 وقدر و اعتبارلری زیاده اولدیغندن هر بری بر کونا محفظه سلامتده
 حفظ اولمشدر مثلاً قوه سامعه به خلل کلامک و مسموعات سهولته
 درونته واصل اولق ایچون خارجه غایتله کوزل قولافلر واردر
 حتی حیوانات قولافلرینی سس و صدا کلان سمترلر طوغری چویره رک
 دکلرلر و کوزی چوب و نوزدن محافظه ایتمک و اطرافنی باغلق و انوارینی
 یایماق ایچون ایکیشر دانه منحرک کوز قیافلری واردر قوه شامه
 و ذائقه دخی بونلرکی محافظه ایدمشدر حتی قوه لامسه نک اوزلرنده
 طرناقلری واردر .

(شاگرد)

قوای باطنه ندر .

(استاذ)

قوای باطنه دخی بشدر (اولکیسی) حس مشترک در یعنی اورناق بر
 حسد برو حس عادتاً بر حوض مثابه سنده در قوای ظاهره واسطه سیله

(ادراک)

ادراك اولئان شـيـلـرك صورتلـري اوراده تجمع ايدر واورادن ديكر قوتلره طاغيـلور مثـلا قـوه سـامعه ايله استماع اولئان برصدا اورايه عكس ايدرك اورادن دخی ديكر قوتلره كيدر واول صدياي ویرن اكلاشيلور (ايكنجیسی) قوه خياليه دركه حس وادراك اولئان شيلرك ماده وصورتلري مرور زمان ايله غائب وفراموش اولندقدن صكره اول ماده وصورتلري مذکور حس مشتركدن عند الايجاب تفكر و تخيل ايدرك چيقارر و بولور (اوچنجیسی) قوه واهمه دركه بر سابق حس وادراك اولنه جق معاني جزويه بي اكلاز و اكلامق انك شانـدنـدر زيدك شجاعتي وعروك جبانتي كي (دوردنجیسی) قوه حافظه در بوده بر قوتدر كه اول معاني جزويه دن قوه واهمه نك حس وادراك ايلديكي معاني جزويه لري حفظ ايدر (بشنجیسی) قوه متصرفه در بوده بر قوتدر كه معنالك صورتلرينه متصرف اولمق انك شانـدنـدر اشته اشو قواي ظاهره وباطنه واسطه سيله استحصـال معارف وكالات اولنور وحفظ وادراك ايديلور.

(شاگرد)

جهل نذر .

(استاذ)

جهالت بر شيك عكسي وخلافي اعتقاد ايتكدر مثلاً جاهلك اصلي بيلديكندن واجب تعالى بزم عبادتمره محتاج دكلدر ديو اعتقاد فاسد ايدوب اشرف عبادات وسبب ارتفاع درجات وباعث فوز ونجات ونصوص قاطعه ايله فرضيتي ثابت اولان بش وقت نمازي وسائر اوامر جناب بي انبازي ترك ايتسي كي اصل بليه جهالت بودر .

(شاگرد)

جهالت قاچ درلودر .

(استاذ)

جهلك انواعي واردر ليكن اصل جهالت ايكي درلودر (بري) جهل مر كيدر كه واقع الحال ونفس الامر مطابقي اوليان بر شيئه جزما اعتقاد

اینگذر مثلا عالمك حرام بیلدیگی و حرمتی عقلا و شرعا ثابت و مبرهن
اولان شرابی صدور دیو جزما اعتقاد و استعمال ایلمکدر (دیگرى)
جهل بسیطدر که عالم و فاضل اولق شاندندن ایکن تحصیل علم شریف
ایتمیویده جهالت قیوسنده قالوب کندوسنده قطعاً علم اولما مقدر
هر نه در لو اولور ایسه اولسون دنیا ده و عقبا ده جهل کبی کوتو
و مذموم بر حال و صفت یوقدر روضه الاخبار ده مسطور در که
بر ذاتدن (جهلمدن کوتو برشی بیلور میسکز) سؤال اولند قنده اولذات
(اوت جهلمدن کوتو بر ادمك کندوسنك جاهل اولدیقنه جهلیدر)
یعنی بیلدیگی بیلامکدر جوابی ویرمشدر جهالت تربیه سز حیوان
کبیدر اوزرینه راکب اولان دوشوب بر طرفی قیرار و صحبت و الفت
ایدن ذلیل و حقیر اولور بنابران جاهل ایله مصاحبت ایتمك و انكله
انست ایلك جهلمدن صاییلور زیرا دائماً ارباب علم و ادب ایله کورشمك
لازمدر جاهل و کوتو کیمسه لر ایله کورشمکده اگر چه برشی یوغیسه ده
ناس اراسنده سوء ظنی دعوت ایدر بر حالدر و بویله سوء ظنی داعی بولنان
احوال و حرکاتدن اجتناب ایلك اقتضا ایدر زیرا متاع ناموس الدن
کیدر جاهل اولان مال و منال استر و غافل اولان ذات علم و کمال طلب ایلر
مواهبک زیاده خیر لوسی عقل و ادبدر و مصائبک التزیاده شر لوسی جهلمدر
(بیت)

لا تعجبین الجاهول حلتہ * فذلک میت و ثیابه کفن
یعنی جاهل کیدیگی زیب و زینتلی البسه یی تحسین ایتمک زرا اول
جاهل میت و لابس و ملفوف اولدیغی البسه فاخره کفن حکمده در
چونکه فضیلت و انسانیت ما کولات و مشروبات و ملبوساتک خارج
و ماوراسنده در دیشلر که بو باغ و بوستان جهاندن علم و کمال اغا جلرینی
یتشدیرن شرف و شهرت میوه لرینی دیوشیر احسان و عطیه شجره لرینی
دیکن بین الانام محبت و دوستلق ثمره لرینی طویلار کبر عجب غرور
حرص طمع اغا جلرینی غرس ایدن بغض و عداوت ذل حقارت محنت
یشلرینی الور فکر و غار درختنی دیکن حکمت و مهابت فاکهه لرینی

افتخارف و حاصل ایلر و دائماً سوزی آز و طوغری سوبلک و کذب و دروغ سوبللمک و هر کسک قدر و حیثتته کوره رعایت و حرمت و کوچکلره تواضع و ملائمت ایلمک انسانک قدر و اعتبارینی و اخوان و اقربان اراستنده حب و موالاته مظهر اولسنی زیاده ایدر اما متکبرلره کبر ایتمکده برأس یوقدر بلکه تصدق صاییلور .

(بیت)

تواضع یافتی فی کل حین * ولا فخر ولا کبراطین

یعنی ای انسان هر آن وزمان تواضع ایله زیر طویراق و چاوردده فخر و کبر و غرور یوقدر هر کس اوزرنده یورر حلیت و تواضعی غایت چوقدر سنده فی الاصل تراب و طویراقدن برادلش و اتشدن خلق اولنماش اولدیفکدن آتش کبر و غرور ایله خلقتک جکرلرینی یلقه و او یله حقارتله هر کسک یوزینه باقمه و نبرن کبی آکری نظر ایدرک سندن کوچک اولئرک بنای قبلرینی بیقمه و نظرگاه خدای متعال اولان بیت دلی شیء حقیر ظن و کمان ایتمه و دائره ادب و عرفان خارجه چیمه زیرا صکره تأسف اللربنی ندامت دیزلرینه اورمق و سدمات پرمقاربینی حیف و حیرت دهاننه الحق قطعاً فائده و برمز و اول منهدم و پریشان اولان خانه قبلر قبول تعمیر ایتمز چونکه دنی و الحاق اولئر چولده عطشان اولئرک نفع سیراب ایله اغترار ایلدکاری مثلاً و شرافت انساب ایله افتخار ایدرلر بوده دأب و عادت جهله دندر « ان اکرمکم عندالله اتقاکم » نظم جلیلی مفادینجه (ناسک زیاده اکرم و اشرفی عند خداده متقی اولئردر) زنهار کبر و غرور دن زنهار شیطان علیه مایستحقک درگاه جناب پروردگار دن مطرود و مری دود اولسنه برنجی سبب کبر و غروریدر .

(شاکرد)

آداب حسن معاشرت احباب ندر .

(استاد)

(حدیث شریف)

آداب حسن معاشرت تصادف اولدوقده بر برلرینه سلام و برهک زیرا یوبایده « ان السلام اسم من اسماء الله فافشوه بینکم » حدیث

شریفی شرفساخت اولشدر یعنی (سلام اسماء الهیهدن بر اسمدر
انی ینکنزده افشا ایدبکن) واقضای حالده بر برینه معاونت ومظاهرت
ایتمک ومجلسلرده بری دبکرینه و اوطوران کلنه قیام ایدوب برکوسترمک
و برینک ایراد ایلدیکی کلامی اتمام ایتمدن اول بر اقدرمیوب جان
قولاغیله دگله مک و تحقیر واستهزا یوللرنده بولنماق ومغموم و مکدر
اولئر ایله مغموم و مکدر و مسرور و دلشاد اولئر ایله مسرور و شاد
اولق و شاید غیظ و غضب وحدت و تعب طاری وعارض اولور ایسه
بودر دغضب وحدتک درمانی بولنان صحت و سکوتی اختیار وانتخاب
کوشه شکیب واضطبار ایدوب اخذ ثار وانتقامه قیام ایتمک وغرض
و نفسانیق و کین وعداوتی دلدن چیقاروب هرکسه رعایت و حرمت
ایتمک و سوزی غایت ملائمتله سونیک و برکیمسه بی تعیب ایلماک
و برینک بحسب البشریه بر خطاسی وقوعبولورده اعتذار وندامت
ایدر ایسه انک عذرینی قبول ایتمک و بری برحالت مذمومه وحرکت
مقدوحده کور یلور و برینک بعض سوء حال و افعالی استماع
ورؤیت اولئور ایسه انی خلقة افشا و اشاعه ایتماک (واذا مروا
بالغو مروا کراما) ایت کریمه سی ماضد قبحه انی رسوای طلم
ایتموب الدن کلان لطف و کریمی در یغ ایلماکدن عبارتدر و قدرت
تعلق ابتدیکجه دنیاده دوستلری دائما تکثیر ایتمک و دشمنلری کئندوسنه
دوست ایلمک و هرکسه کئندوسی سودر مکه اقدام وغیرت و اهتمام
ودقت ایتمک بیوک بختیار اقدر فی الواقع بدبخت اول شخص بدسیرت
وزشت صورتدر که حال موت و یا غیبوبنشد هرکس انک سوء
اخلاقنی یاد و تذکار و بر مصیبت و داهیه اصابت ایلدیکی حالده
کئندوسی فغان و زار ایدرک زاویه ملامتده قلوب عالم اظهار
شادمانی و مسرار و علی طریق الاستهزا وانتقام بعض ازرده دلان
خاطرینی سؤال واستفسار ایدر کیدر لر

✽ بحث سلام ✽

(شاگرد)

بین الاسلام مرعی الاجرا بولنان سلامک اصول وادابی ندر .

(استاذ)

(اذا جئتم بنحية فحيوا باحسن منها) آيت كريمه سى مصداقجه
 (طول حيات ايله يعنى حياتك قوت و كالتى مؤدى اولان سيلك
 حصوليله دعا اولديغىكز وقت اول نحيه وسلامك احسنيله رد نحيه
 وسلام ايدىكز) ديمكدر اشبو نحيه دن مقصود افات دينيه و دنياه دن
 سلامتله دعا معناسنى متضمن سلام اولديغنه جمهور علما ذاهب اولوب
 سلام و يرلدىكى زمان اول سلامك احسنيله رد و ارجاع اولمىسنىك
 وجويسته قائل اولمشلردر مثلاً برمسلم (السلام عليكم) و يا خود (سلام
 عليكم) ديرسه (و عليكم السلام و رحة الله) ديمك و يا خود و (رحة الله)
 كله سنى علاوه ايدر ايسه (و بركانه) كله سنك زباده سيله رد سلام ايلك
 واجبدر جله سنى تعداد ايدرك سلام ايلانه و (عليك) ايله رد ايتك
 كر كدر كه (رسول الله الملك السلام عليه الصلوة والسلام) بوصور تله
 رد سلام بيور مشلردر (سلام) اسماء الهيه دن اولمىسيله حين ملاقاتده انكله
 بدأ كلام ايتك فضل و مزيت و تحكيم رشته اخوت و كافه مصائب دن
 سلامتله بر دعار • امام ابو يوسف رجه الله بيور مشدر كه واسطه
 شفا هيله تبليغ اولنان سلامى شفاها و قلم واسطه سيله توارد ايدن سلامى
 تحريرا رد ايتك واجب اولور مسنون اولان سواري پيساده يه
 واسب سوار راكب حاره و صغير كبيره و قليل كثيره سلام و برمكدر
 جناب حق آدم عيله السلامى خلق ايله نفخ روح اولندقدن صكره
 ملكره كوندر و ب انلره (السلام عليكم) ديوب عودت ايدنجه جناب
 رب منان (يا آدم اشته سنك و ذريتك نحيه و سلامى بودر)
 بيور مشدر بركون (فخر الانبيا عليه افضل التحايا) افندمرك يد
 سعادتلر ينه صو دوكر كن سر حكمت مقرر بنى قالد بروب (سكاوج
 خصالى تعليم ايدىمكه انكله انتفاع ايدىسن اخمدن بر ينه واصل
 و خانكه داخل اولديغك زمان سلام ايله كه عرك اوزون و خانه ده
 خير كثير و افزون اولسون و ضحى نماز بنى ادا ايله) ديوب فرمان
 بيورمش اولدقلا بنى (انس رضى الله عنه) روايت وسلامك درجات

وفضائلك كثير اولديغنه بعض آيات قرآنیه واحادیث نبویه دلالت
ایدر سائر انبیا اسانلرندن واقع اولدیغی مثلوا جناب رب الانام (نوح
علیه السلام) اسانندن مؤمناره سلام ایله (یانوح اهبط بسلام منا
وبركات عليك وعلى ائمتنا من معك الابه) یعنی (یانوح یزدن مکارهدن
سلامت وبركات سنك وبرابر اولنلرك اوزریندا اولدیغی حالده سفینهدن هبوط
و نزول ایله دیمکدر) سفینهدن نزول ایلدکلری عاشورا کونی متشکرا
وعوما صائم اولوب واولوقته زاد وارزاقی قائمبوب اخشام تقرب
ایلدکده بعض طرفدن بقیة ارزاقدن احضار اولنان بغدادی وصدس
مثلویدی درلو حبوباتدن مرکب طبخ ایلدکلری طعمای تناول ایلدیلر
بعد الطوفان ابتدا طبخ طعام ایدن (نوح) علیه السلامدر ایشته
عاشورا اول زماندنبرو سنت اتخاذ اولنوب بالطبخ اطعام مساکینه
اجر جزیل وارددر فقط بوم مذکورده ایکی طرفه مشابهاست لازم کلامک
ایچون نه اجرای عید سرور ونه ایقای ماتم اولنلیدر والسلام .

(شاگرد)

اداب طعام ندر .

(استاذ)

اداب طعام درتدر اولکی هر بر امور مشروعهده انکله شروع ایتک
لازم کلدیکی کی بمسئله شریفه ایله باشلیوب بعدالطعام جناب رزاق
جهانه جد وشکر ایلدکدر ایکنجی فقرا ایله طعام اولنور ایکن طعام
ونان عزیزى طولدردق و بول وچوق کوسترمکدر اوچنجی
اخوان و اقرا ن ایله طعام اولنور ایکن بشاشت و کول بوز کوسترمک
« اطعموا الطعام واطیبوا الکلام » حدیث شریفی مدلولجه
مزاج واطیفهلی کلام ایتک و بولنلرک ذره قدر خاطر لرینه طوقومیه جق
صورته سوز سولیک وقلبلرینه القای مسرت الیک وائشای طعامده
لقمه لرینه و کیفیت اکل و تناول لرینه و بوز لرینه باقامق و انلردن اول
طعامه ال اوزاتمامق و انلردن اول قالمقامق و اطرافه نظر ایتمامکدر
درنجیمسی بیوکلر ایله بر سفرده تناول طعام ایلدیلور ایسه رسوم وادابه

(حدیث شریف)

۲۰

(رعایت)

رعایت ایتک و یواش بواش بیک و دائماً اوکنه باقی و هر بر سوزه
قارشیموب شاید نوبت کلدیکه و برشیدن سؤال اولندقیه ادیبانه
تفکر ایدرک و اطرافی کوزه درک سوز سولیک و سوزی اوزاتموب
تیر تمام ایتک و اکثر ساکت و صامت اولق و انلردن صادر اولان
کلای استماع ایتک و بلا موجب کولامک و کولک ایجاب اینسه بیه
اولیه فقهقه ایله کولیموب ادیبانه تبسم ایتک و چوق طعام ایتمامکدر .

(شا کرد)

اداب کلام ندر .

(استاذ)

اداب کلام دائماً سکوت ایتک « احب الحديث الى الله اصدقه »
حدیث شریفی مدلولجه سوزی دائم طوغری سولیک و محافل
و محاسنه سوز سولیکه نوبت کلدیکه اراد کلام صواب و سؤال
اولندقیه ادیبانه اعطای جواب ایتک و اوراده بولنانلرک برینه
و یارینک دوست و احبانه طوقونیهرق دوشونه دوشونه و تفکر
ایده ایده تکلم ایتک و مناسبت کلای کوزتک و بحث شکردن شابه
انتقال ایتیموب بالدن و یا حلواندن بحث ایتک و مجلس خلقی تصدیق
ایدهجک صورتده رشته مقالاتی و طومار کلماتی اچوب اوزاتمامق
و یزم محبتی کندینه جصر ایتمامک و هر کسی کوز حبسته المیوب خلقه
فتور و برمامک و هر بار کندی احوال و افعالنندن بحث ایتمامکدر
لکن افضل اولان سکوت ایدوب سامعیندن اولقدر زبرا حضرت
(علی المرتضی) کرم الله وجهه بیورمشلردر که (اذا تم العقل نقص
الكلام » یعنی برانسانده عقل تمام اولدینی وقت کلام نقصان اولور
دیمشلردر که (انما يهلك الناس فضول الكلام و فضول المال) یعنی
ناسی اهلاک ایدن فضله و زیاده کلام ایله مالدر بناء علیه سوز
سولیموب اینسه از سولیک لازمدر لکن سوز سولیک اقتضا
ایلدیکی برده سکوت ایتکده خطادر (خیر الکلام ما قل و دل)
یعنی کلامک خبرلوسی الفاظی قلیل و معناسی کثیر اولاندر الحاصل

(حدیث شریف)

لسانك جرمى كوجوك وجرمى يوكدر اول سببدن دأما پرهيز اوزره
بولمق اقتضا ايدركه انسان بواسطه لسان گرفتار ورطه فراوان
ودچار مفاك بلاى بنى پايان اولور .

(شاگرد)

غيبت وپنهان ندر .

(استاذ)

غيبت غائب اولان يعنى مجلسده حاضر اوليان بر شخص معين حقهده
سوز سويلكدر اكر حقهده سويلان حال اول شخصده موجود اولوبده
يوزينه قارشو سويلنديكى زمان كوچنه كيده چكى دركار و محقق
ايسه اكا غيب دنيور كه حرامدر واول حال كندوسنده بوغيسته
اكا بهتان دنيور كه بوده حرامدر و يوزينه قارشو سويلنديكى حالده
كوچنجه چكى حالدن بحث و بيان اولنور ايسه بوند، بر باس يوقدر .

(شاگرد)

نجسس نه ديمكدر .

(استاذ)

نجسس مجمع خلق كيرلى كيرلى طولاشوب وخفيا اوده و بروده كزوب
هر كسك حال وحر كتنى ارامق وسويلان سوزى استماع ايمكدر كه
حرامدر حتى ايكي كشى كلام ايدرايكن يانلرندن كچهرك قولاق مسافرى
اولق دخی بوبله در .

(شاگرد)

صداقت نه ديمكدر .

(استاذ)

صداقت الفت وانسيت اولنان ذات ايله دأما غرض وعوضدن عارى
وبرى اولديغى حالده كال رعابله كورشمك واول ذاتى كشدنى نفسكر
كبي بيلك واولذاك سزى سوديكي درجه دن دها زياده انى سومكدن
واساس محبت وبنای الفت وموده ذره قدر خلال ويره جك معامله
وحر كتندن اجتناب ايمكدن عبارتدر ظاهرده سورجه سنده معامله

(كوستروت)

کوستروب و باطنده بغض و عداوت و یوز یوزه کلنجه دوستک
 و برادرک صورتی ایما و اظهار ایدوبده عن ظهر القیاب یعنی
 کندوسی موجود اولدیغی برلده مذمت ایدرک دشمنک ایتکه
 اقدام و غیرت اولماملیدر زیرا بومثل و صفات مذمومه ایلله متصف
 و مألوف اولنلره عقلا و شرعا منافق دینور (ان المنافقین فی الدرك
 الاسفل من النار) یعنی منافق نار جهنمک درجهٔ اسفلده معذبلر بنابران
 بومقوله صفاتک ترکنه صرف مساعی و قدرت و زنهاری ایکی ذاتک
 ارسنه کوروب میانلرنده اغلائی دیک فساد ارزوسیلله هیزمکش فتنه
 و شر و اول آیت کریمهٔک مأل شریفنه مظهر اولمامنه دقت « والفتنه
 اشد من القتل » نظم کریمی مدلول شریفجه فتنهٔک قتل نفسدن
 ده اشد و اشنع اولمسیله الدن کلد کجه مغیر و طارغن اولان ذواتک
 یئلرینی اصلاح و قیللرینی تألیف ایتکه بذل مقدرت ایتلیسکز که
 واصل اجر جزیل و نائل لطف جلیل اوله سکز بر حکیم صادق دوستک
 علامت و نشاندن سؤال اولندقدله لفظ صداقتک عالیده اسمی موجود
 ولیکن جسمی معدومدر دیو جواب و برمشدر بر کیسه بی ایجتهمه
 و کیسه بیه کوتولک ایتمه و داعما ایولک ارزوسنده بولملیسکز و هرکنی
 سزدن خوشنود و راضی ایتلیسکز

(شاگرد)

ایولک ندر .

(استاذ)

ایولک سز هر نه و جهله و هر نه شی ایلله راضی و خوشنود اولور ایسه کز
 خلقه دخی اولوجهله معامله ایتک یعنی خلقی بالذات نفسکز کبی عد
 و فرض ایدرک حرکت و معامله ایتکدر نفس هرشیدن مقدم اولدیغی
 مثللو خلقک نفسلرینی دخی اوله بیلکدر لیکن ایولک بیلیان ادمه ایولک
 ایتک ایولک بیلیان ادمه کوتولک ایتک کیدر .

(شاگرد)

کوتولک ندر .

(استاذ)

کو تو لک بر سنک حقنده اجرا ایدہ جک اولدیغ کرشی ابتدا نفسکزه عرض
و کند بکری آخر بر کیسه فرض ایدوب نفسکزه راضی و خشنود اولدیغی
شی خلقه یا بقدر حق مجلس ملائک انیس سعادته « سید کائنات علیه
افضل الصلوات » افتد مزک پند و نصیحتلرینی استماع ایدنلردن
بر ذات حکمتسمات ایاغه قانقوب « یار رسول الله کو کلم زنا یتک استر »
دیگه متجاسر و بو باده اراده حکمتعاده سنیلر یتک شرف صدورینه
مترقب و ناظر اولمسله اول سرور عالم و مقربنی آدم صلی الله علیه و سلم
اول ذاته خطابا « سنک والده که یا خود همشیره و یا همسر که بر یسی
زنا یتک قصد و نیت ایلسه راضی و خشنود اولور میسن (بیور مسیله
سائل موی الیه زیاده شرم و حجابله خیر (یار رسول الله) دیوب توبه
و استغفار ایلدیکی مر و یدر اشته افعال و اقوال مضره ساره بوقصه
بر حصه قیاس و تطبیق ایدیلور ایله ایولک ایله کوتلک ظاهر
و باهر اولور .

(شاکرد)

ضیافت کیمدن قالمشدر .

(استاذ)

ابتدا مسافری دعوت ایدن و خلقه ضیافت ورن اب رحیم حضرت
(ابراهیم) علیه السلام افتد مزدر « اول من اضاف الضیف ابراهیم
الخلیل » حدیث شریفی بومعنا ذلات ایدر چونکه کیندولی
افراط جود و سخاوتله مفطور و موصوف اولوب یالکن طعام ایتمکی
سومد کلرندن هر طرفدن مسافر کلک و قیوی اچیق کوروب سفره
سخاوتلرند مسافر بولمق ایچون چار جهاته اچیلور درت قبولی
بر سعادتلرند بنا و انشا بیور مشلر ایدی حتی مسافری ارابوب بولمق
و برابر تناول طعام ایدرک انلره اکرام ایلک ارزوسیه بر قاچ ساعت
مسافه اوزاق برلره کیدر و مسافری بولوب کتورر برابر طعام ایدرلر ایدی
اشته ضیافت اول خلیل الله حضرتلرندن موروث اولدیغندن و بزده

(حدیث شریف)

(انک)

انك ذريقتدن بولنديغىمىزدن مسافره درجه سىز اعتبار و حرمت وعادتا
قالقوب بالذات انلره خدمت ايلك الزم واهمدر .

﴿ لطيفه حكيمه ﴾

بركون امام على رضى الله عنه وكرالله وجهه افندىمىزك مزاج
شريفلىزىنه برمقدار انحراف كلكده خاطر خاطر حيب درانه لىنى
استفسار و عبياده ايتك وسيله سيله ابوبكر الصديق و عثمان ذى النورين
رضوان الله عليهم اجمعين خانه سعادت آشيانه لىنى تشريف
و كندولرىنى تلطيف بيوردقلىرى ائشاده اوراده برىباض و غايله پارلاق
برطاس و دروننده قيرمىزى و كوزل برمقدار بال وانك ايچنده دىخى
سياه و اينجه برقىل كوروب اول طاس اوكلارنده اولدىغى حالده
« ابوبكر الصديق رضى الله عنه افندىمىز » بيورلى كه « هر برىمىز
شوبال اوزرىنه اوچر كلام لطائف انجام صرف و ايراد ايتىمىجه
اندىن اكل و تناول ايتىمىم » ديوب شو و وجهله ايراد كلام حكمت انجام
بيورلى « دين اسلام بو طاسدن انوردر » و « ايمان بو بالدىن طاتلىدر
و حكم شرع شريف بوقيلدىن زباده اينجه در » عمر الفاروق رضى الله
عنه « جنت شو طاسدن انوردر و جنتك نعمتلىرى شوبالدىن طاتلىدر
و صراط دىخى شوقيلدىن اينجه در » عثمان ذى النورين رضى الله عنه
« قرآن كريم بو طاسدن انوردر و قرآن عظيمى او قومق بو بالدىن طاتلىدر
اما قرآن شريفك تفسيرى بوقيلدىن زباده اينجه در » امام على كرم الله
وجهه « مسافرك بوزى شو طاسدن انوردر و مسافرك كلاهى شوبالدىن
طاتلىدر . وليكن مسافرك قلىبى شوقيلدىن دها اينجه در »

(بيت)

سردار جمع اصدقاء * سرتاج بزم اصفيا

عين رساله حيا * نور جلال اوليا

حضرت بوبكر و عمر * عثمان و على حيدر

﴿ ديكر مكالمه حكيمه ﴾

روايت اولوزر كه بركون « سيد كائنات عليه افضل الصلوات » افندىمىز

حضرت تبری چهار بار کزین رضوان الله علیهم اجمعین ایله اجتماع بیوروب دنیاده زیاده سودکاری شیلرک ذکر و تعداد بیورلمسی حقننده یینلرنده وریلان قرار اوزرینه اول « مفخر موجودات علیه اکل الصلوات » افندمن شووجهله درر افشان کلمات حکمت غایات اولورلر « دنیاده رابحه طیه ایله نسا و نمازی زیاده سورم » ابوبکر الصدیق رضی الله عنه « بنده یار رسول الله دنیاده حضور پر سعادته اوطور منی و جمال باکمال رسالتنهایه نظر ایتکی و برده جیع مال و منالمنی سزه تقدیم ایلکی زیاده سورم » بیورمسیله عمر الفاروق رضی الله عنه « بنده یار رسول الله امر بالمعروف و نهی عن المنکر و حفظ حدود اللهی زیاده سورم » عثمان ذی النورین رضی الله عنه « بنده یار رسول الله افشای سلام و اطعام طعام و هر کس او بورا یکن کچه صلاته قیام ایتکی زیاده سورم » علی المرتضی رضی الله عنه « بنده یار رسول الله مسافره اکرام و موسم صیفده صیام و حضور لامع النورلر یکرده ضرب سیوف و سهام ایتکی زیاده سورم » در حال « جبرائیل علیه السلام » نازل و قاتل اولوب « بنده یار رسول الله مساکین و ضعیفانی سومکی و امانتی یرینه تسلیم ایتکی و رسالتی تبلیغ ایلکی زیاده سورم » بیورملرینی متعاقب « جناب رب الانام » وحی و الهام بیوروب « بن عظیم الشان دخی دنیاده اوچ شیئه محبت و افاضه بحر رحمت ایدرم صبر ایدن جسد و بدنی و بنی ذکر ایدن اسانی و دائمًا شکر ایدن قلب انسانن زیاده سورم » بیورمشلردر بونلرک بوراده ایراد بیوردقلری هر بر کلامک نیجه بیک نکت و مزایا و نیجه نعم جناب کبریا به رمز و اشارتی و بند و نصایحه ایما و دلالتی اولدیغی کوندن اظهر و ایدن انوردر .

✽ اطفیه حکیمه ✽

سید الثقلین و جد الحسنین الاحسنین صلی الله علیه و سلم (حسنین) رضی الله عنهما نیک نیازلرینه مبنی بونلرظهر حکمت مقررینه راکب اولدقه دوه کی برصوت و صدا و برملرینی رجا ایتلری اوزرینه اول حبیب

رب غفار یمین و یسار و قداملرینه اوچ دفعه (عفو) صدای حکمتنامی
 انلرک قلملرینک مطیب و مسار و امت مرحومه سی نشنک کنه املرینک
 عقوبله نعم چنانه سزاوار اولملرینه باعث اولشدن برکون مسجد
 سعادت طریقنده بعض صبیانک ذات رسالتناهک دامن سعادتلرینه
 صاریلوب و برمدت اوراده توقیف ایلوب (یا رسول الله حسن
 و حسین حضراتنه اولدیغکز کی برده جل اولکز) استرحاملرنده کی
 الحاح و ابراملرینه بناء (بلال حبشی) رضی الله عنهی خانه سعادتلرینه
 تسیار واسرا و اورادن استحضار بیورمش اولدقلری سکز عد جوزی
 صیانه اعطا و بو صورتله ابادی تکلیقلرندن کندولرینی ره-
 بیوردقده (رحم الله اخی یوسف باعوه) ثمن بخش دراهم معدوده
 و باعونی ثمن جوزات (بیورمشلردر) الله برادریم یوسفه رحمت
 ایلسونکه انی دراهم قلیله و یا حرام دراهم ابله برادرلی سیاره یعنی
 قافله یه صاندیلر و بنی سکز جوزه بیع ایلدیلر) دیمکدر چونکه اخوه
 یوسفک مقصودلی انی پدرلرندن جدا ایتک اولدیقلندن سیاره اوچ
 کون صکره قیودن چیقاردیغنی انده برادرلی یتشوب و کوله لری
 اولدیغنی ادعا ادوب یکریمی ایکی درهم اخذیله سیاره یه فروخت
 ایلدیلر ایدی سیاره ابله مصره متوجها کیدر ایکن یولده مقابرال
 یعقوبه اوغراوب و اوراده کوردیکی والده سنک قبری اوزرینه راکب
 اولدیغنی دوه دن کندوسنی اتوب (ای والده برادرلی صاقوب بند
 زنجیرملو کیت اولان اوغلاک یوسفه نظرایله) دیهرک بکایتکده اولدیغنی
 انک محافظه سنه مأمور بولان سیاره نک غلام بد نامی کورمسيله یانته
 واروب غنیخه رخسار آلرینه برسيله اورمسيله فم سعادتلرنندن عقیق
 کی دم سیلان ایتسنی متعاقب (جبرائیل علیه السلام) نازل و السلام
 علیک یا یوسف صوتکی کسکه بتون ملائکه بکایتکده در استراسه کز
 سیاره بی هلاک ایدیم) مضمونی قائل اولمسيله (یوسف علیه السلام
 یا جبرائیل عجله ایتمه الله تعالی حلیم و کریمدر) دیملری اوزرینه
 درحال ظاهر اولان رعد و برق و صاعقه و سایر علامات سماویه

مدهشه بی بر غضب الهی اولدیغنی سیاره حسن و ادراک و غلامک
معامله واقعه سی خبر الوب برای اهلاک انی حضور لامع النور لرینه
احضار ایدوب در حال قتلی عرض واستیذان ایتسیله (یوسف علیه
السلام بن جانیدن اخذ ثار و انتقام ایدنلردن دکلم بر جانیلری عفو
ایده رز) بیورمش اولملرندن اول مخاطب خطاب (انک لهلی خلق
عظیم) صلی علیه و علی اله الرحیم (الکریم ابن الکریم ابن الکریم
یوسف بن یعقوب بن اسحق بن ابراهیم) بیورمشلردر بورالری
بیاندن اصل مقصود درجات عفو و حلمتی شرح و تفسیر یله اخلاق
مذمومه و سیئه بی ترک ایدرک شمائل حیده ممدوحه ایله
انصافه تشویق و ترغیدر زنهار کبر و غروردن زنهار که ابلیسک
کثرت عبادتنه و فرعونک ملک و انهارینه و عمروک و حوش و طیورینه
و قارونک غنما و اموالنه و عوج بن عنقک قامت و قوتنه ایلدکلری عجب
و غرور و استکبار لرینه مبنی هلاک و پایمال و مطرود درگاه ذوالجلال
اولملرینه مغرور اولدکلری اشیا باعث اولمشدر و دهانجه کیسه لر
بو طریق مستقیمدن وادی فلاکت و ضلالتنه دوشمشلردر حفظنا الله
من شر سوء الاخلاق .

(شاکرد)

یعقوب علیه السلام اولادینه مصرک ابواب متفرقه سندن کبرملرینی
نیچون امر و اراده بیورمشدر .

(استاذ)

اولادینک حسن و جمالری مشهور اولدیغندن نظر اصابت ایتماک
قصدینه مبنی اوله کوکبه واحده هیئتده کبرما لرینی ارزو بیوردیلر .
(شاکرد)

اصابت عین صحیح میسر .

(استاذ)

اوت صحیحدر زیر (مفجر عالم) صلی الله علیه وسلم (العین حق)
بیورمش اولدکلرندن دعا رنده (اعوذ بکلمات الله التامات من کل

(شیطان)

شیطان وهامة ومن كل عين لامة) بیورمشلردر دیمشلردر که انسانک
سمی کوزنده وحیه نك زهری دبشلرنده در برشی حسن و عجبیه نظر
اولندیغی زمان (ماشاء الله) دیمک الزمدر که آفت عیندن مصون
اولسون هر مقصدك حصولی اسبابنه تشبث و رعایت ایتك ولکن
اول اسبابه کلیا اعتماد ایتماك اقتضا ایدر چونکه باغبانك اكدیکی
تخلك کیفیت نبات نشو و نماستنده مدخلی یوقدر انی انبات ایدن
جناب حقدر .

✽ بحث اسباب حفظ وصحت ✽

(شاگرد)

اسباب حفظ صحت ابدان و موجب علت وجود انسان قدر .

(استاذ)

فن طبابتده مهارتم یوغیسده بعض کتب نفیسه طیه دن استخراج
اولان مسائل مختصره مفیده نك بیاننه جسارت اولنور شویله که
باعث حفظ صحت و بادی ظهور علت بیان اولنه جق شیلردر حدیث
شریفده واقع اولمشلردر که (المعدة بیت الداء) یعنی معده درد
ومرضك نشأت ایدم چکی بیتدر کافه علل و امراض اورادن
ظهور ایدر بناران معده نك هضم و قبول ایدم میه چکی شیلرك اکل
و شر بندن دائما اجتناب و احتراز کرکدر حکما دیمشلردر که اصل
دنیاده مطالب ابکی نوع اولوب بونك بری خیر و دیگری لذتدر
وبونلرك حصولی انیحق صحت وجوده موقوفدر دیمشلردر که درت
شی بنای بدن انسانی هدم و خراب و حدیقه عافیتی برباد و بیاب
ایدر برنجی طوق ایکن جماع و ایکنجی طوق اولدیغی حالده
استحمام و اوچنجی صوسز قدید و قوری شیلری اکل و تناول
در دنجی عجزوی نکاح ایتمکدر جالینوس دیمشلردر که افراط غم و الم
قلب آدمی اولدر و طمترلده جریان ایدن قانی طوکدورر و افراط
سرور دخی حرارت دمه شدت و یروب حرارت غریزه یه غالب
اولمسیله موجب هلاک بشر اولور طوق اولدیغی حالده اوزرینه

ادخال طعام ايمك مستوجب علت اوله جفى اتفاق اطبا ايله نائدر
(قطعه)

جميع الطب في البتين درج * وحسن القول في قصر الكلام
فقل ان اكلت و بعد اكل * تجنب فالشفاء في انهضام
وليس على النفوس اشد بأسا * من ادخال الطعام على الطعام
يعنى طبك كافهسى ايكي بيننده مندر جدر كه كلامك زياده مقبول
واحسنى مختصر يدر اكر اكل طعام ايدر ايسك از اكل ايدوب
بعد الاكل تناول طعامدن اجتناب ايله كه فائده و شفا انهضام
طعامده در برده نفوس بشريه اوزره طعامى طعام اوزرينه ادخال
ايمكدن يعنى يمك يدكدن صكره قبل الهضم يمكدن زياده مضرت
و ير برشى يوقدر . (قطعه)

توفي شرب الماء في خمسة * فانها جالبة للسقام
عقيب جامك والنوم والاعياء * والياه و اكل الطعام
يعنى بش محله صو ايمكدن كندوى توفيه و حفظ ايله كه اشبو بش
محله صو ايمك اسقام و امراضى جلب ايدر جام و نوم و جاع
و بور غنلق و طعام عقينده صو ايمكدن احتراز كر كدر جالينوس
صحت ابدانك دواى رياضت و جبهده تكاسلى و معده يى طعام
و شراب ايله امتلاى ترك ايمككه حصوله كلور هر برشيك اكل و تناولده
اقتصاد و اعتداله جيه دينور كه مقدار و تحملدن زياده اكل طعام
روحك ساحه سنى ضيق و طار و مسامات ابدانى سد ايدر بناء عليه
البطنة بيت الداء * والحمة رأس كل دواء * واعطوا كل بدن ما اعتاد
وارد اولمشدر يعنى معده امراضك بيت و محليدر جيه دخی هر بدوانك
باشيدر هر بر بدنه معتاد اولديغى شىء اعطا ايدبكز كه موجب علت
اولسون الافلال من الضار * خير من الاكثار من النافع
يعنى وجوده ضرر و يريجى شيلرى از التمسق نفع و فائده و يريجى
شيلرى چوغا لتقدن زياده خيرليدر اطبا اتفاق ايمشدر كه كافه
امراض كثر جماع و كيجه زى قلت نوم و كوندزلى كثر نوم

و جوف ایلده شرب ماء و طوق ایکن تناول طعام و حبس و توقیف
بول ایله ظهور ایدر یعنی بوالقی اشیا باعث ظهور علت ودا اولور
نواایع الکلمده اذا کثر الطاعون * ارسل الله علیهم الطاعون
یعنی طغیان ایدیچی چوغالدیغی وقت جناب حق اوزرلینه طاعون
ارسال ایدر طغیانک کثرتی ظهور طاعونه سبب اولور مثنوی شریفده
(از زنا افتد و باندر جهان) یعنی علت ویا جهانده زنادن واقع
اولور تلف و سرف اولنان منیدن اشخاص خبیثه ظهور ایدوب
طعن ایتدکری کیمسه لرک وجودلرنده چنانلر پسدا اوله رق وفات
ایدرلر دیمش لر که سببی معلوم اولان امراضک شفافی موجوددر
خسته اولان کیمسه یه نفسک استمدیکی شی ویرمکن استمدیکی
شی ویرمک انفعدر دوا ضرورنده تناول اولور که دوا و علاجک
اصلاح ایلدیکی قدر افساد ایده چیکی درکاردر طبیب دواسر
اغدیله ایله معالجه ایدر ایسه بو حال سعادتیه موافقدر و دائماً کوروب
معاینه ایلدیکی کیفی سزلی صحت ایله تبشیرایتمک لازم کلور که بشارت
صحت ادویه دن مؤثردر و هر یض دخی دائماً اعتماد ایتدیکی برطبیبیه
هر اجعت ایتمک اقتضا ایدر دیمش لر که افراط اوزره حیه و مبادرت
ادویه و تقلیل اغدیله حفظ صحت ایتیموب بلکه بالهکس امراض
متعدده بی جلب ایدر حجاج طبیبیدن جوامع طی استخبار و سؤال ایتدکده
طبیب استفراش ایچون نسوانک و تناول لحم ایچون حیوانک کنج
وتازه سنی و قوشاق طعامندن صکره ارقه اوستی یاتوب او بومسنی و اخشام
طعامندن صکره دیکن اوزرنده اولسه یله کریمسنی و اقدیحه اکل اولنان
طعام هضم اولدقجه دیگر طعامک ادخال اولنماسنی و قبل الهضم
برای خواب فراشه یاتماسنی و میوه لرک اول وقتنده تناول اولنوب
آخر مومئنده اکلندن اجتناب اولنماسنی اخطار و بیان ایتشدرد .

(شاکرد)

جهار یار کزن حضرتیه « صدیق و فاروق و ذی النورین و کرم الله
وجهه » مثلاً الفاظ مسعوده و مبار که نک علاوه سنه سبب ندر .

آخر زمان پیغمبری و پیغمبرك سروری « صلی الله علیه » و سلم افندمن
 حضرت تلمیذك نبوت و رسالتكی و جسد سعادتكی و قو و جولان معراجكی
 رجالدن ابتدا « ابوبکر رضی الله عنه » تصدیق بیوردقلری اجلدن
 « صدیق » تسمیه بیورلشدن بر کون بر موسوی ایله بر منافق برای محاکمه
 حضور حکمت مشور حضرت پیغمبره چقبوب و دعوالرینی عرض
 و تقریر ایدوب یهودینك خلقی و منافقكی حتمسز اولدیغی ظاهر اولمسیله
 بعدالحکم منافق مر قوم خانه عدالتوایه حضرت « عمر بن الخطاب
 رضی الله عنه » افندمنه واروب بتکرار دعوائی اکا دخی عرض
 و اقرار ایتسی اوزرینه حر مسرایلرینه بالدخول برسیف عدالتی
 مسلول ایدوب « الله و رسولك فصل و رویت بیوردقلری حکم
 شریفه راضی و قاتل اولیانك جزای سزاسی سبف قاطع سیاست
 و سنان لامع عدالتدر دیوب اولمنافق در حال قتل و اعدام و دائماً حق
 و باطلی تفریق و تمیز ایتکه دقت و اهتمام ایلدیکی جهتله کندولرینه
 « فاروق » توسیم بیورلشدن « رسول اکرم و نبی محترم صلی الله علیه و سلم
 افندمنك کریمه محترمه لر » و امیر المؤمنین عثمان بن عفان رضی الله
 عنه افندمنك کریمه مکرمه لر « رقیه رضی الله عنها » ارتحالندن
 صکره « ام کلثوم رضی الله عنها تزویج بیورلش اولمسیله کندولری
 « ذی النورین » ایله بنام اولمشلر ایدی اولدخی کلشنسرای بقاده
 ارام ایتسیله رسول اکرم صلی الله علیه « باعثمان اوچنجی کریمه دها
 اولیدی اتی دخی سکا تزویج ایدر ایدم » بیورلشدن « امیر المؤمنین
 علی بن ابی طالب رضی الله عنه » افندمن حضرت صدیق اکبرك ایمان
 ازلیه سنك اظهارندن صکره اون یاشنده اولدقلری حاله دعوت سزایمان
 ازلیه سنی اظهار و اقرار ایلدیکنندن و انك روی عنبر بولری اصنام
 و اوثنائی کورمسیکنندن کندولرینه « کرم الله وجهه » لقب شریفی
 اعطا بیورلشدن حتی هر و بدر که بعین مادر نه ارسلان کبی باتور ایکن
 والده سنه کلباسیه کتمک و کیمسه ده اوراده اجرای آیین ایتک قطعاً

مستتر اوله مستدر چونکه گاه کندوسنه وجمع بطن طارض اولوب
کتمه مقتدر اوله من وگاه اول « اسدالله الغالب علی بن ابی طالب
کرالله وجهه » رحم مادرینی دورتوب رنجیده اولسوله اجرای عادت
وآیین ایده من ایدی بونلرک مدایح لطیفه و مناقب شریفه لری کتب
سیر و مناقبه بر تفصیل بیان بیورلشد در ایشنه بونلر چهار یار
وعلی الترتیب خلفای رسول جناب کرد کاردرلر .

✽ روضه ثالثه ضروب امثال ✽

(شاکرد)

ضروب امثالدن برقاج کلمه لطیفه نک بیانی رجا ایلرم .

(استاذ)

ضروب امثال و کزیده مقال غایتله چوق ایسه ده فائده دن
خالی اولدیغدن چند کلمه منیفه نک بیانه صرف مقتدرت اولنور
(کل حزب بمالیدیهم فرحون » هر قوم عندلنده موجود اولان
شیء ایه فرحلتورلر و انکله افتخار و مباهات ایدرلر) ماعلی الرسول
الابلاغ (رسول اوزرینه تبلیغدن غیری بر امر یوقدر انجق مأمور
اولدیغی شیء هر نه ایسه اتی رینه ایریشدیرر) لا یستوی الخبیث
والطیب (طیب ایه خبیث مساوی اوله من) من عمل صالحا فلنفسه
ومن اساء فعلیها (بر کیمسه صالح عمل ایشلر ایسه فائده سی نفسنه
و فناء عمل ایشلر ایسه مضرتی ینه نفسنه عائد اولور) لا یکلف الله نفسا
الا وسعها (الله بر نفسه بر شیئی تکلیف ایتمز انجق اونفسک و سعی
درجه تکلیف ایدر مقتدر اولدیغی شیئی امر ایتمز » افه العلم
النسیان » علمک افق او نو مقتدر » من حسن اسلام المرء ترکه
مالا یغنیه » انسانک وظیفه سندن اولمان شبتک ترک اولنسی اسلامک
حسنند ندر » اذا اتاکم کریم قوم فاکرموه » سزه بر قومک کریم
واشرفی کادیکی وقت اکا زیاده سیله اکرام ایدیکز » الید
العلیا خیر من ید السفلی » صاغ ال صول الدن زیاده خیر لودر
» من مات غریبا مات شهیدا » غریبه وفات ایدن شهید اوله رف

قرآن
قرآن

قرآن
قرآن
قرآن

(حدیث شریف)

۲۳

حدیث

(حدیث شریف)

۲۴

(حدیث شریف)

۲۵

(حدیث شریف)

۲۶

(حدیث شریف)

۲۷

(حدیث شریف)

۲۸

(حدیث شریف)

۲۹

(حدیث شریف)

۳۰

حدیث

(حدیث شریف)

۳۱

(صدیق اکبر)

(نایب الکلم)

(نایب الکلم)

(نایب الکلم)

وفات ایلمر « الجار قبل الدار والرفیق قبل الطريق » خانه دن اول
 قومشو طریقہ کیتدن اول رفیق کر کدر « انتظار الفرج عبادة »
 اسایش و راحت کوزتمک عبادتدر « لایکون المؤمن طعانا ولا امانا »
 مؤمن اولان طعن و لعن ایدیجی اولمز یعنی کیمسه بی طعن ایتمز و لعنت
 ایلمز « نعم صومعة الرجل بینه » بر کیمسه نک خانه سنده عبادت ایتمسی
 نه کوزلدیر که انده شائبه ریا اوله من « اطلبوا الخیر من حسان الوجوه »
 خیر و منفعتی بوزلری کوزل و طبیعتلری بیدل اولان ذواتدن طلب
 و مأمول ایدیگز « الوحدة خیر من جلبس السوء » وحدت یعنی
 بالکملک کوتو بر آدمک برابر او طور مسندن دها خیر اودر « الحیة
 من الایمان » شرم و حیا ایماندندر « الحیا شعبة من الایمان » حیا شعبه
 ایماندندر (لین الکلام من اخلاق الکرام) کلامک لین و یواشی کریم
 اولنلرک کوزل خویله ننددر سوزی یومشاق ایتمیدر (العدل حصن
 وثیق فی رأس جبل انیق لایحتمله سیل ولا یهدمه مخنیق) عدل
 بر قلعه عالیه و موثوقه اولوب بوسک طاعک بالاسنده مبنی
 اولدیغندن اتی نه سیل باصرونه مخنیق بیقار اثار اسباب عمارت
 ملک و ممالکک برنجیسی عدالتدر بوده زمام اداره حکومتی دست
 اهل وار بانه تفویض ایتمکله حاصل اولور (لا سلطان الا بالرجال
 ولا رجال الا بالمال و لا مال الا بالعمارة و لا عمارة الا بالعدل) رجالسز
 پادشاه و مالسز رجال و عمارتسز مال و عدالتسز عمارت ملک
 ممکن اوله من زیرا عدالت زده اولور ایسه عمارت اوراده بولنور
 و امر الایم اولور ایسه کریم اولنلر طاغیلور و فرومایه اولنلر یوکسکه
 چیقار ایسه عالیقدر بولنلر اشاغی دوشر ارادل مالک نفوذ اولور
 ایسه افاضل هالک اولور (ان البر طیل تنصر الا باطیل) تحقیقا
 رشوتلر باطلاره یاردم یعنی رشوت باطلی حق و حتی باطل ایتمیدر
 اخوانه یاردم ایتمک شعار حسنہ اسلامیتدن اولمسيله برای معاونت
 مراجعت ایتمیدن رشوت قبول ایلمک مستقیم الاطوار اولان ذوات
 کرامک عادات و دأ بدن اولموب بومقوله معامله مقودحه نک

(حدیث شریف)

۳۲

(نایب الکلم)

ارتکابی ابله و فرومایه اولئک کار غیر سزاواریدر دنیا مذموم
اولان حالانک بر بدخی بورشوت ماده فضیحه سی اولدینی اجلدن
اندن احتراز کرکد زبرا (لعنة الله على الراشی والمرئشی)
حدیث شریفی شرفصادر اولشددر و حدیث اخرده دخی (الراشی
و المرئشی فی النار) واقعدر (الاحق لا یجداذنه الحکمة کما لا ینفع
بالورد صاحب الزکة) زکامی اولان کسینه کلک رایحه طیه سیله
انتفاع ایده مدیکی کبی احق اولان کیمسه دخی علم و حکمتک
لذتنی بوله من و دقایقه واقف اوله من احق اولان کیمسه نک
حقیقه دلالت ایدر بر چوق علامت و نشانی واردر مثلا عواقب
اموری دوشمنز و بیلدیکنه اعتماد ایدر و کندوسنی بکتوب
ماعداسنی بکنز و سوبلشور ایکن سرعتله چوق سوبلر و ایراد اولنان
سؤاله دوشمیرک سریعأ جواب ویرر و کثرة التفاته مجبور اولور و علم
و عرفاندن تهی و جاهل قالور و هرشیده عجله ایدر و امورنده سقیمه
و تصرفاتنده ظالم و غدار و اکثر اچانده غافل اولوب معاملاتنده
دساس و حیلله کار اولور غنی اولور ایسه طغیان ایدر و فقیر بولور
ایسه الطاف الهیه دن نا امید بولور و یرمکنه بخیل و المقده عجول
اولوب سوز و صحنه حلاوت و لطافت اولز و استماع ایلدیکی کلامک
معنا و من ایاسنه واره من شاید کولر ایسه بلند اوازیه کولر و اغلار
ایسه شماته و صوت ابله اغلار بودرد بلاهتک درما نی بوغیسه ده
کوزل اخلاق اولئلرا یله کوزیشیلور ایسه طبیعت ساریه اولق
حسیله مهمما مکن تبدیل اخلاق ممکن اوله بیلور

(بیت)

عن المرء لا تسئل وسل قرینه * فکل قرین بالمقارن یقتدی
بر آدمی بتلک استر ایسک اندن صورمه انک قرین وارقدا شنی صور
زبرا هر قرین مقارننه اقتدا و تبعیت ایدر ارقدا شنک اخلاق البته
اکاده سرایت ایدر و بر قرینه اوبار کیدر (الوجه المصون بالحیاکا
الجوهر المکنون بالوعاء) حیا ابله مصون اولان یوز بربرده حفظ

ایدیلان جوهر عالی بها کبدر (من کبر لغظه کثر غلطه) اثنای کلامده
صداسی بیوک اولانک غلطی جوق اولور (ان الحکمة عشرة اجزاء
تسعة من الصمت والعاشرة العزلة) تحقیقا حکمتک اون اجزاسی
اولوب اوندن طقوز جزوی صمت و سکوت اونجی جزوی
عزالتدر (الصمت زين العاقل وسر الجاهل) صمت و سکوت عاقلک
زیب وزینتدیر و جاهلک دخی ستره سیدر که جهلنی ستر و اخفا ایدر
(وحدت العاقل خير من جلیس السوء عنده وجلیس الخیر خیر من
جلوس المرء وحده) عاقلک کوتو کیمسه ایله اوطور مسندن یا لکز
اوطور مسی دها خیرلودر و بالکز اوطور مسندن خیرلی بذات ایله
اوطور مسی دها خیرلودر زیرا جاهل ایله اوطوران عالم عامل و خبرسن
ایله اوطوران عاقل کامل برابر اولدقجه معذب وراختسن اولورلر
(ان اذهب الحیا حل البلاء) حیا کندیکی وقت بلا حلول ایدوب
یراشور (ثمرة العلم العمل بالمعلوم) اشجار علومک میودسی معلوم ایله
عملدر (لکل شیء دایمل ودایل العقل التفکر ودایل التفکر الصمت)
هر شئیکی بدلیلی واردد عقلک دایل و برهانی تفکر و تفکرک دلیلی صمت
و سکوتدر (یابنی اذا افتخر الناس بحسن كلامهم فافتخر انت
بحسن صمت) ای او علم ناس کوزل سوز ایله افتخار ایلدکری وقت
سند صمت و سکوت کوزلکی ایله فخر و مباهات ایله سکوت کلام
حسنندن احسندر (كانوا يتعلمون السكوت كما يتعلمون الكلام) کوزل
سوز سولیکی تعلم ایلدکری کبی سکوت ایتکی دخی تعلم ایدر
اولدیلر (من کبرت همته کثرت فیه) همتی بیوک اولان کیمسه نیک
قیمتی چوغالور (من کثر عوارفه کثرت معارفه) عارفلر چوق اولانک
علم و معارفی چوغالور بوحالده دائماً اهل علم و معارف ایله کورشمک
لازمدر (المذاکره صیقل العقل) اربا ایله مشاوره و مذاکره ایتسک
عقله جلاورر (الاستشارة عين الهداية) استشاره ایتک عین هدایتدر
خطا اوله من (الجملة ام التدامة) عجله ایتک ندامت ولدینک والده
سیدر (من اسرع فی الجواب اخطأ فی الصواب) جوابده سرعت

(لقمان)

(لقمان)

ایدن کیسه صوابده خطا ایله وارد اولان سوآله دوشندهرك جواب
ویرمایدركه اغزدن چیقان كلام اتیلان تیر سهسام کبی عودت ایتمز
(من افشی سره افسد امره) سرینی افشا واشاعه ایدن ایشلرینی
افساد ایدر (معاشره ذوی الالباب عمارة القلوب) عقل صاحبیرله
کورشمک قیلیرک بناسنی اعمار ایله (من صدق فی مقاله زاد فی جلاله)
سوزنده طوغری اولان کیسه نك حسن جلالی زیاده اولور بلان
سویلك بونك عكسی انتاج ایدر (جرح الکلام اصعب من جرح
الحسام) كلام یاره سی قلیج یاره سندن زیاده کوجدر زیرا دل یاره سی
اصلا ابو اولز وائی لوخه دلدن کیمز .

(بیت)

جراحات الستان لها التیام * ولا یلتام ما جرح اللسان
سیف و سنان یاره لری ایچون التیام واردر اما لسانک ویردیکی یاره رقبول
التیام ایتمز (اذا کان صاحبك عسلا لا تلحسه كله) صاحبك بال
اولور ایسه ده بتون یلامه یعنی کور دیکک لطف و التفاتنه مغفور
اولوبده هر بار انی تصدیع ایتمه و هر کون یاننه کیتمه که محبتی زیاده
اولسون (خیر المال ما اخذ من الحلال و صرف فی الزوال شر المال
ما اخذ من الحرام و صرف فی الاثم) مال و ممالک خیر اوسی خلایدن
النوب خیرات و حسناته بذل و صرف اولساندر و مالک شرلیسی
حرامدن قزایلوب خیر سرز و کناهل ییله خرج و تلف اولساندر
(کل امری يعرف بقوله و یوصف بفعله) هر ر آدم سوز و کلامبله ییلنور
و کوردیکی کارایله وصف اولنور (الیأس خیر من التضرع الی الناس)
مایوس اولقی ناسه تضرعدن خیر اودر (من نظر فی العواقب سلم
من الزوائب) عاقبتله نظر و اعتبار ایدن ذات بلاردن امین و سالم
اولور (بیت) امور یفرح السفهاء بها و یخشی من عواقبها الییب
برطاقم امرل وارکه انکله سقیه و دنیله فرحانورل ولکن اول امور
و کارک عاقبتندن عقلی ذوات خوف و خشیت ایدرل یعنی قور قارل
(ایس الخیر کالعیان) خبر کوریلان کبی دکدر (سبک من بلغک)

سکات بلغ ایدندر سکا شتم ایلان یعنی سویلیان سوکشددر (رحم الله
 من هدائی الی عیوبی) بکا عیبلریمه هدایت ایدن یعنی دلالت ایدوب
 نقصانلریمی بکایلیدرن . کیمسه بی الله رحمت ایلسون (رب عین انم
 من لسان) اکثریا کوزک یاشلمسی لساندندر کوزی لسان اغلا در عرب
 وعجم حکمسی شودرت کله اوزرینه اتفاق واجتماع ایتشلردر (اولاً
 قرنک تحمل ایتدیکی یعنی حضم ایده مدیکی شیئی یو کله واکل اتمه
) ثانیاً (سکانه وفائده سی اولمیان و اخره دخی فائده سی اولمیان شیئی ایشلمه
) ثالثاً (عورته وانک حسن جالنه و اموال و اشیا ستمه مغرور اولسه
) رابعاً (مال و منالک چوق ایسه ده صقین اعتماد و استناد ایله علمادرت
 کله شریفه بی درت کاب اسمانیدن استخراج و انتخاب ایتشلردر
 تورات شریفدن (من قنع شیع) قناعت ایدن ذات دائماً طوق اولور
 زبور شریفدن (من سکت سلم) سکوت ایلان ذات امین و سالم اولور
 انجیل شریفدن (من اعتزل نجا) خلقدن عزالت ایدن ذات نجات
 بواور قرآن کریمدن (ومن یعصم بالله فقد هدی الی صراط مستقیم)
 یعنی واجب الوجودک دین و شریعت غراسنه و امر و اراده سنه
 تمسک و امثال ایدن و جمیع اموزنده اورایه التجا ایدوب حدود
 شریعه بی تجاوز ایمان ذات طوعری بوله کتمکه هدایت و دلالت اولنور
 (شاگرد)

اسمانزه زیب و زینت و یرن و بلیکی اجزای مرکه سندن بولنان زبان
 شکر افشان فارسیدن چند کله پشد امیرک بیانی مستجادر .
 (استاذ)

حجم رساله نک مساعده سی یوغنسه ده کاس استعداد و جام قابلیت
 خداداد دلکزه القای باده شوق و سرور و املائی شهداد من و حبور
 ضمنده مسترجا کر قبول و اسعاف اولنور .
 (بیت)

اسایش دو کیستی تفسیر این دو حرفست
 باد و سنان تلطیف بادشمنان مدارا

ایکی جهانک اسایش و راحت شوایکی حرفک تفسیرنده در حرفک بری
دوستلره تلطف و بری دشمنلره مدارا ایتک یعنی اویوشمق .

(بیت)

هستی دنیای فانی انتظار مری دنست

ترك هستی ز انتظار نیستی وارستنت
فانی دنیانك وارلخی موته انتظاردن عبارتدر وارلخی ترك ایتك یوقلخی
كوزتمكدن وارسته وازاده اولمقدر یعنی دنیانك وارلغنه اعتماد ایتامك
وبوموقتا بر وارلخی یوق اعتبارله كندینی الامدن وارسته ایلكدرد .

(بیت)

هر که فریاد رسی روز مصیبت خواهد

كو درایلم سلامت بجوانمردی كوش
هر کیم بر مصیبت اصابت ایتدیکی کون فریادینه ایرتمك استر ایسه
اكا سویله که سلامت و راحت کونلرنده جوهر دلکه وایولك ایتکه
چالش (نثر) مال از بهر اسایش عمرست نه عمر از بهر کرد
کردن مال .

یعنی مال عمرك اسایش وراحتی ایچوندر یوقسه عمر مال جمع وادخار
ایچون دكلدر (نثر) دوکس رنج بیهوده بردند وسیعی بی
فائده کردند بکی آنکه مال اندوخت و نخورد و دیگری آنکه علم
اموخت و عمل نکرد .

یعنی ایکی کیمسه دنیاده بیهوده رنج و مشقت ایتدیلر وفائده سز سعی
واهتمام ایتدیلر بونلردن بری زحمتله مال قزانوب اکل و تناول ایتیان
و دیگری علم تحصیل ابدوب مقتضاسیله عمل ایلیمندر بونك ایتکسیده
مذموم و مقذو حدر .

(بیت)

علم چند آنکه بیشتر خوانی * چون عمل در تو نیست نادانی
نقدر چوق علم اوقور و تحصیل ایدر ايسك چونکه سنده عمل یوقدرینه

جاهل و نادانست علم ایله عمل لفظاً و معنا بر برینه ملازم و موافق
چونکه علمدن اصل مقصود عملدر .

(قطعه)

خامشی به که ضمیر دل خویش * یا کسی گفتن و گفتن که مگوی
ای سلیم اب ز سر چشمه یبند که * چو پرشد نتوان بستن جوی
کنندی دلکده مضمر و کیرنی اولان برشی آخر برکسه به سویلیوبده
صکره فاش و ظاهر اولور اندیشه سیله انی کیسه به سویله دبوسویلیوب
رجا ایتکدن سکوت ایدوب اول مضمری سویلامک دها اعلا و مطابق
حکمتدر ای سلیم صوبی چشمه نک باشنده بغلایوب کسمک کرکدر که
اول صو ارتار و بر نهر اولورایسه انی باغلامق ممکن دکدر (نثر)
سهن در میان دودشمن جنان کوی که اگر دوست شوند شرم
زده نباشی .

ایکی دشمن ازده سنده سوزی اولقدر سویله که انلر دوست اولدقلری
زمان یانلرنده شرمسار و خجیل اولیه سکر .

(بیت)

هر پیشه کان مبر که خالیست * شاید که پلنک خفته باشد
هرمیشه واورمانی یعنی هر مجلس انسانی ظن اینه که بوشدر محتملدر که
اوراده بر قیلان یعنی بر اهل علم و عرفان ایچنده یانوب او یومش اوله
و بعده سزی دندان فضل و معارف ایله جریحه دار و شرمسار ایده
بو مثللو حر کتدن غایت احتراز واجتناب کرکدر که معامله * عالم و علم
و کال عالم امور نسبییه دندر نقدر عالم اولور ایسک سندن عالم بولور .
(نثر) خبری که دانی که دلی بیازارد تو خاموش باش تادبکری بیارد
بر خبر که اول خبر ایله بر کوکل مفهوم و مکدر اوله جفنی بیلورسک
اندن سکوت ایله که دبکری سو بلسون و پیام بدی آخر کیسه دن السون

(بیت)

بلبلای مژده بهار بیار * خبر بد بیوم باز گذار
ای بلبل بهار مژده سنی کتور بد و کوتو خبری بوم وغرایه کیرورک

(وحواله)

وحواله ايله بويله بد خبري انر سويلسونتر كوزل خبرلى سن و ير .
(بيت)

مشو غره بر حسن كفتر خویش * بتحسن نادان و پندار خویش
جاهلك تحسینی و كندونك پندار وطنی ايله كوزل كلام و سوزيكه
مقزور اولمه و كندی درجه و مقدار یكى خلقه صورمه و اهل عرفان
و ادیب اول . (نثر) هر كه در حال توانایی نكوبی نكند
در وقت نا توانی سختی بیند

بر كیمسه قدرت و وسعتی حالتد، ابولاك اتمز ايسه ضعیف و قدر تسز
زماننده كوچلك و مشقت و انواع درد و محنت كورر .

(بيت)

بداختر تراز مردم ازار نیست * كه روز مصیبت كس یار نیست
انسانی اینجیدیجی كیمسه دن ییلدزی زیاده فنا و بد كیمسه یو قدر كه
مصیبت كوئنده اول مردم ازارك یار و رفیق و انیس پر شفیق یو قدر
بو عالمده نه سندن بر كیمسه رنجیده اولمی ونده سن بر كیمسه دن از رده
بولنلیسك (نثر) اگر شبها همه قدر بودی بس شب قدر
بی قدر بودی

اگر بتون كچه ل قدر اولیدی بو صورتده ايله قدر اعتبار و قدر سز
اولور ایدی .

(بيت)

كر سنك همه اهل بدخشان بودی * بمس قیمت اهل و سنك يكسان بودی
اگر بتون طاشلر بدخشاندن چقان اهل اولیدی یا قوت ايله یاغی
طاشك بهاسی بر درجه ده اولور ایدی یعنی هر شئك قدر و قیمتی
و هر شخصك حیثیت و منزلتی بر راده ده دكلدر . (نثر)

هر كه با یزر كان ستیزد خون خود ریزد

هر كیم بیوكلری ايله عناد ایدوب اوغرا شور ايسه كندی قاننی هدر
و نفسنه ضرر و كدر ایدر . (نثر) پنجه باشیر و مشت
باشمشیر زدن كار خرد مندان نیست

الی ارسلانه و بومروغنی سیف و سنانه اورمق عقلی اولنلرک کاری
دکدر که نهایتنه ضرر کوره چکی و بلکه تلف اوله جغنی آشکاردر .

(نثر) تلبد بی ارادت عاشق بی زریست ور ونده بی معرفت مرغ
بی پر و عالم بی عمل درخت بی بر و زاهد بی علم خانه بی در

ارزو و هووسی اولیان شاگرد التونسز عاشق دلداری و معرفت و عرفانسز
درویش سیاح قنادتسز مرغ ناچار و عملسز عالم میوه سز اشجار
و عملسز زاهد قیوسسز دار کبیر .

(شاگرد)

علم ایله معلوم بیننده فرق ندر .

(استاذ)

ذهنده موجود اولانه علم و معلوم دینور لکن قوه عاقله ایله برشیئک
قیام و ثباتی اعتبار اولنور ایسه علم و کندی نفسنده ثابت اولدیغی
اعتبار ایدیلور ایسه معلوم دیرلر یعنی ذاتده متحد و اعتبارده
مختلف و بشقه در .

(شاگرد)

حکمت و معرفت و علم بینلرنده فرق ندر .

(استاذ)

اشیای موجوده نك كنه و حقیقتی اولدیغی کبی بیلکه و مقتضای سیله
عمل ایتمک حکمت الهیه اطلاق اولنور و اشیانك كنه و حقیقتی
و خاصه لرله فضیلتلرینی اولدیغی کبی فهم و ادراک ایلمک معرفت
و اشیانك اصل و حقیقتی وانك لوازمی بیلکه علم تعبیر ایدیلور .

(شاگرد)

تحقیق ایله تدقیق بیننده فرق ندر .

(استاذ)

مسئله لری دلیل و برهانلرله اثبات ایتمک تحقیق و دلایلاری دیگر دلائل
و راهین ایله اثبات ایلمک تدقیق تعبیر اولنور .

(شاگرد)

نقطه لی استاذ ایله نقطه سز استاد بیننده فرق ندر .

(استاذ)

(استاذ)

علوم و فنون عالیہی تعلیم و تدریس ایدن ذاتہ ذال معجمہ ایلہ (استاذ)
 و صنایع و معارف ارائہ و تفہیم ایلان کیسہ بہ دال مہملہ ایلہ (استاذ)
 تعبیر اول نور منقوط اولان حرفہ (معجمہ) غیر منقوطہ (مہملہ)
 دینور و استاذہ شیخ و خواجہ دخی دبرل .

(شاگرد)

خلفاء سلطان الانبیا علیہم الصلات والسلام فاجدر .

(استاذ)

خلفا در تدر اولیکی « ابوبکر الصدیق » رضی اللہ عنہ حضرت تلیدر
 قبل الاسلام اسم عالیہی عبد رب الکعبہ اولوب مؤخر « رسول اکرم
 صلی اللہ علیہ وسلم » عبد اللہ و عقب تسمیہ بیور مشلردر « ابوبکر
 عتیق اللہ من النار » یعنی ابوبکر اللہک ناردن اذاد لوسیدر « ابوبکر
 و عمر منی بمنزلہ السمع والبصر » یعنی ابوبکر ایلہ عمر بکا قولاق و کوز
 منزلہ سندہ درل بیور مشلردر ایکی سنہ اوج ای اون اوج کون رونق
 ارای سر بر خلافت و ہجرت اون اوچنجی سنہ سندہ ارتحال دار جنت
 بیور مشلردر ایکنجی « عمر بن الخطاب » رضی اللہ عنہ حضرت تلیدر
 صدیق اکبر دنصکرہ سر بر ارای خلافت و ابتدا رفق کش تاریخ ہجرت
 اولوب مصر و شام و بصرہ و بعلبک و حص شمشیر عدالتلریلہ فتح
 و تسخیر اولمش و اون سنہ اجرای امر خلافت و ہجرت یکرمی اوج
 سنہ سندہ رحلت دار جنت بیور مشلردر اوچنجی « عثمان بن عفان »
 رضی اللہ عنہ حضرت تلیدر فاروق اعظم دنصکرہ شرف ارای اریکۃ
 خلافت و ایکی سنہ دن اون کون اکسک قدر مدت اجرای امر خلافت
 و ہجرت یکرمی بش سالندہ شہیدا ارتحال سرای جنت بیور مشلردر
 حق عالیبرندہ « لعل نبی رفیق فی الجنۃ و رفیق فیہا عثمان بن عفان »
 حدیث شریفی شرف صادر اولشد در دنجی « علی بن ابی طالب »
 رضی اللہ عنہ حضرت تلیدر ذی النورینک شہادتندن صکرہ پرتو افزای
 سر بر خلافت و بعدہ کوفہ دہ شہیدا ارتحال سرای جنت بیور مشلردر

(حدیث شریف)

۳۳

(حدیث شریف)

۳۴

(حدیث شریف)

۳۵

حق عالی حیدرانه رنده « انامدیتة العلم وعلى بابها » حدیث شریفی
شرفوارد اولمشدر رضوان الله عليهم اجمعین .

(شاگرد)

حضرت (آدم) علیه السلام جنتن دنیا بهبوطدن صکره کندولرینه
وحی اوانان کلمه قاجدر .

(استاذ)

اول حضرت (آدم) علیه السلام ایلم آخرتدن بریومک اوج ساعتی
قدر جنت اعلا ده مکث وقرار وبعده دنیا به هبوط و اشتقرار
بیورد قلرنده جناب قادر مطلقدن وحی بیوریلان کلمه درتدر کلمه اولی
(لی) وکلمه ثانیه (لک) وکلمه ثالثه (بینی وینک) وکلمه رابعه (بینک)
وبین الناس) اما کلمه لی (ان تعبدنی ولا تشرک بی شیئا) یعنی بکا
عبادت وشرکدن محاببت ایله دیمکدر وکلمه لک (فانی اجازیک بعملک)
بن سکا عملکله مجازات ایدرم دیمکدر وکلمه بینی وینک (هذک الدعا
ومنی الاجابة) سندن طلب ودعا وبتدن قبول واجابت دیمکدر
وکلمه بینک و بین الناس (ان تعدل فیهم وتصفهم) ناس ایچنده
عدالت وانلره انصاف ایتمکک لازمدر دیمکدر (آدم) علیه السلام
ابتدا عربی تکلم بیوررلر ایدی بعده ملکک واقف اولماق ایچون
جناب محول الحال والاحوال لسانی سریانی به تحویل بیوردی ملانکه
گرامدن سرا و خفیا تعلیم اسمای بیورمش اولدیغندن بولسانه سریانی
تعبیر اولمشدر ابتدا (عربی وفارسی وسریانی وعبرانی ویونانی
درومی وقبطی وهندی) وسائر لری قوری طوپراق اوزرینه یازوب
حفظ بیورمشدر طوفاندن صکره انلردن هر قومه برر کتاب اصابت
ایلدیکی کبی (اسماعیل) علیه السلامه دخی عربی اولان کتاب
اصابت ایلیوب لسان عربی اورادن کلشدر .

(شاگرد)

مکلف اولان فرقه قاجدر .

(استاذ)

فرقة مكلفه درتدر ملائكه كرام وبشر وجن وشياطيندر .

(شاگرد)

نفوس انسانیه لك دورى قاجدر .

(استاذ)

نفوس انسانیه لك دورى يعنى بر پشته نقل ايلديكي دارى درتدر وثائى اوليكندن وثالث ثانيدن ورابع دار ثالثدن زياده واسعدر (داراول) غايت ضيق وظلمادن عبارت اولان بطن مادر در (دارثاني) خير وشمر اكتساب اولنان دار دنيا در كه اوليكندن واسعدر (دارثالث) دنيا و آخرتك ارسنده بولنان دار پرزخدر كه ثانيدن واسعدر (داررابع) اندنصكره دار ودور اوليان واهلى دروننده دائم ومحمد اولان دار القرار جنت اعدا در كه دار ثالثدن زياده واسعدر .

(شاگرد)

معاد قاجدر .

(استاذ)

كيفيت معاد درتدر (اول) عالم اصغردن عبارت اولان انسانك افرادى قالميه رقى موت ايله كليامحو وخراب اولوب دنيا نك خالى قالمسيدر (ثانيا) موت وفئادن صكره كافه انسانك بعث واحياءولمسيدر (ثالثا) عالم اكبر اطلاق اولنان دنيا نك بر ارض آخره تبدل ايمسيدر (رابعا) خراب ويباب اولان وجبال وتلالى پامبوق كي اتيلان دنيا نك برصورت اخرله اعماريله خلقك جنت وجهنمده قرار ايمسيدر .

(شاگرد)

كنوز جنت قاجدر .

(استاذ)

كنوز جنت اعلى درتدر (كنز اول) صدقه بي كيرلى وبرمكدر (كنز ثاني) اصابت ايليان مصيبتى كير ليوب وخلفه شكابت ايتيوب صبر ايمكدر (كنز ثالث) مدت مديده غربت ديارنده قالميوب صلاه

رحم ایامکدر (کنز رابع) کلمه شریفه حوقله در یعنی «لا حول ولا قوة الا بالله العلی العظیم» کلمه طیبه سنی تذکار و یاد ایامکدر چونکه «کلام اهل السموات لاحول ولا قوة الا بالله» حدیث شریفی شرفصادر اولشدر .

(حدیث شریف)

۳۷

(شاگرد)

سلاطین عظامه واجب اولان اشیا فاجدر .

(استاذ)

ملوک عظامه حفظی واجب اولان اشیا درتدر (واجب اول) وزیری امانت و عدالت ایله موصوف اولمقدر (واجب ثانی) کتبه سی علم و فضل ایله متصف بولمقدر (واجب ثالث) قیو جیلری غایت شغفتلی کرکدر (واجب رابع) ندماسی غرض و عوضدن خالی ناصح اولمقدر .

(شاگرد)

رد اولنمیان دعا فاجدر .

(استاذ)

رد اولنمیب لاجرم قبوله شایان اولان دعا درتدر (دعاء اول) دیارلرینه رجعت ایدنجهیه قدر بیت اللهده حاجیلرک دعاسیدر (دعاء ثانی) مملکتلرینه عسود ایدنجهیه دکن جنیکده غازیلرک دعاسیدر (دعاء ثالث) کسب صحت و افاقت ایلنجهیه قدر خسته لک دعاسیدر (دعاء رابع) عن ظهر الغیاب بخلوص البال اخوانک اخوانته دعاسیدر ابشته بوذوات کرامک ایلدکلری دعاء خیریه رد اولنمیب نزد جناب قاضی الحاجاتده . مزاوار قبول اولور .

(شاگرد)

عقل فاجدر .

(استاذ)

مراتب عقول بشر درتدر (مرتبه اولی) عقل هیولانیدر (مرتبه ثانیه) عقل بالملکه در (مرتبه ثالثه) عقل بالفطردر (مرتبه رابعه) عقل مستفاددر که تفصیلی صدر رسالهده میور ایتشدر .

(شاگرد)

(شاگرد)

طبایع قاچدر .

(استاذ)

طبایع درتدر (طبیعت اولی) صفرا (طبیعت ثانیه) سودا (طبیعت
ثالثه) بلغم (طبیعت رابعه) قاندر .

(شاگرد)

امزجه قاچدر .

(استاذ)

امزجه دخی درتدر (مزاج اول) حرارت (مزاج ثانی) رطوبت
(مزاج ثالث) برودت (مزاج رابع) پیوستدر بونلر بر بریله
امتزاج ابدوب انسان حیات و صحت اوزره بولمیشدر اگر بری غالب
اولور ایسه انسان و حیوان خسته و نامزاج اولور بونلرک حفظنه
دقت کرکدرکه صحت و عافیت متبدل سقامت اولسون و امزجه
مز بوره به تغیر کلسون .

(شاگرد)

عناصر قاچدر .

(استاذ)

عناصر درتدر عنصر اول (ما) عنصر ثانی (هوا) عنصر ثالث
(نار) عنصر رابع (تراپدر)

(شاگرد)

فصول قاچدر .

(استاذ)

فصول دخی درتدر (فصل اول) صیف (فصل ثانی) شتا
(فصل ثالث) ربیع (فصل رابع) خریفدر .

(شاگرد)

اصول ریاح قاچدر .

(استاذ)

اصول ریاح یعنی اصل روزگار درتدر (ریج اول) صبادر بو بر مبارک

روزگار در که کجایه ایله کوندز مساوی اولدقد ه شرق طرفدن
 هبوب ایدر بوکار یج شرقیه دیرلر وعند البعض سحر وقتنده کعبه معظمه
 جانبدن اسر (انی اجد ریح یوسف) قول کر بنجه « یوسف
 علیه السلام » رایحه حیاتی « یعقوب علیه السلام » حضرت لرینه
 صبا کتور مشدر بناران (ابو علی دقاق الریح رسول العشاق)
 پیور مشدر (ریح ثانی) قبله در که قبله طرفدن هبوب ایدر (ریح ثالث)
 یلد ز در (ریح رابع) باطی روزگار ایدر که غرب جانبدن اسر
 و بونلردن بشقه موردی اعتباریله دها روزگار واردر عند البحرین
 کافه سی اوتوز ایکی روزگار در .

✽ خاتمه ✽

(شاگرد)

شهور عربیه نك بهرینه تسمیه اولنان اسملرینك وجه تسمیه لری ندر .
 (استاذ)

شهور عربیه قریه نك سلفده بر اسم مخصوصلری اولوب مؤخر
 هر برینه وقت وزمانه واحوال وحرکات انسانه کوره تبدیل اولته رقی
 ومواسم وازمانه موافق اوله رقی بر اسم تسمیه ایدلشدر (محرم الحرام)
 معظم وزنده حرم کعبه مکرمه یه محرم دینور بوماه اشهر حرمدن
 اولوب دخولنده اکا تعظیما جنک وجدال وضرب وقتال ترک و تأخیر
 اولیدیغی اجلدن (محرم الحرام) و (شهر الله الحرام) تسمیه واطلاق
 اولنمش ومؤخر هجرت « سید سادات علیه اکمل الصلوات » غره محرم
 الحرامه تصادف ایتمسیره (عمر بن الخطاب رضی عنه الوهاب) سال
 میامن قال هجرتک ابتداسی شهر مذکوردن اعتبار پیور مشلردر که
 اول زمان سعد اقتراندن بوزمانه قدر تاریخ هجرت النبی علیه السلام
 بیک ایکی یوز طقسان الی سنه سنه رسیده اولمشدر (صفر الحیر)
 صفر انسانک قرنده عارض اولوب بکزی صاری ایدن بعلتک اسمیدر
 اولزمان اهل مکة جلب ذخائر آرزوسیره اطرافه طاعیلوب مکة مکرمه
 خالی قالدیغی اجلدن خالی وبوش معنا سنه اولان صفر توسیم
 اولنمشدر وعلت مذکوره آخره سرایتی اعتقادی ازاله واصلاح اولنقی

(حدیث شریف)

۳۸

اوزره « لاعدوی ولاهامه ولاصفر » حدیث شریفی شرفصادر
 اولمشدر یعنی برعلت صاحبندن آخره سرایت ایتدیکی کی
 او یله بطن انسانده مضریلان وچیان دخی یوقدر (ربیع الاول)
 ربیع امیر و زنده بهار موسمنده بغان یغوره و باغ و بستان و ترلارک
 صودن حصه لرینه و ازهار اشجارک اچلدیغی زمانه ربیع الاول دینور
 فی الواقع اسم مسمانه موافق بر شهر مبارکدر که خزان کفر و جهالت
 ایله خراب و پریشان اولان باغ و گلستان عالمک بادی ابادانی و عمرانی
 و سبب فیوضات و رحمت جاودانی و مقدر ارضین و افلاک و مخاطب
 خطاب (وما ارسلناک) و مظهر سراسرار « لولاک » اولان حبیب
 رب معبود و خیر الوالد و المولود « علیه صلوات الودود » شهر
 مذکورک اون ایکنجی کیمجه سنده شرف بخشای مهد وجود و رونق ارای
 کهواره شهود اولمشدر (ربیع الآخر) مقدماعر بلر بر سنه بی
 التی زمانه تقسیم ایدوب ایکی زمانه (ربیع الاول) و ایکی ماهنه
 (صیف) و ایکی شهرینه (قیض) و ایکی اینه (ربیع الثانی)
 و ایکی وقتنه دخی (خریف) و ایکسنه (شتا) تعبیر ایدرل ایدی
 مؤخر امواسم حسببله هر برینه بر اسم و رلدیکی مثلاً اثمار و فواکهک
 کاله ایشدیدی و ربیع الاول بی تعقیب ایلدی بیکی زمانه دخی
 (ربیع الآخر) اطلاق و تعبیر اولمشدر (جمادی الاولی) جمادی
 حیاری و زنده در وقت جهالنده شهر محرم الحرامدن بشنجی اولمق
 حسببله جمادی خمسّه تعبیر اولنور ایدی مؤخر ا وقت اسلامیتده
 (خمسّه) کله سی (اولی) کله سنه تبدیل اولندی اولزمانده سمدان
 یغورلر نزول ایتوب چشمه و نهر لرده صولر مجمد و منقطع اولدیغی
 جهته (جماد) و صکره (جمادی الاولی) تعبیر اولمشدر
 (جمادی الآخره) بوده شهر محرمدن التجبی بولنسمبله بوکا ده
 (جمادی سته) دینور ایدی مؤخر ا سابقی مثلاًو (سته) کله سی
 (اخره) کله سنه تبدیل اولنه رق (جمادی الآخره) اطلاق اولمشدر
 (رجب الفرد) رجب تعظیم و تجلیل معناسندن مأخوذدر ذکر اولنان

ایکی ماه دن صکره یغورر یاغوب وانهار ومنابع جریان ایلوب خلقه وسعت وبرکت کلدیکندن اولزمانه زیاده تعظیم اولندیغی اجلدن (رجب وشهرالله الاصم) تسمیه اولمشدر بوده اشهر حرمدن اولوب شهرین ارمسنده بالکز قالدیغی و دیکر لری (ذی القعدة) و (ذی الحجه) و (محرم الحرام) متوالیا معدود اولدیغی جهته رجب شریفه (فرد) اطلاق ایلدیش « رجب شهرالله وشعبان شهری ورمضان شهر امتی » حدیث شریفی شرفصادر اولمشدر (شعبان المعظم) شعبان سلمان وزنده در شهر مذکورده قبائل عرب اکثر یا صوطلی ونهب وغارت ایله ارزاقک جلبی ایچون متشعب ومتفرقه اولوب اطرافه طاغیلدقلرندن (شعبان) و مؤخر (شهرالله المعظم) تسمیه وتعبیر اولمشدر .

(حدیث شریف)

۳۹

شهر رمضان المبارك بوزمان شدت حرارته تصادف وصائم اولنلرک کنهله یقن یاغوب محو وتلف ایلدیگی اجلدن (رمضان) وبعده (شهرالله المبارك) تسمیه اولمش ورمضان اسماء حسناء الهیه دن بولندیغی جهته اول لفظ شریف رمضان بر (شهر) لفظی اضافه واتیان ایلدیلرک (شهر رمضان) تعبیر اولنسی حقنده (لاتقولوا رمضان فان رمضان اسم من اسماء الله تعالی ولكن قولوا شهر رمضان) حدیث شریفی شرفصادر اولدیغی وکتب سماویه دن حضرت ابراهیم علیه السلام افندمره نازل اولان اون صحیف شهر رمضان شریفک ایلک کیجه سنده و (تورات) شریف اندن دیدیوزسنه صکره انجیلی کیجه سنده وز بور شریف توراندن بشیوزسنه صکره اون ایکنجی کیجه سنده و (انجیل) شریف ز بوردن یک یوزسنه صکره اون سکرنجی کیجه سنده نازل اولدیغی و (قرآن کریم ورفقان حکیم) انجیلدن التیوز یکرهی سنه صکره شهر شریف مذکورک یکرهی یدنجی ایله قدرده نزول اتمکله بدأ ومباشرت ایلدیگی روایت اولمشدر (شوال) ناقه لک قوروقلرینک شول وارتناعی ویاخود نقل وکوج زمانه تصادف اتمسکله (شوال) تسمیه اولمشدر

(حدیث شریف)

۴۰

(ذی القعدة) بوده اشهر حرمدين اولوب اول موسمه حرب وجدالدين فراغت و ترك نقل و رحلت اولمسيه (ذی القعدة) تسميه اولمشدر (ذی الحجه) بوده اشهر حرمدين اولوب شهور سائر نك آخرينه و زيارت كعبه معظمه نك هنگامه تصادف ايلديكي اجلدين (ذی الحجه) تعبير و تسميه اولمشدر (ابراهيم واسماعيل عليهما السلام) حضراتندنبرو عدد شهور عريمه اون ايكي اولوب بونلردن دردی اشهر حرمدين اول وقت احترام اولنديغي كي وقت سعادتمندخی احتراماً حرب و قتال ممنوع مؤخر حرب و قتال ايتكه مساعده بيور بلوب فقط سائر احترامات و رعایات الان اجرا اولمقده در .

(شاگرد)

سهوايله خطا بيننده فرق ندر .

(استاذ)

ادنی تنبيه ايله صاحبي تنبيه اولوب قبول ايدرايسه اكا (سهو) ديرلر و غایت كوج حال ايله متنبه اولور ايسه اكا (خطا) تعبير ايدرلر (سيد شريف) بيورمشدر كه سهوده عيب بوقدر يعنی سهو صاحبي تعيب اولمز زيرا سهو بر ذهلدر كه ازاجق تنبيه ايله زائل اولور لكن خطا صاحبي تعيب اولور كه خطا سهو حق و صوابه متافی و مغایر شيلر و صورتلر سرعت و سهولت ايله زائل اولمز بلکه انواع تعب و مشقت ايله دفع و ازاله ايديله بيلور اشته شو صورته سهو و خطا بيننده فرق واردر .

ياربنا سهو و خطا و نسيانه و گناه و لهو و عصيان سبب اولان شيلردن بزي حفظ ايله و يا غمرك قابديغي و قلمرك سهوا يازديغي شيلر ايچون بزي مؤاخذه ايله زيرا بز بشارت حالو كه بشر اولان هر آن و زمان كلامنده و ايشنده و هر حال و اطوارنده قصور و نقصاندين خالی اولهمنز و اب زلال مغفرت و دريای عفو و رحمتك اولمديقه و ساينخ و دنائس عصيان و اثم يقانهمنز ياربنا هر بر امور و كارمي سكا تفويض ايلدم و بحر نعمتك حد و كناري اولمديغي بيلديكمده

ایضای فریضه محمدت و شکرده اعتراف عجز و قصور ایلرم یارب
محض سنک لطف و کرمک و توفیق واحسانک الیه اشبو (روضه محاوره)
نام رساله نیک ختامی میسر اولدینی مثلاًو کافه ضمائر واقوالک وعامه
سزائر و افعالک عاقبتی خیره مقرون و جله اهل ایمان واسلامی
وبخصوص پادشاه عالمنه و شهنشاه فلکدستگاه الغازی (عبدالمجید)
خان ادام الله مالکک الی انقضاء الدوران حضرت تیرینی دلمسار و بمنون
وانواع درد و بلادن و شحاتت اعدادن مصون الیه یا ارحم الراحمین
ارحنا بحرمه سید الانبیاء و سند الاصفیاء والمرسلین والحمد لله
رب العالمین .

(شاکرد)

مشاهیر ادبادن بعض ذوات طرفندن عنایت بیوریلان تقریض
وتواریختک رساله نیک قنغی طرفنه درج و ترتیبی لازم کلور .

(استاذ)

تقاریضک کتب و رسائلک اولنه وتواریختک آخرینه تسطیری اصول
مرعیه قدیمه دن ایسده بورساله نیک اولی نام نامی حضرت پادشاهی
الیه تزیین ایدلدیکندن اشبوقاعده نیک بوراده اجراسی مقایر اداب
عبودیت و مملو کیت اولدینی جهتله ججه سنک آخرینه ترقیم و درج
اولنسی موافق عقل و حکمتدر .

ریاض ارباب نهانک ورد اجری . حیاض اصحاب ذکاک لالی بهتری .
سمای معارف و عرفانک کوکب انوری . عزتلوا الحاج (ایوب صبری)
افندیکن تقریض ینظیرلیدر

(وبالله التوفیق)

سردسته شکوفه هنرمندی حسن توفیق افندیکن وضع بازار انتشار
بیورمش اولدقلری (روضه محاوره) که هر حقیقه سی ازاهیر رنگارنگ
بلاغت و سنایل نوعانوس سلاست الیه مزین برباغچه معرفت و هر
سطر معانی حصری تطیب ریاض فصاحت ایچون بر مجرای زلال
اجرای مقسم حکمتدر بهارستان زمین طراوت بخشاشنده ریاحین

(رنگین)

رنکین الوان عبارات ودقایق آچالش وکاستان مضامین اطافت
نماسنده روایح عنبرین افشان نکات وحقایق صاچالش اولدیغندن
مزیت قدر وقیمتی حدایق نابتة الحقایق فقراتمه قد کشیده
اوج اعجاز اولان اشجار شیرین اثمار قلبیه بی تشخیص وتمیز ایله ممکن
اوله بیلور اوله بر اثر کران قدره موفقیتندن طولای افندی موعی الیهی
تبریک واول کلغچه نوشکوفتنک بوی دلجوی مطالعه سیله تعطیر مشام
جان ایله جک اخوان دینی افکار محالست اثار کثراتمه تشریک ایله
عرض مفحرت ایدرم .

کلزار ادب و عرفانک فوایح ازهار مجسمی . اعدای عنادل کاستان
هنرک خصم معظمی . روضه کالاتک روایح ازاهیر علمی . مأمور
اسکان مهاجرین باطوم عزتلو (امین حلمی) افندینک تاریخ اتمام
رساله بی حاوی نظایم وانشاد بیوردقلری قصیده تقریضه لیدر .

مدیر اوطه مکتوبی قیودائی * حسن افندیدر عجم معرفت کهری
نسیم دلکش توفیق اسنجه فکرته * بوریدر بحر معنایه کشتی هنری
نیچه اثرلی وارنفع نوع آدم ایچون * بوهمت ایله قراندی توجه نوع بشری
از انجمله ابدوب بورساله بی ترتیب * او آسمان کمال و معارفک قری
رساله که کلمات فیوض مشحونی * بم مسائل دنک کرانیها درری
نقاط دلکشیدر اختران چرخ علوم * حروفی روضه فن ادب شکوفه لری
دها نیچه اثری اوله اشتهار آور * بور کذاری کذار ایتمدن بتون شهری
وقوع نشر بنده بدیم ایکی تاریخ * بری مجوه رایسه حلمی نامدر دیکری
براقدی طوغریسی ریاد کاررو نقیاب * حسن افندی اهل هنر بوباک اثری

۱۲۹۶

۱۲۹۶

(لمؤلف الفقیر)

شاه سریر سلطنت غازی عبد الحمید خانکیم
اولدی ظلال ورأفت و عدلیله کوکلم شاد مان
بوی ازهار کلشن لطف واحسان همی
باد بهار شوکتی رونقده صحن جهان

اوپله معارف پرور کیم ذات مسیحادم اودر
 بخش ایلر جسم عالمه هرگز حیات جاو دان
 ایلر وزان چون صبح وشام باد نسیم رآفتی
 آکور مشام اهل دل فیض و مزیت هر زمان
 پیر مرده ایکن روضه مقصد خزان غم ایله
 کشاده اولدی غنچه مقصود و آمال ناکهان
 منظور چشم رغبتی اولدی بواثر در عقب
 طبع و نشرینی فرموده قیلدی اول شاه عالیشان
 اینسون فراوان و مزید کلزار تخت و قصرینده
 عمر و شکوه شوکتین باغ جهانده مستعان
 برجسته بومصرعی یاد ایلر عندلیب کوکل
 باغ عالمده مستدام قیلسون او خالق الاکوان
 استاذ و شاگرد چیقارر بیغایه توفیق تاربخن
 اراده شهنشاهله نشر اولدی بوروضه همان

۱۲۹۶

میران روضه عرفان و تمیزان باغچه اذعاندن بهاءالدین
 بکک انشاد بیوردقلری رطل تاریخ طبع کرانبهاریدر
 شهنشاه جهان عبدالمجیدخان کرملک
 دودست عاطفت بخش علوم اهلینه تمجیدده
 صباى لطفی نشر ابتدی مرتب بوی ازهارین
 کورنجهلف اولمش روضه یی اوراق تسویدده
 صغیر فخر خلق باغ هزرن عرشه عکس ابتدی
 سزادر نغمه مرغ سحرش شکر و تحمیدده
 حسن توفیق افندینک نشان فضلنه دالدار
 که عالی بر اثر جمع ایلدی بو طرز تجیدده
 بها کلزار طبعده ایکی غنچه مثال تاریخ
 اچیلدی روضه توفیق رحان ملک توحیدده


۱۲۹۶


✽ و ما توفیق الا بالله ✽

دانه چین خر من عرفان ارباب تحقیق . فضله خوار خوان اصحاب
تدقیق . تراب اقدام انام حسن توفیق . اشبورساله بی نأره جفا
کردش ابام ایله خانه دل و جانی سوزان و حریق . و پنجه جور فلک
غدار ایله کریبان امن و امانی خریق . و فلک امل و مقصدی کرداب
خیراب غم و ناشادیده کتنام و غریق . و غیر موفقی یار کریم و صدیق
اولدیغی حالده اطفال اخوان دینک تربیه لر بچون من غیر حد
جمع و تمیق . اینسیله بورساله نک نظر کیمیا اثر حضرت پادشاهی به
نائلیت و مظهریتی شرف و مزیندن غیری . ازاهیر تراکیب و الفاظنده
وزواهر فقرات و عباراتنده رواج فوایج استفاده حص اولنه ببله جک
بریری اولدیغندن و اشبو نهال دواچی روضه اثمار و ازهار تحسین
حضرت خلافتنا هیدن تعری و تجرید ابدیلور ایسه بر درخت خشک
بی بر و بو شاهد محصول دل البسه زرتار تقدیر شهر یاری نزع
و اخراج اولتور ایسه ما دتا بر شمع کریه المنظر کورینه جکی انور
من نور القمر اولدیغندن سابقه مقدرات الهیه بومثالو مباهات و افتخار
و خجالات و شرمسار اره سندن بدش انظار عمومیه به عرض و وضعنه
کنندوسنی ترغیب و تشویق ابلدیکنندن مطالعاه سنه رغبت و تنزل
بیورانلردن امرار نظر اعتبارلرینی استرحام ایله (اللطف
من کرم العباد مأمول . اللهم انی اسئلك تمام النعمه و دوام العافیه
و حسن الخاتمه کما احسنبتنی فی هذا المقام الخاتمه بحرمة
خاتم الانبیاء والمرسلین و الحمد لله رب العالمین
وصلی الله علی سیدنا محمد و علی آله
و صحبه اجمعین

صوبہ	خطا	سطر	صفحہ
بی	.	۱	۳۱
زوجہ	کرۃ	۱۶	۱۳۶







3 1761 07294397 0

